












42



P. G. F.



ET

SATYRÆ.

TABULIS ÆNEIS ILLUSTRAVIT,

ET

NOTAS VARIORUM SELECTAS,

SUASQUE ADDIDIT

---

*Monstro quod ipse tibi possis dare.*——

JUV. SAT. X.

---

Prostant venales Londini, apud GUL. SANDBY in Vico Fletano;  
Cantabrigiæ, apud G. THURLBOURN & J. WOODYER.

577 r<sub>1</sub>  
24 1/10

## D. Junii Juvenalis Aquinatis

### V I T A.

**A**QUINATEM se ipse testatur Juvenalis, Satyra 3. §. 319. libertino quodam patre natum, alii duntaxat ab eo educatum referunt. Eruditus est a Frontone Grammatico; a Quinctiliano Rhetore etiam, ut volunt nonnulli. Certe hic de Juvenale dicitur loqui lib. 10. cap. 1. ubi Satyricos laudans Poetas, *Sunt clari hodie quoque, et qui olim nominabuntur.* Floruit sub Imperatoribus Domitiano, Nerva, Trajano, Hadriano etiam, ut ex Edit. Delph. Notis constabit.

J. Lipsius Epistolic. Quæst. Lib. 4. Epist. 20. *De Juvenalis ætate non ab re dubitatur,* inquit. Declamavit ad mediam fere ætatem, forensesque causas egit non sine laude et gloria. Postea ad Satyras componendas animum appulit. At in Paridem mimum versus quosdam non absurdos cum publicasset, Domitianum histrionis istius amantem haud leviter offendit. De his Sat. 7. 15, et 16. Illos igitur pudore et ira percitos de Juvenale amovendo cogitasse tradunt, atque sub honoris obtentu relegasse, præfectum nempe cohorti, quæ in Ægyptum mittebatur. Intellecta vero præfecturæ causa dicunt cum tædio et angore vitam finiisse illic sane octogenarium. Porro hæc neque vera omnia, nec falsa: Lipsio teste citato loco, ubi Juvenalem

## *D. Junii Juvenalis Vita.*

venalem sub Domitiano exulasse non abnuuit quidem, negat autem eo superstite mortuum; imo post ipsum Satyras aliquot scripsisse, colligit ex ejus Sat. 4. imprimisque ex ultimis versibus, vixisse ad Trajani, quin et Hadriani tempora, ostendit ex Sat. 6. §. 406. et seq. et Sat. 13. §. 17. atque Plinio Juniori, et Tacito supparem existimat.

Juvenalem sibi familiarem valde commendat Martialis Lib. 7. Epigramma. 23. et 90. item Lib. 12. Epigram. 18. Quod Epigramma, si Martialis, cum in Hispanis degeret, scripsit; mortuoque jam Domitiano: quæ quidem affirmat ibid. cit. Lips. hinc duo nobis patent: alterum, superstitem Domitiano fuisse Juvenalem, alterum, in Ægypto nequaquam obiisse, sed reversum inde Romam, ibique deinceps scriptitasse. Nam sic ait Martialis. Epigr. 18. Lib. 12. ad Juvenalem:

*Dum tu forsitan inquietus erras  
Clamosa Juvenalis in Suburra,  
Aut collem dominæ teris Dianæ;  
Dum per limina te potentiorum  
Sudatrix toga ventilat, &c.*

Cæterum omnibus Satyricis, ipsique Horatio præferendum Juvenalem scribit Jul. Scaliger; nihil autem verius ab eo scriptum Lipsius asseverat.

# TABULARUM EXPLICATIO.

TAB. I. JUVENALIS. Ed. Holyday.

- II. Fig. 1. Prærupta hic visitur longe rupes, cui adificium impositum est è quadrato lapide, projectoque sinistro brachio, taurinum caput habens, cætera vero membra humana. Monstrum hoc Minotaurum refert a Minoe inclusum labyrintho; licet autem in veteribus nummis, ut in figura sequenti, Minotaurus corpore bubulo, et vultu tantum humano conspiciatur. Stofsch. gem. tab. 51. Spectat Sat. 1. §. 53.
- F. 2. Minotaurus in labyrintho conclusus. Mus. Flor. tom. 2. tab. 35. fig. 1. Spectat Sat. 1. §. 53.
- F. 3. Capri ad craterem colludentes, pedesque anteriores jungere simul studentes. Mus. Flor. tom. 2. tab. 20. fig. 1. Spectat Sat. 1. §. 76.
- F. 4. Harpocrates silentii deus. Mont. tom. 12. tab. 11. fig. 4. Spectat Sat. 1. §. 160. Sic et Ovidius,  
*Quique premit vocem, digitoque silentia suadet.*
- III. F. 1. Sponsæ et sponsi connubium. Additæ sunt literæ VT. FX. nimirum VTERE FELIX vel FELICITER, quæ adclamatio in nuptiis adhibebatur. Mus. Flor. tom. 2. tab. 16. fig. 3. Spectat Sat. 2. §. 119.

## TABULARUM EXPLICATIO.

- F. 2. Hercules Antæum procul a tellure tenens. Polymet. pl. 19. fig. 1. Spectat Sat. 3. §. 89.
- F. 3. Gladiatores Samnites; ut ex indicio pinnarum in galeæ summitate patet. Erant alii gladiatores horum adversarii, et factionis diversæ, qui dicebantur *Pinnirapi*, quod *pinnas rapiant*. Lucerna Sepulch. Bartolii. Spectat Sat. 3. §. 158.
- F. 4. Comædi duo. Personas cum ore immaniter hianti induunt. Mus. Flor. tom. 2. tab. 86. fig. 1. Spectat Sat. 3. §. 175.

IV. F. 1. Dea Egeria Numæ regis consilium; quæ spectari meretur qualem eam vel ipse Numa honoraverit simulachro, seu populo Romano genius quidam dictaverit. Existat apud Palatium Farnes. Spectat Sat. 3. §. 12.

F. 2. Minerva. Gemma ex Thesaur. Branderburg. tom. 1. pag. 49. Spectat Sat. 3. §. 219. Spectat etiam Sat. 12. §. 4.

*Par vellus dabitur pugnanti Gorgone Maura.*  
nam in scuto vel clypeo, Gorgonis Mauræ caput gestat Minerva.

F. 3. Fœmina manum tenens super mensam in lance carniū, genus illud sacrificiorum demonstrat quæ *feralia* dicuntur. Ita dicta sunt *ab inferendis epulis*, i. e. a cibis ad mortuos et sepulchra ferendis, quibus indigere stulte credebant. Lucerna Sepulch. Bartolii. Spectat Sat. 5. §. 85.

V.

## TABULARUM EXPLICATIO.

- V. F. 1. Figuras exhibet juxta turrim Ventorum. Spon. Speçtat Sat. 5. §. 101. ob velocitatem, ventis pennæ adfiguntur, quos poetæ alatos fingunt.
- F. 2. Fabulam dat notiffimam Caci clave Herculis icti et occifi. Polymet. tab. 19. f. 2. Speçtat Sat. 5. §. 125.
- F. 3. Hercules, perempto dracone, aurea ferens poma. Polymet. Speçtat Sat 5. §. 152.
- VI. F. 1. Theatrorum cunei. Admiran. Rom. Antiq. tom. 2. Speçtat Sat. 6. §. 61. *Cuneorum* nomen datum a forma; quia re ipfa scalarum directio talis, ut ab imo ordiens magis diffunderetur in altum, redderetque *cunei* formam.
- F. 2. Gladiatores munitum habentes crus *sinistrum* parte anteriore. Vegetius reddit rationem quare ita armari fuerint foliti Velites; *quod certantes missilibus, sinistros pedes ante habere debent.* Lucerna Sepulch. Bellorii. Speçtat Sat. 6. §. 255.
- F. 3. Fœmina cum crine crebris cirris distincto. Stofchii Gem. fig. 33. Speçtat Sat. 6. §. 502.
- F. 4. Signum Ifiacum. In dextera basis parte serpens est ille qui in sacra Ifidis pompa deferebatur. Museum Odeschalc. Speçtat Sat. 6. §. 537.
- VII. F. 1. Sylvanus, cui præcipue pro pecorum valetudine et agrorum fertilitate porcus immolatur.

## TABULARUM EXPLICATIO.

- Ex marmore Rom. Gruter. Spectat Sat. 6. §. 446.
- F. 2. Ova Castorum et delphinorum columnæ in Circo Maximo. Phalæ erant opificia lignea, et ova, machinæ ovataæ. Mont. tom. 6. pl. 159. Spectat Sat. 6. §. 589.
- F. 3. Scriniarius cum libellis constrictis. Spon. Spectat Sat. 7. §. 107.
- VIII. F. 1. Achilles a Chirone edoctus fidibus canere, Chiron diademate cinctus est, et citharæ jugum quomodo tendendum, fidesque temperandæ sint, egregium adolescentem Achillem docet. Mus. Flor. tom. 2. pl. 25. fig. 2. Spectat Sat. 7. §. 210.
- F. 2. Mercurius Terminalis. Hermæ erant cippi lapidei ad viarum discrimina indicanda erecti. Poly-met. Spectat Sat. 8. §. 53.
- F. 3. Victoria in biga. Stofchii Gem. fig. 41. Spectat Sat. 8. §. 63. Qui præmium in cursu assequabantur, id Victoriæ numini cujus imago in Circo visé-batur, tribuebant, ideoque frequentes in gemmis bigæ cum Victoria insculptæ.
- F. 4. Miles ad Centurionis flagellum expavescens, Num. gentis Didixæ. Spectat Sat. 8. §. 247.
- IX. Retiarius cum secutore. Græv. Rom. Antiq. Spectat Sat. 8. §. 204.



## TABULARUM EXPLICATIO.

- X.F. 1. Ganymedes pocillator. Gronov. Græc. Ant. tom. 12. f. 110. Spectat Sat. 9. §. 47.
- F. 2. Fœmina juxta aram coronam porrigens. Sepulch. Naf. Bartolii. Spectat Sat. 9. §. 138.
- F. 3. Triumphans, in summo scipionis eburnei aquilam ferens. Græv. Rom. Antiq. tom. 9. Spectat Sat. 10. §. 43.
- F. 4. Sponsus et sponsa; ille foliis coronatus, illa flammeo operta, quod erat novarum nuptarum velamentum. Ex nuptiis Aldrobandin. Admir. Rom. Antiq. Spectat Sat. 10. §. 333.
- XI. F. 1. Romulus et Remus a Lupa educati. Clypei deæ Romæ insigne esse solet non modo caput Medusæ Gorgonis, verum etiam Lupa lactans Romulum et Remum. Mus. Flor. tom. 2. tab. 54. fig. 1. Spectat Sat. 11. §. 104.
- F. 2. Mars ad Iliam veniens. Num. Antonin. Pii. Spectat Sat. 11. §. 106. et seq. Cum verbum *pendentis* diu frustra que Interpretes vexarit, hic nummus facile illud dilucidat; neque opus est ut *perdentis* in ejus locum admittatur.
- F. 3. Sus triginta fuculos enixa, quod protenderit factum *triginta* annis, ut Lavinienfes condiderint oppidum *Albam*. Mus. Flor. tom. 2. tab. 53. fig. 4. Spectat Sat. 12. §. 74.
- F. 4. Portus Ostiensis. Spectat Sat. 12. §. 75. et seq. et est

## TABULARUM EXPLICATIO.

est num. Neron; sed Portum Ostiensem sub Claudio ædificatum testantur omnes, nec aliud meritum Neronis fertur quam quod Statuam suam addiderit.

- XII. F. 1. Elephas turrim gestans. Potteri Archæol. Græc. Spectat Sat. 12. §. 110.
- F. 2. Saturnus cum falce. Montfauc. tom. 11. tab. 2. Spectat Sat. 13. §. 39.
- F. 3. Diogenes in dolio quod non ardet quia fictile est. Spon. Spectat. Sat. 14. §. 308.
- F. 4. Prometheus, qui face ad radios solis furtim accensa hominem animaverit igne cœlesti. Tenet una manu flammam cœlestem, altera, cœlum superne monstrat et originem nostram. Lucerna Sepulch. Bellorii. Spectat Sat. 15. §. 85.

# TABULARUM EXPLICATIO AD PERSIUM.

## TAB. XIII. AULUS PERSIUS FLACCUS.

XIV. F. 1. Furorem exprimit, atque hic caput Penthei Echionis filii representatur. Spon. Spectat Sat. 1. v. 100. Hanc fabulam sic narrat Horatius,

*Et caput abscissum demens cum portat Agave.*

F. 2. Serpentes duo aram munientes. Goltz. numism. tom. 4. tab. 4. Spectat Sat. 1. v. 113. Angues apud veteres pro Geniis locorum erant habiti semper. Virgil. Æneid. 5. post ambitiosam serpentis descriptionem, subit inde,

*Incertus, Geniumne loci, famulumne parentis  
Esse putet.*

F. 3. Jupiter multum barbatus. Mus. Flor. tom. 2. tab. 3. Spectat Sat. 2. v. 28. apud Juven. Sat. 4. v. 103.

*— facile est barbato imponere regi.*

F. 4. Puer bullam gestans. Spon. Spectat Sat. 5. v. 31.

XV. F. 1. Umbonem exhibet qui pars illa togæ fuit qui ad pectus exibat in tumorem. Græv. Rom. Ant. tom. 6. Spectat Sat. 5. v. 33.

F. 2.

## TABULARUM EXPLICATIO.

- F. 2. Tesseræ frumentaria, signum, quo exhibitio, unusquisque frumentum pro portione accipiebat a principe. Erat autem tessera hospitalis. Gronov. Græc. Ant. tom. 9. Spectat Sat. 5. §. 74.
- F. 3. Figura pueri strigili lavantem abstergens. Montfauc. tom. 6. Spectat Sat. 5. §. 126.
- F. 4. Imaginem in prora navis delineatam exhibet, cujus distinctio navi nomen indebat. Column. Trajan. Spectat Sat. 6. §. 30. Sic Virgil.

— *aurato fulgebat Apolline puppis.*

Et. Sil. Ital.


*Numen erat celsæ puppis vicina Dione.*

atque ita navi Alexandrinæ qua D. Paulus ex insula Mytilene Syracusam vehebatur, *Castorum* insigne erat. Act. Apost. Cap. 28. com. 12.

D. JUNII



II.



D. JUNII JUVENALIS

S A T Y R Æ.

S A T Y R A I.

**S**emper ego auditor tantum? nunquamne reponam,  
Vexatus toties rauci Theseide Codri?

Impune ergo mihi recitaverit ille togatas,  
Hic elegos? impune diem consumpserit ingens  
Telephus? aut, summi plena jam margine libri, 5  
Scriptus et in tergo, necdum finitus, Orestes?

Nota magis nulli domus est sua, quam mihi lucus  
Martis, et Æoliis vicinum rupibus antrum  
Vulcani. Quid agant venti; quas torqueat umbras  
Æacus; unde alius furtivæ devehat aurum 10  
Pelliculæ; quantas jaculetur Monychus ornos;  
Frontonis platani, convulsaque marmora clamant  
Semper, et affiduo ruptæ lectore columnæ.  
Exspectes eadem a summo minimoque poëta.

Et nos ergo manum ferulæ subduximus, et nos 15  
Confilium dedimus Syllæ, privatus ut altum  
Dormiret? Stulta est clementia, cum tot ubique  
Vatibus occurras, perituræ parcere chartæ.

Cur tamen hoc libeat potius decurrere campo,  
 Per quem magnus equos Auruncæ flexit alumnus, 20  
 Si vacat, et placidi rationem admittitis, edam.  
 Cum tener uxorem ducat spado; Mævia Tuscum  
 Figat aprum, et nuda teneat venabula mamma;  
 Patricios omnes opibus cum provocet unus,  
 Quo tondente gravis juveni mihi barba sonabat; 25  
 Cum pars Niliacæ plebis, cum verna Canopi  
 Crispinus, Tyrias humero revocante lacernas,  
 Ventilet æstivum digitis sudantibus aurum,  
 Nec sufferre queat majoris pondera gemmæ;  
 Difficile est Satyram non scribere. Nam quis iniquæ  
 Tam patiens urbis, tam ferreus, ut teneat se? 31  
 Caufidici nova cum veniat lectica Mathonis  
 Plena ipso; post hunc magni delator amici,  
 Et cito rapturus de nobilitate comesa  
 Quod superest; quem Massia timet; quem munere palpat  
 Carus, et a trepido Thymele summissa Latino: 36  
 Cum te summoveant, qui testamenta merentur  
 Noctibus, in cælum quos evehit, optima summi  
 Nunc via processus, vetulæ vesica beatæ.  
 Unciolam Proculeius habet, sed Gillo deuncem: 40  
 Partes quisque suas ad mensuram inguinis hæres  
 Accipiat, sane mercedem sanguinis, et sic  
 Palleat, ut nudis pressit qui calcibus anguem,

Aut



Aut Lugdunensem Rhetor dicturus ad aram.

Quid referam, quanta siccum jecur ardeat ira, 45

Cum populum gregibus comitum premat hic spoliator  
Pupilli prostantis? et hic damnatus inani

Judicio, quid enim salvis infamia nummis?

Exul ab octava Marius bibit, et fruitur Dîs

Iratis: at tu victrix provincia ploras. 50

Hæc ego non credam Venusina digna lucerna?

Hæc ego non agitem? sed quid magis Heracleas,

Aut Diomedæas, aut mugitum Labyrinthi,

Et mare percussum puero, fabrumque volantem?

Cum leno accipiat mœchi bona, si capiendi 55

Jus nullum uxori, doctus spectare lacunar,

Doctus et ad calicem vigilantem stertere naso:

Cum fas esse putet curam sperare cohortis

Qui bona donavit præsepibus, et caret omni

Majorum censu, dum pervolat axe citato 60

Flaminiam: puer Automedon nam lora tenebat,

Ipse lacernatæ cum se jactaret amicæ.

Nonne libet medio ceras implere capaces

Quadrivio; cum jam sexta cervice feratur,

Hinc atque inde patens, ac nuda pene cathedra, 65

Et multum referens de Mecænate supino

Signator falso, qui se lautum atque beatum

Exiguis tabulis et gemma fecerat uda?

Occurrit matrona potens, quæ molle Calenum  
 Porrectura viro miscet fitiente rubetam, 70  
 Instituitque rudes melior Locusta propinquas,  
 Per famam et populum nigros efferre maritos.  
 Aude aliquid brevibus Gyaris et carcere dignum,  
 Si vis esse aliquis : Probitas laudatur, et alget.  
 Criminibus debent hortos, prætoria, menfas, 75  
 Argentum vetus, et stantem extra pocula caprum.  
 Quem patitur dormire nurûs corruptor avaræ ;  
 Quem sponsæ turpes, et prætextatus adulter ?  
 Si natura negat, facit indignatio versum,  
 Qualemcunque potest : quales ego, vel Cluuienus. 80  
 Ex quo Deucalioni, nimbis tollentibus æquor,  
 Navigio montem ascendit, fortesque poposcit,  
 Paulatimque anima caluerunt mollia faxes,  
 Et maribus nudas ostendit Pyrrha puellas :  
 Quicquid agunt homines, votum, timor, ira, voluptas,  
 Gaudia, discursus, nostri est farrago libelli. 86  
 Et quando uberior vitiorum copia ? quando  
 Major avaritiæ patuit finus ? alea quando  
 Hos animos ? neque enim loculis comitantibus itur  
 Ad casum tabulæ, posita sed luditur arca. 90  
 Prælia quanta illic dispensatore videbis  
 Armigero ! simplexne furor festertia centum  
 Perdere, et horrenti tunicam non reddere seruo ?

Quis

Quis totidem erexit villas? quis fercula septem  
 Secreto cœnavit avus? nunc sportula primo 95  
 Limine parva sedet, turbæ rapienda togatæ.

Ille tamen faciem prius inspicit, et trepidat, ne  
 Suppositus venias, ac falso nomine poscas.

Agnitus accipies: jubet a præcone vocari  
 Ipsos Trojugenas: nam vexant limen et ipsi 100  
 Nobiscum. Da prætori, da deinde tribuno.

Sed libertinus prior est: prior, inquit, ego adsum.

Cur timeam? dubitemve locum defendere; quamvis  
 Natus ad Euphratem, molles quod in aure fenestræ  
 Arguerint, licet ipse negem? sed quinque tabernæ 105

Quadringenta parant. Quid confert purpura major  
 Optandum, si Laurenti custodit in agro  
 Conductas Corvinus oves? ego possideo plus  
 Pallante, et Licinis. Expectent ergo Tribuni;  
 Vincant divitiæ; sacro nec cedat honori 110

Nuper in hanc urbem pedibus qui venerat albis.  
 Quandoquidem inter nos sanctissima divitiarum  
 Majestas: etsi, funesta Pecunia, templo  
 Nondum habitas, nullas nummorum ereximus aras,  
 Ut colitur Pax, atque Fides, Victoria, Virtus, 115  
 Quæque salutato crepitat Concordia nido.

Sed cum fummus honor finito computet anno,  
 Sportula quid referat, quantum rationibus addat;

Quid facient comites, quibus hinc toga, calceus hinc est,  
 Et panis, fumusque domi? densissima centum 120  
 Quadrantes lectica petit, sequiturque maritum  
 Languida, vel prægnans, et circumducitur, uxor.  
 Hic petit absenti, nota jam callidus arte,  
 Ostendens vacuum, et clausam pro conjuge fellam.  
 Galla mea est, inquit; citius dimitte: moraris? 125  
 Profer Galla caput. Noli vexare, quiescit.

Ipse dies pulcro distinguitur ordine rerum:  
 Sportula, deinde forum, jurisque peritus Apollo,  
 Atque triumphales, inter quas ausus habere  
 Nescio quis titulos Ægyptius, atque Arabarches, 130  
 Cujus ad effigiem non tantum mejere fas est.  
 Vestibulis abeunt veteres, lassique clientes,  
 Votaque deponunt, quanquam longissima, cænæ,  
 Spes homini: caules miseris, atque ignis emendus.  
 Optima filvarum interea, pelagique vorabit 135  
 Rex horum, vacuisque toris tantum ipse jacebit.  
 Nam de tot pulchris, et latis orbibus, et tam  
 Antiquis, una comedunt patrimonia mensa.  
 Nullus jam parasitus erit: sed quis feret istas  
 Luxuriæ sordes? quanta est gula, quæ sibi totos 140  
 Poneit apros, animal propter convivia natum?  
 Pœna tamen præfens, cum tu deponis amictus  
 Turgidus, et crudum pavonem in balnea portas.

Hinc

Hinc subitæ mortes, atque intestata senectus.  
 It nova, nec tristis, per cunctas fabula cœnas : 145  
 Ducitur iratis plaudendum funus amicis.  
 Nil erit ulterius, quod nostris moribus addat  
 Posteritas : eadem cupient facientque minores.  
 Omne in præcipiti vitium stetit. Utere velis,  
 Totos pande sinus. Dicas hîc forsitan, unde 150  
 Ingenium par materiæ ? unde illa priorum  
 Scribendi quodcumque animo flagrante liberet  
 Simplicitas, cujus non audeo dicere nomen ?  
 Quid refert dictis ignoscat Mucius, an non ?  
 Pone Tigellinum, tæda lucebis in illa, 155  
 Qua stantes ardent, qui fixo gutture fumant,  
 Et latum media fulcum deducit arena.  
 Qui dedit ergo tribus patruis aconita, vehetur  
 Pensilibus plumis, atque illinc despiciet nos ?  
 Cum veniet contra, digito compefce labellum : 160  
 Accusator erit, qui verbum dixerit, hic est.  
 Securus licet Æneam, Rutulumque ferocem  
 Committas : nulli gravis est percussus Achilles ;  
 Aut multum quæsitus Hylas, urnamque secutus.  
 Ense velut stricto quoties Lucilius ardens 165  
 Infremuit, rubet auditor, cui frigida mens est  
 Criminibus, tacita sudant præcordia culpa.  
 Inde iræ, et lacrymæ. Tecum prius ergo voluta

Hæc animo ante tubas : galeatum fero duelli  
 Pœnitet. Experiar, quid concedatur in illos, 170  
 Quorum Flaminia tegitur cinis, atque Latina.

## S A T Y R A II.

**U**Ltra Sauromatas fugere hinc libet, et glaciale  
 Oceanum, quoties aliquid de moribus audent,  
 Qui Curios simulant, et Bacchanalia vivunt,  
 Indocti primum : quanquam plena omnia gypso  
 Chryssippi invenies : nam perfectissimus horum est, 5  
 Si quis Aristotelem similem, vel Pittacon, emit,  
 Et jubet archetypos pluteum servare Cleanthas.  
 Fronti nulla fides. Quis enim non vicus abundat  
 Tristibus obscœnis ? castigas turpia, cum sis  
 Inter Socraticos notissima fossa cinædos. 10  
 Hispida membra quidem, et duræ per brachia fetæ  
 Promittunt atrocem animum : sed podice lævi  
 Cæduntur tumidæ, medico ridente, mariscæ.  
 Rarus sermo illis, et magna libido tacendi,  
 Atque supercilio brevior coma. Verius ergo, 15  
 Et magis ingenue Peribomius : hunc ego fatis  
 Imputo, qui vultu morbum, incessuque fatetur.  
 Horum simplicitas miserabilis ; his furor ipse  
 Dat veniam : sed pejores, qui talia verbis

Her-

III.







Herculis invadunt, et de virtute locuti 20  
 Clunem agitant: ego te ceventem, Sexte, verebor,  
 Infamis Varillus ait? quo deterior te?  
 Loripedem rectus derideat, Æthiopem albus.  
 Quis tulerit Gracchos de seditione querentes?  
 Quis cœlum terris non misceat, et mare cœlo, 25  
 Si fur displiceat Verri, homicida Miloni?  
 Clodius accuset mœchos, Catilina Cethegum?  
 In tabulam Syllæ si dicant discipuli tres?  
 Qualis erat nuper tragico pollutus adulter  
 Concubitu: qui tunc leges revocabat amaras 30  
 Omnibus, atque ipsis Veneri Martique timendas,  
 Cum tot abortivis fœcundam Julia vulvam  
 Solveret, et patruo fimiles effunderit offas?  
 Nonne igitur jure ac merito vitia ultima fictos  
 Contemnunt Scauros, et castigata remordent? 35  
 Non tulit ex illis torvum Laronia quendam  
 Clamantem toties: ubi nunc lex Julia? dormis?  
 Atque ita subridens: felicia tempora, quæ te  
 Moribus opponunt: habeat jam Roma pudorem.  
 Tertius e cœlo cecidit Cato. Sed tamen unde 40  
 Hæc emis, hirsuto spirant opobalsama collo  
 Quæ tibi? ne pudeat dominum monstrare tabernæ.  
 Quod si vexantur leges, ac jura, citari  
 Ante omnes debet Scantinia. Respice primum

Et scrutare viros; faciunt hi plura; sed illos 45  
 Defendit numerus, junctæque umbone phalanges.  
 Magna inter molles concordia. Non erit ullum  
 Exemplum in nostro tam detestabile sexu.  
 Tædia non lambit Cluviam, nec Flora Catullum:  
 Hippo subit juvenes, et morbo pallet utroque. 50  
 Numquid nos agimus causas, civilia jura  
 Novimus, aut ullo strepitu fora vestra movemus?  
 Luctantur pauca, comedunt coliphia pauca.  
 Vos lanam trahitis, calathisque peracta refertis  
 Vellera: vos tenui prægnantem flamine fufum 55  
 Penelope melius, levius torquetis Arachne,  
 Horrida quale facit recidens in codice pellex.

Notum est, cur solo tabulas impleverit Hister  
 Liberto; dederit vivus cur multa puellæ.  
 Dives erit, magno quæ dormit tertia lecto. 60  
 Tu nube, atque tace: donant arcana cylindros.  
 De nobis post hæc tristis sententia fertur.  
 Dat veniam corvis, vexat censura columbas.  
 Fugerunt trepidi vera ac manifesta canentem  
 Stoicidæ. Quid enim falsi Laronia? sed quid 65  
 Non facient alii, cum tu multitia sumas,  
 Cretice, et hanc vestem populo mirante perores  
 In Proculas, et Pollineas? est mœcha Fabulla?  
 Damnetur si vis; etiam Carfinia. Talem

Non

Non fumet damnata togam. Sed Julius ardet, 70  
 Æstuo. Nudus agas, minus est infania turpis.  
 En habitum, quo te leges ac jura ferentem  
 Vulneribus crudis populus modo victor, et illud  
 Montanum positis audiret vulgus aratris.  
 Quid ? non proclames, in corpore judicis ista 75  
 Si videas ? quæro, an deceant multitia testem ?  
 Acer, et indomitus, libertatisque magister  
 Cretice, pelluces. Dedit hanc contagio labem,  
 Et dabit in plures : sicut grex totus in agris  
 Unius scabie cadit, et porrigine porci ; 80  
 Uvaque conspecta livorem ducit ab uva.  
 Fædius hoc aliquid quandoque audebis amictu :  
 Nemo repente fuit turpissimus. Accipient te  
 Paulatim, qui longa domi redimicula sumunt  
 Frontibus, et toto posuere monilia collo, 85  
 Atque Bonam teneræ placant abdomine porcæ,  
 Et magno cratere Deam : sed more sinistro  
 Exagitata procul non intrat fœmina limen.  
 Solis ara Deæ maribus patet ! Ite profanæ !  
 Clamatur : nullo gemit hic tibia cornu. 90  
 Talia secreta coluerunt Orgia tæda  
 Cecropiam soliti Baptæ lassare Cotytto.  
 Ille supercilium madida fuligine tactum  
 Obliqua producit acu, pingitque trementes

Attollens oculos : vitreo bibit ille Priapo, 95  
 Reticulumque comis auratum ingentibus implet  
 Cærulea indutus scutulata, aut galbina rafa ;  
 Et per Junonem domini jurante ministro.  
 Ille tenet speculum pathici gestamen Othonis,  
 Actoris Aurunci spoliū ; quo se ille videbat 100  
 Armatum, cum jam tolli vexilla juberet.  
 Res memoranda novis annalibus, atque recenti  
 Historia, speculum civilis farcina belli.  
 Nimirum summi ducis est occidere Galbam,  
 Et curare cutem summi constantia civis ; 105  
 Bebrici in campo spoliū affectare Palatī,  
 Et pressum in facie digitis extendere panem ;  
 Quod nec in Assyrio pharetrata Semiramis orbe,  
 Mœsta nec Actiaca fecit Cleopatra carina.  
 Hic nullus verbis pudor, aut reverentia mensæ. 110  
 Hic turpis Cybeles, et fracta voce loquendi  
 Libertas, et crine senex fanaticus albo  
 Sacrorum antistes, rarum ac memorabile magni  
 Gutturis exemplum, conducendusque magister.  
 Quid tamen exspectant, Phrygio quos tempus erat jam  
 More supervacuam cultris abscindere carnem ? 116  
 Quadringenta dedit Gracchus festertia, dotem  
 Cornicini ; sive hic recto cantaverat ære.  
 Signatæ tabulæ ; dictum, FELICITER ! ingens

Cœna fedet ; gremio jacuit nova nupta mariti. 120

O proceres, cenfore opus est, an haruspice, nobis ?

Scilicet horreres, majoraque monstra putares,

Si mulier vitulum, vel si bos ederet agnum ?

Segmenta, et longos habitus, et flammea fumit,

Arcano qui sacra ferens nutantia loro 125

Sudavit clypeis ancilibus. O pater urbis,

Unde nefas tantum Latiis pastoribus ? unde

Hæc tetigit, Gradive, tuos urtica nepotes ?

Traditur ecce viro clarus genere, atque opibus vir :

Nec galeam quaffas, nec terram cuspide pulfas, 130

Nec quereris patri ? vade ergo, et cede severi

Jugeribus campi, quem negligis. Officium cras

Primo sole mihi peragendum in valle Quirini.

Quæ causa officii ? quid quæris ? nubit amicus,

Nec multos adhibet. Liceat modo vivere ; fient, 135

Fient ista palam, cupient et in acta referri.

Interea tormentum ingens nubentibus hæret,

Quod nequeunt parere, et partu retinere maritos.

Sed melius, quod nil animis in corpora juris

Natura indulget. Steriles moriuntur, et illis 140

Turgida non prodest condita pyxide Lyde ;

Nec prodest agili palmas præbere Luperco.

Vicit et hoc monstrum tunicati fuscina Gracchi,

Lustravitque fuga mediam gladiator arenam,

Et

Et Capitolinis generosior, et Marcellis, 145  
 Et Catulis, Paulique minoribus, et Fabiis, et  
 Omnibus ad podium spectantibus : his licet ipsum  
 Admoveas, cujus tunc munere retia misit.  
 Esse aliquos Manes, et subterranea regna,  
 Et contum, et Stygio ranas in gurgite nigras, 150  
 Atque una transire vadum tot millia cymba,  
 Nec pueri credunt, nisi qui nondum ære lavantur.  
 Sed tu vera puta. Curius quid sentit, et ambo  
 Scipiadae ? quid Fabricius, manesque Camilli ?  
 Quid Cremeræ legio, et Cannis consumpta juvenus,  
 Tot bellorum animæ ; quoties hinc talis ad illos 155  
 Umbra venit ? cuperent lustrari, si qua darentur  
 Sulphura cum tædis, et si foret humida laurus.  
 Illuc, heu ! miseri traducimur. Arma quidem ultra  
 Littora Jubernæ promovimus, et modo captas 160  
 Orcadas, ac minima contentos nocte Britannos :  
 Sed quæ nunc populi fiunt victoris in urbe,  
 Non faciunt illi, quos vicimus : et tamen unus  
 Armenius Zalates cunctis narratur ephebis  
 Mollior ardenti sese indulfisse tribuno. 165  
 Aspice quid faciant commercia : venerat obses.  
 Hic fiunt homines. Nam si mora longior urbem  
 Indulfit pueris, non unquam deerit amator :  
 Mittentur braccæ, cultelli, fræna, flagellum.  
 Sic prætextatos referunt Artaxata mores. 170







## S A T Y R A III.

**Q**UAMVIS digressu veteris confusus amici,  
 Laudo tamen vacuis quod sedem figere Cumis  
 Destinet, atque unum civem donare Sibyllæ.  
 Janua Baiarum est, et gratum littus amœni  
 Secessus. Ego vel Prochytam præpono Suburæ. 5  
 Nam quid tam miserum, tam solum vidimus, ut non  
 Deterius credas horrere incendia, lapsus  
 Tectorum assiduos, ac mille pericula sævæ  
 Urbis, et Augusto recitantes mense poëtas?  
 Sed dum tota domus rheda componitur una, 10  
 Substitit ad veteres arcus, madidamque Capenam;  
 Hic ubi nocturnæ Numa constituebat amicæ.  
 Nunc sacri fontis nemus, et delubra locantur  
 Judæis, quorum cophinus fœnumque, supellex.  
 Omnis enim populo mercedem pendere iussa est 15  
 Arbor, et ejectis mendicat silva camœnis.  
 In vallem Ægeriæ descendimus, et speluncas  
 Diffimiles veris. Quanto præstantius esset  
 Numen aquæ, viridi si margine clauderet undas  
 Herba, nec ingenuum violarent marmora tophum? 20  
 Hic tunc Umbritius: Quando artibus, inquit, honestis  
 Nullus in urbe locus, nulla emolumenta laborum,

Res hodie minor est, here quam fuit, ac eadem cras  
 Deteret exiguis aliquid; proponimus illuc  
 Ire, fatigatas ubi Dædalus exuit alas: 25  
 Dum nova canities, dum prima, et recta fenectus,  
 Dum superest Lachesi quod torqueat, et pedibus me  
 Porto meis, nullo dextram subeunte bacillo.  
 Cedamus patriâ: vivant Arturius istic,  
 Et Catulus: maneant qui nigrum in candida vertunt,  
 Quis facile est ædem conducere, flumina, portus, 31  
 Siccandam eluviem, portandum ad busta cadaver,  
 Et præbere caput domina venale sub hasta.  
 Quondam hi cornicines, et municipalis arenæ  
 Perpetui comites, notæque per oppida buccæ, 35  
 Munera nunc edunt, et verso pollice vulgi  
 Quemlibet occidunt populariter: inde reversi  
 Conducunt foricas. Et cur non omnia? Cum sint  
 Quales ex humili magna ad fastigia rerum  
 Extollit, quoties voluit Fortuna jocari. 40  
 Quid Romæ faciam? mentiri nescio: librum,  
 Si malus est, nequeo laudare, et poscere: motus  
 Astrorum ignoro: funus promittere patris  
 Nec volo, nec possum: ranarum viscera numquam  
 Inspexi: ferre ad nuptam, quæ mittit adulter, 45  
 Quæ mandat, nôrunt alii: me nemo ministro  
 Fur erit; atque ideo nulli comes exeo, tanquam

Mancus, et extinctæ corpus non utile dextræ.  
 Quis nunc diligitur, nisi conscius, et cui fervens  
 Æstuat occultis animus semperque tacendis? 50  
 Nil tibi se debere putat, nil conferet unquam,  
 Participem qui te secreti fecit honesti.  
 Carus erit Verri, qui Verrem, tempore quo vult,  
 Accusare potest. Tanti tibi non sit opaci  
 Omnis arena Tagi, quodque in mare volvitur aurum,  
 Ut fomno careas, ponendaque præmia fumas 56  
 Tristis, et a magno semper timearis amico.

Quæ nunc divitibus gens acceptissima nostris,  
 Et quos præcipue fugiam, properabo fateri,  
 Nec pudor obstabit: non possum ferre, Quirites, 60  
 Græcam urbem, quamvis quota portio fæcis Achææ?  
 Jampridem Syrus in Tiberim defluxit Orontes,  
 Et linguam, et mores, et cum tibicine chordas  
 Obliquas, necnon gentilia tympana secum  
 Vexit, et ad Circum jussas prostare puellas. 65  
 Ite, quibus grata est picta lupa barbara mitra.  
 Rusticus ille tuus sumit trechedipna, Quirine,  
 Et ceromatico fert niceteria collo.

Hic alta Sicyone, ast hic Amydone relicta,  
 Hic Andro, ille Samo, hic Trallibus, aut Alabandis, 70  
 Esquillas, dictumque petunt a vimine collem,  
 Viscera magnarum domuum, dominique futuri.

Ingenium velox, audacia perdita, fermo  
 Promptus, et Isæo torrentior. Ede quid illum  
 Esse putes? quemvis hominem secum attulit ad nos:  
 Grammaticus, rhetor, geometres, pictor, aliptes, 76  
 Augur, schœnobates, medicus, magus, omnia novit.  
 Græculus esuriens, in cœlum, jufferis, ibit.  
 Ad summam non Maurus erat, nec Sarmata, nec Thrax,  
 Qui sumpfit pennas, mediis sed natus Athenis. 80  
 Horum ego non fugiam conchylia? me prior ille  
 Signabit, fultusque toro meliore recumbet,  
 Advectus Romam, quo pruna et coctona vento?  
 Usque adeo nihil est, quod nostra infantia cœlum  
 Haufit Aventini, bacca nutrita Sabina? 85  
 Quid, quod adulandi gens prudentissima laudat  
 Sermonem indocti, faciem deformis amici;  
 Et longum invalidi collum cervicibus æquat  
 Herculis, Antæum procul a tellure tenentis?  
 Miratur vocem angustam, qua deterius nec 90  
 Ille sonat, quo mordetur gallina marito.  
 Hæc eadem licet et nobis laudare: sed illis  
 Creditur. An melior cum Thaida sustinet, aut cum  
 Uxorem comædus agit, vel Dorida nullo  
 Cultam palliolo? mulier nempe ipsa videtur, 95  
 Non persona loqui: vacua et plana omnia dicas  
 Infra ventriculum, et tenui distantia rima.

Nec tamen Antiochus, nec erit mirabilis illic  
 Aut Stratocles, aut cum molli Demetrius Hæmo.  
 Natio comæda est. Rides? majore cachinno 100  
 Concutitur: flet, si lacrymas conspexit amici,  
 Nec dolet: igniculum brumæ si tempore poscas,  
 Accipit endromidem: si dixeris, æstuo, fudat.  
 Non fumus ergo pares: melior, qui semper, et omni  
 Noctē dieque potest alienum sumere vultum, 105  
 A facie jactare manus, laudare paratus,  
 Si bene ructavit, si rectum minxit amicus,  
 Si trulla inverso crepitum dedit aurea fundo.  
 Præterea sanctum nihil est, et ab inguine tutum:  
 Non matrona laris, non filia virgo, neque ipse 110  
 Sponsus lævis adhuc, non filius ante pudicus.  
 Horum si nihil est, aviam resupinat amici.  
 Scire volunt secreta domus, atque inde timeri.  
 Et quoniam cœpit Græcorum mentio, transi  
 Gymnasia, atque audi facinus majoris abollæ. 115  
 Stoicus occidit Baram, delator amicum,  
 Discipulumque senex, ripa nutritus in illa,  
 Ad quam Gorgonei delapsa est pinna caballi.  
 Non est Romano cuiquam locus hic, ubi regnat  
 Protogenes aliquis, vel Diphilus, aut Erimanthus:  
 Qui gentis vitio, nunquam partitur amicum, 121  
 Solus habet. Nam cum facilem stillavit in aurem

Exiguum de naturæ patriæque veneno,  
 Limine summoveor : perierunt tempora longi  
 Servitii : nusquam minor est jactura clientis. 125

Quod porro officium, ne nobis blandiar, aut quod  
 Pauperis hic meritum ; si curet nocte togatus  
 Currere, cum prætor lic্তorem impellat, et ire  
 Præcipitem jubeat dudum vigilantibus orbis,  
 Ne prior Albinam, aut Modiam collega salutet ? 130

Divitis hic servi claudit latus ingenuorum  
 Filius ; alter enim, quantum in legione tribuni  
 Accipiunt, donat Calvinæ, vel Catienæ,  
 Ut semel atque iterum super illam palpitet : at tu  
 Cum tibi vestiti facies scorti placet, hæres, 135  
 Et dubitas alta Chionem deducere sella.

Da testem Romæ tam sanctum, quam fuit hospes  
 Numinis Idæi : procedat vel Numa, vel qui  
 Servavit trepidam flagranti ex æde Minervam.  
 Protinus ad censum ; de moribus ultima fiet 140

Quæstio : quos pascit servos ? quot possidet agri  
 Jugera ? quam multa magnaue paropside cœnat ?  
 Quantum quisque sua nummorum servat in arca,  
 Tantum habet et fidei : jures licet et Samothracum,  
 Et nostrorum aras ; contemnere fulmina pauper 145  
 Creditur, atque Deos, Dîs ignoscentibus ipsis.

Quid, quod materiam præbet causasque jocosum

Omnibus hic idem, si fœda et scissa lacerna,  
 Si toga sordidula est, et rupta calceus alter  
 Pelle patet; vel si, confuto vulnere, crassum 150  
 Atque recens linum ostendit non una cicatrix?  
 Nil habet infelix paupertas durius in se,  
 Quam quod ridiculos homines facit. Exeat, inquit,  
 Si pudor est, et de pulvino surgat equestri,  
 Cujus res legi non sufficit, et sedeant hic 155  
 Lenonum pueri quocunque in fornice nati.  
 Hic plaudat nitidi præconis filius inter  
 Pinnirapi cultos juvenes, juvenesque lanistæ.  
 Sic libitum vano, qui nos distinxit, Othoni. 159  
 Quis gener hic placuit censu minor, atque puellæ  
 Sarcinulis impar? quis pauper scribitur hæres?  
 Quando in concilio est Ædilibus? agmine factò  
 Debuerant olim tenues migrasse Quirites.  
 Haud facile emergunt, quorum virtutibus obstat  
 Res angusta domi: sed Romæ durior illis 165  
 Conatus: magno hospitium miserabile, magno  
 Servorum ventres, et frugi cœnula magno.  
 Fictilibus cœnare pudet, quod turpe negavit  
 Translatus subito ad Marfos, mensamque Sabellam,  
 Contentusque illic Veneto duroque cucullo. 170  
 Pars magna Italiæ est, si verum admittimus, in qua  
 Nemo togam sumit nisi mortuus. Ipsa dierum

Festorum herboſo colitur ſiquando theatro  
 Majeſtas, tandemque redit ad pulpita notum  
 Exodium, cum perſonæ pallentis hiatum 175  
 In gremio matris formidat ruſticus infans :  
 Æquales habitus illic, ſimileſque videbis  
 Orcheſtram, et populum : clari velamen honoris,  
 Sufficiunt tunicæ ſummis Ædilibus albæ.  
 Hic ultra vires habitus nitor ; hic aliquid plus, 180  
 Quam ſatis eſt ; interdum aliena ſumitur arca.  
 Commune id vitium eſt : hic vivimus ambitioſa  
 Paupertate omnes. Quid te moror ? omnia Romæ  
 Cum pretio. Quid das, ut Coſſum aliquando ſalutes ?  
 Ut te reſpiciat claſſo Veiento labello ? 185  
 Ille metit barbam, crinem hic deponit amati :  
 Plena domus libis venalibus. Accipe, et illud  
 Fermentum tibi habe : præſtare tributa clientes  
 Cogimur, et cultis augere peculia fervis.  
 Quis timet, aut timuit gelida Præneste ruinam, 190  
 Aut poſitis nemoroſa inter juga Volſiniis, aut  
 Simplicibus Gabiis, aut proni Tiburis arce ?  
 Nos urbem colimus tenui tibicine ſultam  
 Magna parte ſui : nam ſic labentibus obſtat  
 Villicus, et veteris rimæ contextit hiatum ; 195  
 Securos pendente jubet dormire ruina.  
 Vivendum eſt illic, ubi nulla incendia, nulli



Nocte metus. Jam poscit aquam, jam frivola transfert  
Ucalegon; tabulata tibi jam tertia fumant.

Tu nescis. Nam si gradibus trepidatur ab imis, 200

Ultimus ardebit, quem tegula sola tuetur

A pluvia, molles ubi reddunt ova columbæ.

Lectus erat Codro Procula minor, urceoli sex,

Ornamentum abaci; necnon et parvulus infra

Cantharus, et recubans sub eodem marmore Chiron:

Jamque vetus Græcos servabat cista libellos, 206

Et divina Opici rodebant carmina mures.

Nil habuit Codrus: quis enim negat? et tamen illud

Perdidit infelix totum nil: ultimus autem

Ærumnæ cumulus, quod nudum, et frustra rogantem

Nemo cibo, nemo hospitio, tectoque juvabit. 211

Si magna Asturici cecidit domus, horrida mater,

Pullati proceres, differt vadimonia prætor:

Tunc gemimus casus urbis, tunc odimus ignem.

Ardet adhuc, et jam accurrit qui marmora donet;

Conferat impensas. Hic nuda, et candida signa; 216

Hic aliquid præclarum Euphranoris, et Polycleti,

Hic Asianorum vetera ornamenta Deorum.

Hic libros dabit, et forulos, mediamque Minervam;

Hic modium argenti: meliora, ac plura reponit 220

Perficus orborum lautissimus, et merito jam

Suspectus, tanquam ipse suas incenderit ædes.

Si potes avelli Circensibus, optima Soræ,  
 Aut Fabrateria domus, aut Frusinone paratur,  
 Quanti nunc tenebras unum conducis in annum! 225  
 Hortulus, hic, puteusque brevis, nec recte movendus,  
 In tenues plantas facili diffunditur haustu.  
 Vive bidentis amans, et culti villicus horti,  
 Unde epulum possis centum dare Pythagoræis.  
 Est aliquid quocunque loco, quocunque recessu, 230  
 Unius sese dominum fecisse lacertæ.  
 Plurimus hic æger moritur vigilando; sed illum  
 Languorem peperit cibus imperfectus, et hærens  
 Ardenti stomacho. Nam quæ meritoria somnum  
 Admittunt? magnis opibus dormitur in urbe. 235  
 Inde caput morbi: rhedarum transitus arcto  
 Vicorum inflexu, et stantis convicia mandræ  
 Eripiunt somnum Druso, vitulisque marinis.  
 Si vocat officium, turba cedente vehetur  
 Dives, et ingenti curret super ora Liburno, 240  
 Atque obiter leget, aut scribet, vel dormiet intus:  
 Namque facit somnum clausa lectica fenestra.  
 Ante tamen veniet: nobis properantibus obstat  
 Unda prior: magno populus premit agmine lumbos  
 Qui sequitur: ferit hic cubito, ferit affere duro 245  
 Alter; at hic tignum capiti incutit, ille metretam:  
 Pinguia crura luto, planta mox undique magna

Calcor, et in digito clavus mihi militis hæret.  
 Nonne vides, quanto celebretur sportula fumo?  
 Centum convivæ; sequitur sua quemque culina.  
 Corbulo vix ferret tot vasa ingentia, tot res 251  
 Impositas capiti, quas recto vertice portat  
 Servulus infelix, et cursu ventilat ignem.  
 Scinduntur tunicæ fartæ; modo longa coruscant  
 Sarraco veniente abies, atque altera pinum 255  
 Plaustra vehunt, nutant alte, populoque minantur.  
 Nam si procubuit, qui faxa Ligustica portat  
 Axis, et eversum fudit super agmina montem,  
 Quid superest de corporibus? quis membra, quis ossa  
 Invenit? obtritum vulgi perit omne cadaver, 260  
 More animæ. Domus interea secura patellas  
 Jam lavat, et bucca foculum excitat, et sonat unctis  
 Strigilibus, et pleno componit lintea gutto.  
 Hæc inter pueros varie properantur: at ille  
 Jam sedet in ripa, tetrumque novitius horret 265  
 Porthmea, nec sperat cœnosi gurgitis alnum  
 Infelix, nec habet, quem porrigat, ore trientem.  
 Respice nunc alia, ac diversa pericula noctis.  
 Quod spatium tectis sublimibus, unde cerebrum  
 Testa ferit, quoties rimosa, et curta fenestris 270  
 Vasa cadunt; quanto percussum pondere signent,  
 Et lædant filicem. Possis ignavus haberi,

Et

Et subiti casus improvidus, ad cœnam si  
 Intestatus eas, adeo tot fata, quot illa  
 Nocte patent vigiles, te prætereunte, fenestræ. 275  
 Ergo optes, votumque feras miserabile tecum,  
 Ut sint contentæ patulas effundere pelves.  
 Ebrius ac petulans, qui nullum forte cecidit,  
 Dat pœnas; noctem patitur lugentis amicum  
 Pelidæ, cubat in faciem, mox deinde supinus. 280  
 Ergo non aliter poterit dormire: quibusdam  
 Somnum rixa facit: sed quamvis improbus annis,  
 Atque mero fervens, cavet hunc, quem coccina læna  
 Vitari jubet, et comitum longissimus ordo;  
 Multum præterea flammaram, et aenea lampas: 285  
 Me, quem luna solet deducere vel breve lumen  
 Candelæ, cujus dispenso et tempero filum,  
 Contemnit. Miserae cognosce procœmia rixæ:  
 Si rixa est, ubi tu pulsas, ego vapulo tantum.  
 Stat contra, starique jubet, parere necesse est. 290  
 Nam quid agas, cum te furiosus cogat, et idem  
 Fortior? unde venis? exclamat: cujus aceto,  
 Cujus conche tumes? quis tecum sectile porrum  
 Sutor et elixi vervecis labra comedit?  
 Nil mihi respondes? aut dic, aut accipe calcem. 295  
 Ede ubi consistas: in qua te quæro profœucha?  
 Dicere si tentes aliquid, tacitusve recedas,

Tantundem est : feriunt pariter : vadimonia deinde  
 Irati faciunt. Libertas pauperis hæc est ;  
 Pulsatus rogat, et pugnis concisus adorat, 300  
 Ut liceat paucis cum dentibus inde reverti.  
 Nec tamen hoc tantum metuas : nam qui spoliet te  
 Non decribit, clausis domibus, postquam omnis ubique  
 Fixa catenatæ filuit compago tabernæ.  
 Interdum et ferro subitus grassator agit rem, 305  
 Armato quoties tutæ custode tenentur  
 Et Pomptina palus, et Gallinaria pinus.  
 Sic inde huc omnes, tanquam ad vivaria, currunt.  
 Qua fornace graves, qua non incude, catenæ ?  
 Maximus in vinclis ferri modus, ut timeas, ne 310  
 Vomer deficiat, ne marræ, et farcula defint.  
 Felices proavorum atavos, felicia dicas  
 Sæcula, quæ quondam sub regibus atque tribunis  
 Viderunt uno contentam carcere Romam.  
 His alias poteram, et plures subnectere causas : 315  
 Sed jumenta vocant, et sol inclinatur ; eundem est.  
 Nam mihi commota jamdudum mulio virga  
 Innuit : ergo vale nostri memor ; et quoties te  
 Roma tuo refici properantem reddet Aquino,  
 Me quoque ad Elvinam Cererem, vestramque Dianam  
 Convelle a Cumis : Satyrarum ego, ni pudet illas, 321  
 Adjutor gelidos veniam caligatus in agros.

## SATYRA IV.

**E**Cce iterum Crispinus; et est mihi sæpe vocandus  
 Ad partes, monstrum nulla virtute redemptum  
 A vitiis, æger, solaque libidine fortis :  
 Delicias viduæ tantum aspernatur adulter.  
 Quid refert igitur quantis jumenta fatiget 5  
 Porticibus, quanta nemorum veçtetur in umbra,  
 Jugera quot vicina foro, quas emerit ædes ?  
 Nemo malus felix, minime corruptor, et idem  
 Incestus, cum quo nuper vittata jacebat  
 Sanguine adhuc vivo terram subitura sacerdos. 10  
 Sed nunc de factis levioribus : et tamen alter  
 Si fecisset idem, caderet sub iudice morum.  
 Nam quod turpe bonis, Titio Seioque, decebat  
 Crispinum. Quid agas, cum dira et fœdior omni  
 Crimine persona est ? mullum sex millibus emit, 15  
 Æquantem fane paribus sestertia libris,  
 Ut perhibent, qui de magnis majora loquuntur.  
 Consilium laudo artificis, si munere tanto  
 Præcipuam in tabulis ceram fenis abstulit orbi.  
 Est ratio ulterior, magnæ si misit amicæ, 20  
 Quæ vehitur clauso latis specularibus antro.  
 Nil tale exspectes : emit sibi. Multa videmus,  
 Quæ miser et frugi non fecit Apicius : hoc tu

Succinctus patria quondam Crispine papyro.  
 Hoc pretium squamæ? potuit fortasse minoris 25  
 Piscator, quam piscis emi. Provincia tanti  
 Vendit agros; sed majores Apulia vendit.  
 Quales tunc epulas ipsum glutisse putemus  
 Induperatorem, cum tot festertia, partem  
 Exiguam, et modicæ sumptam de margine cœnæ,  
 Purpureus magni ructaret scurra Palatî; 31  
 Jam princeps equitum, magna qui voce solebat  
 Vendere municipales fracta de merce filuros!  
 Incipe Calliope, licet hic confidere: non est  
 Cantandum; res vera agitur, narrate puellæ 35  
 Pierides; profit mihi vos dixisse puellas.  
 Cum jam semianimum laceraret Flavius orbem  
 Ultimus, et calvo ferviret Roma Neroni,  
 Incidit Adriaci spatium admirabile rhombi, 39  
 Ante domum Veneris, quam Dorica sustinet Ancon,  
 Implevitque sinus: neque enim minor hæserat illis,  
 Quos operit glacies Mæotica, ruptaque tandem  
 Solibus effundit torpentis ad ostia Ponti  
 Desidia tardos, et longo frigore pingues.  
 Destinât hoc monstrum cymbæ linique magister 45  
 Pontifici summo. Quis enim proponere talem,  
 Aut emere auderet, cum plena et littora multo  
 Delatore forent? dispersi protinus algæ

Inquifitores agerent cum remige nudo ;  
 Non dubitaturi fugitivum dicere pifcem, 50  
 Depaftumque diu vivaria Cæſaris, inde  
 Elapſum, veterem ad dominum debere reverti.  
 Si quid Palphurio, ſi credimus Armillato,  
 Quicquid conſpicuum, pulchrumque ex æquore toto,  
 Res fiſci eſt, ubicunq; natat : donabitur ergo, 55  
 Ne pereat. Jam letifero cedente pruinis  
 Autumno, jam quartanam ſperantibus ægris,  
 Stridebat deformis hyems, prædamque recentem  
 Servabat : tamen hic properat, velut urgeat auſter.  
 Utque lacus ſuperant, ubi quanquam diruta, ſervat 60  
 Ignem Trojanum, et Veſtam colit Alba minorem,  
 Obſtitit intranti miratrix turba parumper ;  
 Ut ceſſit, facili patuerunt cardine valvæ.  
 Excluſi exſpectant admiſſa obſonia patres.  
 Itur ad Atridem. Tum Picens, accipe, dixit, 65  
 Privatis majora focus : genialis agatur  
 Iſte dies ; propera ſtomachum laxare ſaginis,  
 Et tua ſervatum conſume in ſæcula rhombum.  
 Ipſe capi voluit. Quid apertius ? et tamen illi  
 Surgebant criſtæ. Nihil eſt, quod credere de ſe 70  
 Non poſſit, cum laudatur dîs æqua poteſtas.  
 Sed deerat piſci patinæ menſura. Vocantur  
 Ergo in concilium proceres, quos oderat ille ;



In quorum facie miseræ, magnæque sedebat  
 Pallor amicitiaë. Primus, clamante Liburno, 75  
 Currite, jam fedit, rapta properabat abolla  
 Pegasus, attonitæ positus modo villicus urbi.  
 Anne aliud tunc præfecti? quorum optimus, atque  
 Interpres legum sanctissimus; omnia quanquam  
 Temporibus diris tractanda putabat inermi 80  
 Justitia. Venit et Crispi jucunda senectus,  
 Cujus erant mores, qualis facundia; mite  
 Ingenium. Maria, ac terras, populosque regenti  
 Quis comes utilior, si clade, et peste sub illa  
 Sævitiâ damnare, et honestum afferre liceret 85  
 Consilium? sed quid violentius aure tyranni,  
 Cum quo de pluviis, aut æstibus, aut nimboſo  
 Vere locuturi fatum pendebat amici?  
 Ille igitur nunquam direxit brachia contra  
 Torrentem; nec civis erat, qui libera posset 90  
 Verba animi proferre, et vitam impendere vero.  
 Sic multas hyemes, atque octogesima vidit  
 Solstitia; his armis, illa quoque tutus in aula,  
 Proximus ejusdem properabat Acilius ævi  
 Cum juvene, indigno quem mors tam sæva maneret,  
 Et domini gladiis tam festinata: sed olim 96  
 Prodigio par est cum nobilitate senectus:  
 Unde fit, ut malim fraterculus esse gigantis.

Profuit ergo nihil misero, quod cominus urfos  
 Figebat Numidas, Albana nudus arena 100  
 Venator. Quis enim jam non intelligat artes  
 Patricias? quis priscum illud miretur acumen,  
 Brute tuum? facile est barbato imponere regi.  
 Nec melior vultu, quamvis ignobilis, ibat  
 Rubrius, offensæ veteris reus, atque tacendæ; 105  
 Et tamen improbior Satyram scribente cinædo.  
 Montani quoque venter adest abdomine tardus:  
 Et matutino sudans Crispinus amomo,  
 Quantum vix redolent duo funera. Sævior illo  
 Pompeius tenui jugulos aperire susurro: 110  
 Et qui vulturibus fervabat viscera Dacis  
 Fuscus, marmorea meditatus prælia villa:  
 Et cum mortifero prudens Veiento Catullo,  
 Qui numquam visæ flagrabat amore puellæ:  
 Grande, et conspicuum nostro quoque tempore monstrum!  
 Cæcus, adulator, dirisque a ponte fatelles, 116  
 Dignus Aricinos qui mendicaret ad axes,  
 Blandaque devexæ jactaret basia rhedæ.  
 Nemo magis rhombum stupuit: nam plurima dixit  
 In lævum conversus: at illi dextra jacebat 120  
 Bellua: sic pugnas Cilicis laudabat et ictus,  
 Et pegma, et pueros inde ad velaria raptos.  
 Non cedit Veiento: sed ut fanaticus œstro

Percuffus, Bellona, tuo divinat ; et ingens  
 Omen habes, inquit, magni, clarique triumphi. 125  
 Regem aliquem capies, aut de temone Britanno  
 Excidet Arviragus : peregrina est bellua. Cernis  
 Erectas in terga fudes ? hoc defuit unum  
 Fabricio, patriam ut rhombi memoraret, et annos.  
 Quidnam igitur censes ? conciditur ? abfit ab illo 130  
 Dedecus hoc, Montanus ait ; testa alta paretur,  
 Quæ tenui muro fpatiofum colligat orbem.  
 Debetur magnus patinæ fubitusque Prometheus.  
 Argillam, atque rotam citius properate : fed ex hoc  
 Tempore jam, Cæfar, figuli tua castra fequantur. 135  
 Vicit digna viro fententia : noverat ille  
 Luxuriam imperii veterem, noctesque Neronis  
 Jam medias, aliamque famem, cum pulmo Falerno  
 Arderet. Nulli major fuit ufus edendi  
 Tempeftate mea. Circæis nata forent, an 140  
 Lucrinum ad faxum, Rutupinove edita fundo  
 Oſtrea, callebat primo deprendere morfu :  
 Et femel afpecti litus dicebat echini.  
 Surgitur, et miſſo proceres exire jubentur  
 Concilio, quos Albanam dux magnus in arcem 145  
 Traxerat attonitos, et feftinare coactos,  
 Tanquam de Cattis aliquid, torviſque Sicambris  
 Diſturus ; tanquam diverſis partibus orbis

Anxia præcipiti venisset epistola penna.  
 Atque utinam his potius nugis tota illa dedisset 150  
 Tempora sævitæ, claras quibus abstulit urbi  
 Illustresque animas, impune et vindice nullo.  
 Sed periit, postquam cerdonibus esse timendus  
 Cœperat ; hoc nocuit Lamiarum cæde madenti.

## S A T Y R A V.


**S**I te propositi nondum pudet, atque eadem est mens,  
 Ut bona summa putes aliena vivere quadra ;  
 Si potes illa pati, quæ nec Sarmentus iniquas  
 Cæsaribus ad mensas, nec vilis Galba tulisset,  
 Quamvis jurato metuam tibi credere testi. 5  
 Ventre nihil novi frugalius : hoc tamen ipsum  
 Defecisse puta, quod inani sufficit alvo.  
 Nulla crepido vacat ? nusquam pons, et tegetis pars  
 Dimidia brevior ? tantine injuria cœnæ ?  
 Tam jejuna fames ; cum possis honestius illic 10  
 Et tremere, et sordes farris mordere canini ?  
 Primo fige loco, quod tu discumbere jussus  
 Mercedem solidam veterum capis officiorum.  
 Fructus amicitie magnæ, cibus : imputat hunc rex,  
 Et quamvis rarum, tamen imputat. Ergo duos post 15  
 Si libuit menses neglectum adhibere clientem,

Ter-

F.



I.



2.



3.

P.S.L.f.



Tertia ne vacuo cessaret culcita lecto,  
 Una simus ait. Votorum summa : quid ultra  
 Quæris? habet Trebius, propter quod rumpere somnum  
 Debeat, et ligulas dimittere, sollicitus, ne 20  
 Tota salutatrix jam turba peregerit orbem  
 Sideribus dubiis, aut illo tempore, quo se  
 Frigida circumagunt pigri farraca Boötæ.  
 Qualis cœna tamen? vinum, quod succida nolit  
 Lana pati : de conviva Corybanta videbis. 25  
 Jurgia proludunt; sed mox et pocula torques  
 Saucius, et rubra deterges vulnera mappa;  
 Inter vos quoties, libertorumque cohortem  
 Pugna Saguntina fervet commissa lagena:  
 Ipse capillato diffusum consule potat, 30  
 Calcataque tenet bellis socialibus uvam,  
 Cardiacum numquam cyathum missurus amico.  
 Cras bibit Albanis aliquid de montibus, aut de  
 Setinis, cujus patriam, titulumque senectus  
 Delevit multa veteris fuligine testæ : 35  
 Quale coronati Thrasea Helvidiusque bibebant,  
 Brutorum, et Casî natalibus. Ipse capaces  
 Heliadum crustas et inæquales beryllo  
 Virro tenet phialas : tibi non committitur aurum :  
 Vel, si quando datur, custos affixus ibidem, 40  
 Qui numeret gemmas, unguesque observet acutos.

Da veniam : præclara illic laudatur iaspis :  
 Nam Virro, ut multi, gemmas ad pocula transfert  
 A digitis, quas in vaginæ fronte solebat  
 Ponere zelotypo juvenis prælatus Hiarbæ. 45  
 Tu Beneventani futoris nomen habentem  
 Siccabis calicem nasorum quatuor, ac jam  
 Quassatum, et rupto poscentem sulfura vitro.  
 Si stomachus domini fervet vinoque, ciboque,  
 Frigidior Geticis petitur decocta pruinis. 50  
 Non eadem vobis poni modo vina querebar ;  
 Vos aliam potatis aquam : tibi pocula curfor  
 Gætulus dabit, aut nigri manus offea Mauri,  
 Et cui per mediam nolis occurrere noctem,  
 Clivofæ veheris dum per monumenta Latinæ. 55  
 Flos Asiæ ante ipsum, pretio majore paratus  
 Quam fuit et Tulli census pugnacis, et Anci :  
 Et, ne te teneam, Romanorum omnia regum  
 Frivola. Quod cum ita sit, tu Gætulum Ganymedem  
 Respice, cum sities : nescit tot millibus emptus 60  
 Pauperibus miscere puer : sed forma, sed ætas  
 Digna supercilio. Quando ad te pervenit ille ?  
 Quando vocatus adest calidæ, gelidæque minister ?  
 Quippe indignatur veteri parere clienti, 64  
 Quodque aliquid poscas, et quod, se stante, recumbas.  
 Maxima quæque domus fervis est plena superbis.

Ecce



Ecce alius quanto porrexit murmure panem  
 Vix fractum, solidæ jam mucida frustra farinæ,  
 Quæ genuinum agitent, non admittentia morsum.  
 Sed tener et niveus, mollique filigine factus 70  
 Servatur domino. Dextram cohibere memento.  
 Salva sit artoptæ reverentia. Finge tamen te  
 Improbulum; superest illic qui ponere cogat.  
 Vin' tu consuetis audax conviva canistris  
 Impleri, panisque tui novisse colorem? 75  
 Scilicet hoc fuerat, propter quod, sæpe relicta  
 Conjuge, per montem adversum, gelidasque cucurri  
 Esquilias, fremeret sæva cum grandine vernus  
 Jupiter, et multo stillaret pænula nimbo!  
 Aspice, quam longo distendat pectore lancem, 80  
 Quæ fertur domino, squilla; et quibus undique septa  
 Asparagis, qua despiciat convivium cauda,  
 Cum venit excelsi manibus sublata ministri.  
 Sed tibi dimidio constrictus cammarus ovo  
 Ponitur, exigua feralis cœna patella. 85  
 Ipse Venafrano piscem perfundit: at hic, qui  
 Pallidus offertur misero tibi caulis, olebit  
 Laternam: illud enim vestris datur alveolis, quod  
 Canna Micipsarum prora subvexit acuta:  
 Propter quod Romæ cum Boccare nemo lavatur; 90  
 Quod tutos etiam facit a serpentibus Afros.

Mullus erit domino, quem misit Corfica, vel quem  
 Taurominitanæ rupes, quando omne peractum est,  
 Et jam defecit nostrum mare; dum gula sævit,

Retibus assiduis penitus scrutante macello 95

Proxima; nec patitur Tyrrhenum crescere piscem.

Infruit ergo focum provincia: sumitur illinc

Quod captator emat Lenas, Aurelia vendat.

Virroni muræna datur, quæ maxima venit

Gurgite de Siculo: nam, dum se continet Auster, 100

Dum sedet, et ficcat madidas in carcere pennas,

Contemnunt mediam temeraria lina Charybdim.

Vos anguilla manet longæ cognata colubræ,

Aut glacie aspersus maculis Tiberinus, et ipse

Vernula riparum pinguis torrente cloaca, 105

Et solitus mediæ cryptam penetrare Suburæ.

Ipsi pauca velim, facilem si præbeat aurem:

Nemo petit, modicis quæ mittebantur amicis

A Seneca; quæ Piso bonus, quæ Cotta solebat

Largiri: namque et titulis, et fascibus olim 110

Major habebatur donandi gloria: solum

Poscimus, ut cœnes civiliter. Hoc face, et esto,

Esto, ut nunc multi, dives tibi, pauper amicis.

Anseris ante ipsum magni jecur, anseribus par

Altilis, et flavi dignus ferro Meleagri 115


Fumat aper: post hunc radentur tubera, si ver

Tunc

Tunc erit, et facient optata tonitrua cœnas  
 Majores: tibi habe frumentum, Alledius inquit,  
 O Libye; disjunge boves, dum tubera mittas.  
 Structorem interea, ne qua indignatio desit, 120  
 Saltantem spectes, et chironomonta volanti  
 Cultello, donec peragat dictata magistri  
 Omnia: nec minimo sane discrimine refert,  
 Quo gestu lepores, et quo gallina fecetur.  
 Ducêris planta, velut ictus ab Hercule Cacus; 125  
 Et ponere foris, si quid tentaveris unquam  
 Hiscere, tanquam habeas tria nomina. Quando propinat  
 Virro tibi, sumitque tuis contacta labellis  
 Pocula? quis vestrûm temerarius usque adeo, quis  
 Perditus, ut dicat regi, bibe? plurima sunt quæ 130  
 Non audent homines pertusâ dicere læna.  
 Quadringenta tibi si quis Deus, aut similis Dîs  
 Et melior fatis donaret homuncio; quantus  
 Ex nihilo fieres, quantus Virronis amicus!  
 Da Trebio, pone ad Trebium: vis, frater, ab istis 135  
 Ilibus? O nummi, vobis hunc præstat honorem:  
 Vos estis fratres. Dominus tamen, et domini rex,  
 Si vis tu fieri, nullus tibi parvulus aula  
 Luferit Æneas, nec filia dulcior illo.  
 Jucundum et carum sterilis facit uxor amicum. 140  
 Sed tua nunc Mycale pariat licet, et pueros tres

In gremium patris fundat simul, ipse loquaci  
 Gaudebit nido, viridem thoraca jubebit  
 Afferri, minimasque nuces, affemque rogatum,  
 Ad mensam quoties parasitus venerit infans. 145  
 Vilibus ancipites fungi ponentur amicis,  
 Boletus domino ; sed qualem Claudius edit  
 Ante illum uxoris, post quem nil amplius edit.  
 Virro sibi et reliquis Virronibus illa jubebit  
 Poma dari, quorum solo pascaris odore ; 150  
 Qualia perpetuus Phæacum Autumnus habebat,  
 Credere quæ possis surrepta sororibus Afris.  
 Tu scabie frueris mali, quod in aggere rodit  
 Qui tegitur parma, et galea, metuensque flagelli  
 Discit ab hirsuta jaculum torquere capella. 155  
 Forfitan impensæ Virronem parcere credas :  
 Hoc agit ut doleas : nam quæ comœdia, mimus  
 Quis melior plorante gula ? ergo omnia fiunt,  
 Si nescis, ut per lacrymas effundere bilem  
 Cogaris, pressoque diu fridere molari. 160  
 Tu tibi liber homo, et regis conviva videris ;  
 Captum te nidore suæ putat ille culinæ :  
 Nec male conjectat : quis enim tam nudus, ut illum  
 Bis ferat, Etruscum puero si contigit aurum,  
 Vel nodus tantum, et signum de paupere loro ? 165  
 Spes bene cœnandi vos decipit. Ecce, dabit jam





Semefum leporem, atque aliquid de clunibus apri.  
 Ad nos jam veniet minor altilis : inde parato,  
 Intaſtoque omnes, et ſtriſto pane tacetis.  
 Ille ſapit, qui te ſic utitur. Omnia ferre 170  
 Si potes, et debes ; pulſandum vertice raſo  
 Præbebis quandoque caput, nec dura timebis  
 Flagra pati, his epulis, et tali dignus amico.

## S A T Y R A VI.

**C**Redo pudicitiam Saturno rege moratam  
 In terris viſamque diu ; cum frigida parvas  
 Præberet ſpelunca domos, ignemque, laremque,  
 Et pecus, et dominos, communi clauderet umbra :  
 Silveſtrem montana torum cum ſterneret uxor 5  
 Frondibus, et culmo, vicinarumque ferarum  
 Pellibus : haud ſimilis tibi, Cynthia, nec tibi, cujus  
 Turbavit nitidos extinctus paſſer ocellos :  
 Sed potanda ferens infantibus ubera magnis,  
 Et ſæpe horridior glandem ruſtante marito. 10  
 Quippe aliter tunc orbe novo, cæloque recenti  
 Vivebant homines ; qui, rupto robore nati,  
 Compoſitique luto nullos habuere parentes.  
 Multa pudicitia veteris veſtigia forſan,  
 Aut aliqua extiterint, et ſub Jove ; ſed Jove nondum 15  
 Bar-

Barbato, nondum Græcis jurare paratis  
 Per caput alterius, cum furem nemo timeret  
 Caulibus, aut pomis; et aperto viveret horto.  
 Paulatim deinde ad Superos Astræa recessit,  
 Hac comite, atque duæ pariter fugère sorores. 20  
 Antiquum et vetus est alienum, Posthume, lectum  
 Concutere, atque sacri Genium contemnere fulcri.  
 Omne aliud crimen mox ferrea protulit ætas;  
 Viderunt primos argentea sæcula mœchos.  
 Conventum tamen, et pactum et sponsalia, nostra 25  
 Tempestate paras; jamque a tonsore magistro  
 Pectus, et digito pignus fortasse dedisti.  
 Certe fanus eras! uxorem, Posthume, ducis?  
 Dic, qua Tisiphone, quibus exagitare colubris?  
 Ferre potes dominam, salvis tot restibus, ullam? 30  
 Cum pateant altæ caligantesque fenestræ?  
 Cum tibi vicinum se præbeat Æmilius pons?  
 Aut si de multis nullus placet exitus, illud  
 Nonne putas melius, quod tecum pufio dormit,  
 Pufio, qui noctu non litigat? exigit a te 35  
 Nulla jacens illic munuscula, nec queritur, quod  
 Et lateri parcas, nec, quantum jussit, anheles.  
 Sed placet Urfidio lex Julia: tollere dulcem  
 Cogitat hæredem, cariturus turture magno,  
 Mullorumque jubis, et captatore macello. 40

Quid



Quid fieri non posse putes, si jungitur ulla  
 Urfidio? si mæchorum notissimus olim  
 Stulta maritali jam porrigit ora capistro,  
 Quem toties textit perituri cista Latini?  
 Quid, quod et antiquis uxor de moribus illi 45  
 Quæritur? ô medici mediam pertundite venam:  
 Delicias hominis! Tarpeium limen adora  
 Pronus, et auratam Junoni cæde juvencam,  
 Si tibi contigerit capitis matrona pudici.  
 Pauca adeo Cereris vittas contingere digna, 50  
 Quarum non timeat pater oscula. Necte coronam  
 Postibus, et densos per limina tende corymbos.  
 Unus Iberinæ vir sufficit? ocyus illud  
 Extorquebis, ut hæc oculo contenta sit uno.  
 Magna tamen fama est cujusdam rure paterno 55  
 Viventis: vivat Gabiis, ut vixit in agro,  
 Vivat Fidenis, et agello cedo paterno.  
 Quis tamen affirmat, nil actum in montibus, aut in  
 Speluncis? adeo fenuerunt Jupiter, et Mars?  
 Porticibusne tibi monstratur fœmina voto 60  
 Digna tuo? cuneis an habent spectacula totis  
 Quod securus ames, quodque inde excerpere possis?  
 Cheironomon Ledam molli saltante Bathyllo  
 Tuccia vesicæ non imperat; Appula gannit,  
 Sicut in amplexu: subitum et miserabile longum 65

Atten-

Attendit Thymele; Thymele tunc rustica discit.  
 Ast aliæ, quoties aulæa recondita cessant,  
 Et, vacuo clausoque, sonant fora sola theatro,  
 Atque a plebeiis longe Megalesia, tristes  
 Personam, thyrsūque tenent, et subligar Acci. 70  
 Urbicus exodio risum movet Atellanæ  
 Gestibus Autonoes; hunc diligit Ælia pauper.  
 Solvitur his magno comædi fibula. Sunt, quæ  
 Chrysgonum cantare vetent. Hiis pulla tragædo  
 Gaudet: an exspectas, ut Quintilianus ametur? 75  
 Accipis uxorem, de qua citharædus Echion,  
 Aut Glaphyrus, fiat pater, Ambrosiusque choraules.  
 Longa per angustos figamus pulpita vicos:  
 Ornentur postes, et grandi janua lauro,  
 Ut testudineo tibi, Lentule, conopeo 80  
 Nobilis Euryalum mirmillonem exprimat infans.  
 Nupta fenatori comitata est Hippiæ ludium  
 Ad Pharon, et Nilum, famosaque mœnia Lagi,  
 Prodigia et mores urbis damnante Canopo.  
 Immemor illa domus, et conjugis atque fororis, 85  
 Nil patriæ indulsit, plorantesque improba natos,  
 Utque magis stupeas, ludos, Paridemque reliquit.  
 Sed quanquam in magnis opibus, plumaque paterna,  
 Et segmentatis dormisset parvula cunis,  
 Contempsit pelagus; famam contempserat olim, 90  
 Cujus

Cujus apud molles minima est jactura cathedras.  
 Tyrrenos igitur fluctus, lateque sonantem  
 Pertulit Ionium constanti pectore, quamvis  
 Mutandum toties esset mare. Justa pericli  
 Si ratio est, et honesta, timent, pavidoque gelantur 95  
 Pectore, nec tremulis possunt insistere plantis.  
 Fortem animum præstant rebus, quas turpiter audent.  
 Si jubeat conjux, durum est conscendere navim,  
 Tunc sentina gravis, tunc summus vertitur aër. 99  
 Quæ mœchum sequitur, stomacho valet. Illa maritum  
 Convomit : hæc inter nautas et prandet, et errat  
 Per puppim, et duros gaudet tractare rudentes.  
 Quæ tamen exarsit forma? qua capta juventa est  
 Hippiæ? quid vidit, propter quod ludia dici  
 Sustinuit? nam Sergiolus jam radere guttur 105  
 Cœperat, et fœcto requiem sperare lacerto.  
 Præterea multa in facie deformia, sicut  
 Attritus galea, mediisque in naribus ingens  
 Gibbus, et acre malum semper stillantis ocelli.  
 Sed gladiator erat. Facit hoc illos Hyacinthos : 110  
 Hoc pueris, patriæque, hoc prætulit illa sorori,  
 Atque viro. Ferrum est, quod amant. Hic Sergius idem,  
 Accepta rude, cœpisset Veiento videri.  
 Quid privata domus, quid fecerit Hippiæ, curas?  
 Respice rivales Divorum; Claudius audi 115  
 Quæ

Quæ tulerit: dormire virum cum fenserat uxor,  
 Aufa Palatino tegetem præferre cubili,  
 Sumere nocturnos meretrix Augusta cucullos,  
 Linquebat comite ancilla non amplius una;  
 Et, nigrum flavo crinem abscondente galero, 120  
 Intravit calidum veteri centone lupanar,  
 Et cellam vacuum, atque suam: tunc nuda papillis  
 Constitit auratis, titulum mentita Lyciscæ,  
 Ostenditque tuum, generosè Britannice, ventrem.  
 Excepit blanda intrantes, atque æra poposcit: 125  
 Mox, lenone suas jam dimittente puellas,  
 Tristis abit; sed, quod potuit, tamen ultima cellam  
 Clausit, adhuc ardens rigidæ tentigine vulvæ,  
 Et lassata viris, necdum satiata, recessit:  
 Obscurisque genis turpis, fumoque lucernæ 130  
 Fœda, lupanaris tulit ad pulvinar odorem.  
 Hippomanes, carmenque loquar, coctumque venenum  
 Privignoque datum? faciunt graviora coactæ  
 Imperio sexûs, minimumque libidine peccant.  
 Optima sed quare Cefennia teste marito? 135  
 Bis quingenta dedit, tanti vocat ille pudicam;  
 Nec Veneris pharetris macer est; aut lampade fervet:  
 Inde faces ardent, veniunt a dote sagittæ.  
 Libertas emitur: coram licet innuat, atque  
 Rescribat, vidua est locuples, quæ nupsit avaro. 140  
 Cur

Cur defiderio Bibulæ Sertorius ardet?  
 Si verum excutias, facies, non uxor, amatur.  
 Tres rugæ fubeant, et fe cutis arida laxet,  
 Fiant obfcuri dentes, oculique minores;  
 Collige farcinulas, dicet libertus, et exi; 145  
 Jam gravis es nobis, et fæpe emungeris, exi  
 Ocyus, et propera; ficco venit altera nafo.  
 Interea calet, et regnat, poſcitque maritum  
 Paſtores, et ovem Canuſinam, ulmoſque Falernas.  
 Quantum in hoc? pueros omnes, ergaſtula tota, 150  
 Quodque domi non eſt, et habet vicinus, ematur.  
 Menſe quidem brumæ, cum jam mercator Iâſon  
 Clauſus, et armatis obſtat caſa candida nautis,  
 Grandia tolluntur chryſtallina, maxima rurfus  
 Myrrhina, deinde adamas notiſſimus, et Berenices 155  
 In digito factus pretioſior: hunc dedit olim  
 Barbarus inceſtæ, dedit hunc Agrippa ſorori,  
 Obſervant ubi feſta mero pede ſabbata reges,  
 Et vetus indulget ſenibus clementia porcis.  
 Nullane de tantis gregibus tibi digna videtur? 160  
 Sit formoſa, decens, dives, fœcunda, vetuſtos  
 Porticibus diſponat avos, intactior omni  
 Crinibus effuſis bellum dirimente Sabina:  
 Rara avis in terris, nigroque ſimillima cygno.  
 Quis feret uxorem, cui conſtant omnia? malo, 165  
 Malo

Malo Venusinam, quam te, Cornelia mater  
 Gracchorum, si cum magnis virtutibus affers  
 Grande supercilium, et numeras in dote triumphos.  
 Tolle tuum, precor, Annibalem, victumque Syphacem  
 In castris; et cum tota Carthagine migra. 170  
 Parce, præcor, Pæan, et tu, dea, pone sagittas:  
 Nil pueri faciunt; ipsam configite matrem:  
 Amphion clamat: sed Pæan contrahit arcum.  
 Extulit ergo gregem natorum, ipsumque parentem,  
 Dum sibi nobilior Latonæ gente videtur, 175  
 Atque eadem scrofa Niobe fœcundior alba.  
 Quæ tanti gravitas, quæ forma, ut se tibi sæper  
 Imputet? hujus enim rari summi que voluptas  
 Nulla boni, quoties animo corrupta superbo 179  
 Plus aloës quam mellis habet. Quis deditus autem  
 Usque adeo est, ut non illam, quam laudibus effert,  
 Horreat, inque diem septenis oderit horis?  
 Quædam parva quidem; sed non toleranda maritis.  
 Nam quid rancidius, quam quod se non putat ulla  
 Formosam, nisi quæ de Tusca Græcula facta est, 185  
 De Sulmonensi mera Cecropis? omnia Græce,  
 Cum sit turpe magis nostris nescire Latine.  
 Hoc sermone pavent, hoc iram, gaudia, curas,  
 Hoc cuncta effundunt animi secreta. Quid ultra?  
 Concumbunt Græce. Dones tamen ista puellis: 190

Tune etiam, quam sextus et octogefimus annus  
 Pulsat, adhuc Græce? non est hic sermo pudicus  
 In vetula, quoties lascivum intervenit illud,  
 Ζωνὴ καὶ ψυχὴ, modo sub lodice relictis  
 Uteris in turba. Quod enim non excitat inguen 195  
 Vox blanda, et nequam? digitos habet: ut tamen omnes  
 Subsidant pennæ; dicas hæc mollius Æmo  
 Quanquam et Carpophoro, facies tua computat annos.  
 Si tibi legitimis pactam junctamque tabellis  
 Non es amaturus, ducendi nulla videtur 200  
 Causa; nec est, quare cœnam et mustacea perdas,  
 Labente officio, crudis donanda; nec illud  
 Quod prima pro nocte datur, cum lance beata  
 Dacicus, et scripto radiat Germanicus auro.  
 Si tibi simplicitas uxoria, deditus uni 205  
 Est animus: submitte caput cervice parata  
 Ferrejugum: nullam invenies, quæ parcat amanti.  
 Ardeat ipsa licet, tormentis gaudet amantis,  
 Et spoliis. Igitur longe minus utilis illi  
 Uxor, quisquis erit bonus optandusque maritus. 210  
 Nil unquam invita donabis conjuge: vendes  
 Hac obstante nihil, nihil, hæc si nolit, emetur.  
 Hæc dabit affectus: ille excludetur amicus  
 Jam senior, cujus barbam tua janua vidit.  
 Testandi cum sit lenonibus atque lanistis 215

Libertas, et juris idem contingat arenæ,  
 Non unus tibi rivalis dictabitur hæres.  
 Pone crucem fervo : meruit quo crimine fervus  
 Supplicium? quis testis adest? quis detulit? audi,  
 Nulla unquam de morte hominis cunctatio longa est. 220  
 O demens, ita fervus homo est? nil fecerit, esto :  
 Hoc volo, sic jubeo, sit pro ratione voluntas.  
 Imperat ergo viro : sed mox hæc regna relinquit,  
 Permutatque domos, et flammea conterit : inde  
 Avolat, et spreti repetit vestigia lecti. 225  
 Ornatas paulo ante fores, pendentia linquit  
 Vela domus, et adhuc virides in limine ramos.  
 Sic crescit numerus; sic fiunt octo mariti  
 Quinque per autumnos : titulo res digna sepulcri.  
 Desperanda tibi salva concordia focru : 230  
 Illa docet spoliis nudi gaudere mariti :  
 Illa docet missis a corruptore tabellis,  
 Nil rude, nil simplex, rescribere : decipit illa  
 Custodes, aut ære domat : tunc, corpore sano  
 Advocat Archigenen, onerosaque pallia jactat. 235  
 Abditus interea latet et secretus adulter,  
 Impatensque moræ filet, et præputia ducit.  
 Scilicet exspectas, ut tradat mater honestos,  
 Aut alios mores, quam quos habet? utile porro  
 Filiolam turpi vetulæ producere turpem. 240  
 Nul-



Nulla ferè caufa est, in qua non fœmina litem  
 Moverit. Accufat Manilia, fi rea non est.  
 Componunt ipfæ per fe, formantque libellos,  
 Principium atque locos Celfo dictare paratæ.  
 Endromidas Tyrias, et fœmineum ceroma 245  
 Quis nescit? vel quis non vidit vulnera pali?  
 Quem cavat affiduis sudibus, scutoque laceffit,  
 Atque omnès implet numeros, digniffima prorsus  
 Florali matrona tuba, nifi fi quid in illo  
 Pectore plus agitât, veræque paratur arenæ. 250  
 Quem præstare potest mulier galeata pudorem,  
 Quæ fugit a sexu, vires amat? hæc tamen ipfa  
 Vir nollet fieri: nam quantula nôstra voluptas!  
 Quale decus rerum, fi conjugis auctio fiat?  
 Balteus, et manicæ, et cristæ, crurisque finiftri 255  
 Dimidium tegmen: vel fi diverfa movebit  
 Prælia, tu felix, ocreas vendente puella.  
 Hæ sunt, quæ tenui sudant in cyclade, quarum  
 Delicias et panniculus bombycinus urit.  
 Aspice quo fremitu monstratos perferat ictus; 260  
 Et quanto galeæ curvetur pondere; quanta  
 Poplitibus sedeat; quam denso fascia libro;  
 Et ride, scaphium positis cum sumitur armis.  
 Dicite vos, neptes Lepidi, cæcive Metelli,  
 Gurgitis aut Fabii, quæ ludia sumpferit unquam 265

Hos habitus? quando ad palum gemat uxor Afylli?  
 Semper habet lites alternaque jurgia lectus,  
 In quo nupta jacet: minimum dormitur in illo.  
 Tunc gravis illa viro, tunc orba tigride pejor,  
 Cum simulat gemitus occulti conscia facti, 270  
 Aut odit pueros, aut ficta pellice plorat  
 Uberibus semper lacrymis, semperque paratis  
 In statione sua, atque expectantibus illam,  
 Quo jubeat manare modo: tu credis amorem,  
 Tu tibi tunc, curruca places, fletumque labellis 275  
 Exsorbes; quæ scripta, et quas lecture tabellas,  
 Si tibi zelotypæ retegantur scrinia mœchæ!  
 Sed jacet in fervi complexibus, aut equitis: dic,  
 Dic aliquem, fodes, dic, Quintiliane, colorem.  
 Hæremus: dic, ipsa. Olim convenerat, inquit, 280  
 Ut faceres tu quod velles; nec non ego possem  
 Indulgere mihi: clames licet, et mare cælo  
 Confundas, homo sum. Nihil est audacius illis  
 Deprênsis: iram, atque animos a crimine fumunt.  
 Unde hæc monstra tamen, vel quo de fonte requiris?  
 Præstabat castas humilis fortuna Latinas 286  
 Quondam, nec vitiis contingi parva sinebat  
 Tecta labor, somnique breves, et vellere Thusco  
 Vexatæ duræque manus, ac proximus urbi  
 Annibal, et stantes Collina in turre mariti. 290  
 Nunc

Nunc patimur longæ pacis mala : sævior armis  
 Luxuria incubuit, victumque ulciscitur orbem.  
 Nullum crimen abest, facinusque libidinis, ex quo  
 Paupertas Romana perit. Hinc fluxit ad istos  
 Et Sybaris, colles; hinc et Rhodos, et Miletos, 295  
 Atque coronatum, et petulans, madidumque Tarentum.  
 Prima preregrinos obscœna pecunia mores  
 Intulit, et turpi fregerunt sæcula luxu  
 Divitiæ molles. Quid enim Venus ebria curat?  
 Inguinis, et capitis quæ sint discrimina, nescit; 300  
 Grandia quæ mediis jam noctibus ostrea mordet,  
 Cum perfusa mero spumant unguenta Falerno,  
 Cum bibitur concha, cum jam vertigine tectum  
 Ambulat, et geminis exsurgit mensa lucernis.  
 I nunc, et dubita qua forbeat aëra fanna 305  
 Tullia, quid dicat notæ Collacia Mauræ;  
 Maura Pudicitiae veterem cum præterit aram.  
 Noctibus hic ponunt lecticas, micturiunt hic;  
 Effigiemque Deæ longis siphonibus implent;  
 Inque vices equitant, ac luna teste moventur. 310  
 Inde domos abeunt. Tu calcas, luce reversa,  
 Conjugis urinam, magnos visurus amicos.  
 Nota Bonæ secreta Deæ, cum tibia lumbos  
 Incitat, et cornu pariter, vinoque feruntur  
 Attonitæ, crinemque rotant, ululantque, Priapi 315

Mænades : ô quantus tunc illis mentibus ardor  
 Concubitus! quæ vox, saltante libidine! quantus  
 Ille meri veteris per crura madentia torrens!  
 Lenonum ancillas posita Laufella corona  
 Provocat, et tollit pendentis præmia coxæ: 320  
 Ipse Medullinæ frictum criffantis adorat.  
 Palmam inter dominas virtus natalibus æquat.  
 Nil ibi per ludum simulabitur; omnia fient  
 Ad verum, quibus incendi jam frigidus ævo  
 Laomedontiades, et Nestoris hernia, possit. 325  
 Tunc prurigo moræ impatiens : tunc fœmina simplex,  
 Et pariter toto repetitur clamor ab antro.  
 Jam fas est, admitte viros. Jam dormit adulter?  
 Illa jubet sumpto juvenem properare cucullo.  
 Si nihil est, fervis incurritur : abstuleris spem 330  
 Servorum, veniet conductus aquarius : hic si  
 Quæritur, et defunt homines; mora nulla per ipsam,  
 Quo minus imposto clunem submittat afello.  
 Atque utinam ritus veteres, et publica saltem  
 His intacta malis agerentur sacra : sed omnes 335  
 Noverunt Mauri, atque Indi, quæ psaltria penem  
 Majorem, quam sint duo Cæsaris Anticatones,  
 Illuc, testiculi sibi conscius unde fugit mus,  
 Intulerit, ubi velari pictura jubetur,  
 Quæcunque alterius sexûs imitata figuram est. 340  
 Et

Et quis tunc hominum contemptor numinis? aut quis  
 Sympuvium ridere Numæ, nigrumque catinum,  
 Et Vaticano fragiles de monte patellas  
 Ausus erat? sed nunc ad quas non Clodius aras?  
 Audio quid veteres olim moneatis amici. 345  
 Pone feram, cohibe. Sed quis custodiet ipsos  
 Custodes? cauta est, et ab illis incipit, uxor.  
 Jamque eadem summis, pariter, minimisque libido.  
 Nec melior pedibus filicem quæ conterit atrum,  
 Quam quæ longorum vehitur cervice Syrorum. 350  
 Ut spectet ludos, conducit Ogulnia vestem,  
 Conducit comites, fellam, cervical, amicas,  
 Nutricem, et flavam, cui det mandata, puellam.  
 Hæc tamen, argenti superest quodcumque paterni,  
 Lævibus athleticis, ac vasa novissima, donat. 355  
 Multis res angusta domi est: sed nulla pudorem  
 Paupertatis habet; nec se metitur ad illum,  
 Quem dedit hæc posuitque, modum. Tamen utile quid sit,  
 Prospiciunt aliquando viri; frigusque, famemque,  
 Formica tandem quidam expavêre magistra. 360  
 Prodigia non sentit pereuntem fœmina censum:  
 At, velut exhausta redivivus pullulet arca  
 Nummus, et e pleno semper tollatur acervo,  
 Non unquam reputat, quanti sibi gaudia consent.  
 Sunt, quas eunuchi imbelles, ac mollia semper 365

Oscula delectent, et desperatio barbæ,  
 Et quod abortivo non est opus. Illa voluptas  
 Summa tamen, quod jam calida et matura juventa  
 Inguina traduntur medicis, jam pectine nigro.  
 Ergo expectatos ac iustos crescere primum 370  
 Testiculos, postquam ceperunt esse bilibres,  
 Tonforis damno tantum rapit Heliodorus.  
 Conspicuis longe, cunctisque notabilis intrat  
 Balnea, nec dubie custodem vitis et horti  
 Provocat, a domina factus spado. Dormiat ille 375  
 Cum domina: sed tu jam durum, Posthume, jamque  
 Tondendum eunucho Bromium committere noli.  
 Si gaudet cantu, nullius fibula durat  
 Vocem vendentis Prætoribus; organa semper  
 In manibus; densi radiant testudine tota 380  
 Sardonyches: crispo numerantur pectine chordæ,  
 Quo tener Hedymeles operam dedit: hunc tenet, hoc se  
 Solatur, gratoque indulget basia plectro.  
 Quædam de numero Lamiarum, ac nominis Appi  
 Cum farre et vino Janum, Vestamque rogabat, 385  
 An Capitolinam deberet Pollio quercum  
 Sperare, et fidibus promittere. Quid faceret plus,  
 Ægrotante viro? medicis quid tristibus erga  
 Filiolum? stetit ante aram, nec turpe putavit  
 Pro cithara velare caput; dictataque verba 390  
 Pro-


Protulit, ut mos est, et aperta palluit agna.  
 Dic mihi nunc, quæso, dic, antiquissime Divûm;  
 Respondes his, Jane pater? magna ocia cælo,  
 Non est, ut video non est, quod agatur apud vos.  
 Hæc de comædis te consulit: illa tragædum 395  
 Commendare volet; varicosus fiet haruspex.  
 Sed cantet potius, quam totam pervolet urbem  
 Audax, et cætus possit quam ferre virorum,  
 Cumque paludatis ducibus, præfente marito,  
 Ipsa loqui, recta facie, strictisque mamillis. 400  
 Hæc eadem novit, quid toto fiat in orbe:  
 Quid Seres, quid Thraces, agant: secreta novercæ,  
 Et pueri: quis amet; quis decipiatur adulter.  
 Dicet, quis viduam prægnantem fecerit, et quo 404  
 Mense, quibus verbis concumbat quæque, modis quot.  
 Infantem regi Armenio, Parthoque cometem  
 Prima videt: famam, rumoresque illa recentes  
 Excipit ad portas: quosdam facit: îsse Niphatem  
 In populos, magnoque illic cuncta arva teneri  
 Diluvio: nutare urbes, subsidere terras, 410  
 Quocumque in trivio, cuicumque est obvia, narrat.  
 Nec tamen id vitium magis intolerabile, quam quod  
 Vicinos humiles rapere, et concidere loris  
 Exorata solet: nam si latratibus alti  
 Rumpuntur somni; fustes huc ocyus, inquit, 415  
 Af-

Afferte, atque illis dominum jubet ante feriri,  
 Deinde canem : gravis occurſu, teterrima vultu,  
 Balnea nocte ſubit : conchas, et caſtra moveri  
 Noctē jubet; magno gaudet ſudare tumultu,  
 Cum laſſata gravi ceciderunt brachia maſſa, 420  
 Callidus et criſtæ digitos impreſſit aliptes,  
 Ac ſummum dominæ femur exclamare coëgit.  
 Convivæ miſeri interea ſomnoque fameque  
 Urgeantur. Tandem illa venit rubicundula, totum 425  
 Oenophorum ſitiens, plena quod tenditur urna  
 Admotum pedibus, de quo ſextarius alter  
 Ducitur ante cibum, rabidam facturus orexim,  
 Dum redit, et terram loto ferit inteſtino.  
 Marmoribus rivi properant, aurata Falernum  
 Pelvis olet : nam ſic, tanquam alta in dolia longus 430  
 Deciderit ſerpens, bibit, et vomit. Ergo maritus  
 Naſeat, atque oculis bilem ſubſtringit opertis.  
 Illa tamen gravior, quæ, cum diſcumbere cœpit,  
 Laudat Virgilium, perituræ ignoſcit Eliſæ :  
 Committit vates et comparat; inde Maronem, 435  
 Atque alia parte in trutina ſuſpendit Homerum.  
 Cedunt grammatici, vincuntur rhetores, omnis  
 Turba tacet, nec cauſidicus, nec præco loquatur,  
 Altera nec mulier : verborum tanta cadit vis,  
 Tot pariter pelves, et tintinnabula dicas 440  
 Pul-





VII.



P. S. L. f.

Pulfari. Jam nemo tubas atque æra fatiget :  
 Una laboranti poterit fuccurrere Lunæ.  
 Imponit finem sapiens et rebus honestis.  
 Nam quæ docta nimis cupit et facunda videri,  
 Crure tenus medio tunicas fuccingere debet, 445  
 Cædere Sylvano porcum, quadrante lavari.  
 Non habeat matrona, tibi quæ juncta recumbit,  
 Dicendi genus, aut curtum fermone rotato  
 Torqueat enthymema, nec historias sciat omnes :  
 Sed quædam ex libris et non intelligat. Odi 450  
 Hanc ego, quæ repetit volvitque Palæmonis artem,  
 Servata semper lege, et ratione loquendi,  
 Ignotosque mihi tenet antiquaria versus,  
 Nec curanda viris opicæ castigat amicæ  
 Verba. Solœcismum liceat fecisse marito. 455  
 Nil non permittit mulier sibi : turpe putat nil,  
 Cum virides gemmas collo circumdedit, et cum  
 Auribus extensis magnos commisit elenchos.  
 Intolerabilius nihil est quam fœmina dives.  
 Interea, fœda aspectu ridendaque, multo 460  
 Pane tumet facies, aut pingua Poppæana  
 Spirat, et hinc miseri viscantur labra mariti.  
 Ad mœchum lota veniet cute : quando videri  
 Vult formosa domi? mœchis foliata parantur.  
 His emitur quicquid graciles huc mittitis Indi. 465

Tandem aperit vultum, et tectoria prima reponit;  
 Incipit agnosci, atque illo lacte fovetur,  
 Propter quod secum comites educit afellas,  
 Exul Hyperboreum si dimittatur ad axem.  
 Sed quæ mutatis inducitur, atque fovetur 470  
 Tot medicaminibus, coctæque filiginis offas  
 Accipit et madidæ, facies dicetur, an ulcus?  
 Est operæ pretium penitus cognoscere, toto  
 Quid facient agitentque die. Si nocte maritus  
 Aversus jacuit, periit libraria, ponunt 475  
 Cosmetæ tunicas, tarde venisse Liburnus  
 Dicitur, et pœnas alieni pendere somni  
 Cogitur: hic frangit ferulas, rubet ille flagellis,  
 Hic scutica; sunt quæ tortoribus annua præsent.  
 Verberat, atque obiter faciem linit; audit amicas, 480  
 Aut latum pictæ vestis considerat aurum;  
 Et cædens longi relegit transacta diurni,  
 Et cædit, donec lassis cædentibus, exi,  
 Intonet horrendum, jam cognitione peracta.  
 Præfectura domus Sicula non mitior aula. 485  
 Nam si constituit, solitoque decentius optat  
 Ornari; et properat, jamque expectatur in hortis,  
 Aut apud Ifiacæ potius sacraria lenæ;  
 Componit crinem, laceratis ipsa capillis,  
 Nuda humeros Psecas infelix, nudisque mamillis. 490  
 Al-

Altior hic quare cincinnus? taurea punit  
 Continuo flexi crimen facinusque capilli.  
 Quid Pfecas admisit? quænam est hic culpa puellæ,  
 Si tibi displicuit nasus tuus? altera lævum  
 Extendit, peçtitque comas, et volvit in orbem. 495  
 Est in consilio matrona, admotaque lanis  
 Emerita quæ cessat acu : sententia prima  
 Hujus erit; post hanc ætate, atque arte minores  
 Censebunt, tanquam famæ discrimen agatur,  
 Aut animæ: tanta est quærendi cura decoris. 500  
 Tot premit ordinibus, tot adhuc compagibus, altum  
 Ædificat caput, Andromachen a fronte videbis,  
 Post minor est: credas aliam. Cedo, si breve parvi  
 Sortita est lateris spatium, breviorque videtur  
 Virgine Pygmæa, nullis adjuta cothurnis; 505  
 Et levis erecta confurgit ad oscula planta.  
 Nulla viri cura interea, nec mentio fiet  
 Damnorum: vivit tanquam vicina mariti;  
 Hoc solo propior, quod amicos conjugis odit,  
 Et servos; gravis est rationibus. Ecce furentis 510  
 Bellonæ, matrisque Deûm chorus intrat; et ingens  
 Semivir, obscæno facies reverenda minori,  
 Mollia qui rupta secuit genitalia testa  
 Jampridem, cui rauca cohors, cui tympana cedunt  
 Plebeia, et Phrygia vestitur bucca tiara. 515

Grande sonat, metuique jubet septembris, et austri  
 Adventum, nisi se centum lustraverit ovis,  
 Et xerampelinas veteres donaverit ipsi;  
 Ut quicquid subiti et magni discriminis instat,  
 In tunicas eat, et totum semel expiet annum. 520  
 Hybernum fracta glacie descendet in annem,  
 Ter matutino Tiberi mergetur, et ipsis  
 Vorticibus timidum caput abluet: inde superbi  
 Totum regis agrum, nuda, ac tremebunda cruentis  
 Erepet genibus. Si candida jusserit Iö, 525  
 Ibit ad Ægypti finem, calidaque petitas  
 A Meroë portabit aquas, ut spargat in æde  
 Ifidis, antiquo quæ proxima surgit ovili:  
 Credit enim ipsius dominæ se voce moneri. 529  
 En animam, et mentem, cum qua Dî nocte loquantur!  
 Ergo hic præcipuum summumque meretur honorem,  
 Qui grege linigero circumdatus, et grege calvo  
 Plangentis populi currit derisor Anubis.  
 Ille petit veniam, quoties non abstinet uxor  
 Concubitu sacris observandisque diebus; 535  
 Magnaque debetur violato pœna cadurco;  
 Et movisse caput visa est argentea serpens.  
 Illius lacrymæ meditataque murmura præstant,  
 Ut veniam culpæ non abnuat, anserè magno  
 Scilicet et tenui popano corruptus Osiris. 540

Cum

Cum dedit ille locum, cophino fœnoque relicto,  
 Arcanam Judæa tremens mendicat in aurem,  
 Interpres legum Solymarum, et magna facerdos  
 Arboris, ac fummi fida internuntia cœli.  
 Implet et illa manum, sed parcius, ære minuto. 545  
 Qualiacumque voles, Judæi fœmnia vendunt.  
 Spondet amatorem tenerum, vel divitis orbi  
 Testamentum ingens, calidæ pulmone columbæ  
 Tractato, Armenius, vel Commagenus haruspex.  
 Pectora pullorum rimatur, et exta catelli, 550  
 Interdum et pueri. Faciet quod deferat ipse :  
 Chaldæis sed major erit fiducia: quicquid  
 Dixerit Astrologus, credent a fonte relatum  
 Ammonis; quoniam Delphis oracula cessant,  
 Et genus humanum damnat caligo futuri. 555  
 Præcipuus tamen est horum, qui sæpius exul,  
 Cujus amicitia, conducendaque tabella,  
 Magnus civis obit, et formidatus Othoni.  
 Inde fides arti, sonuit si dextera ferro,  
 Lævaque, si longo castrorum in carcere mansit. 560  
 Nemo mathematicus genium indemnatus habebit :  
 Sed qui pene perit, cui vix in Cyclada mitti  
 Contigit, et parva tandem caruisse Seripho.  
 Consulit ictericæ lento de funere matris,  
 Ante tamen de te, Tanaquil tua; quando fororem 565  
 Ef-

Efferat, et patruos: an sit victurus adulter  
 Post ipsam: quid enim majus dare Numina possunt?  
 Hæc tamen ignorat, quid fidus triste minetur  
 Saturni; quo læta Venus se proferat astro;  
 Qui mensis damno, quæ dentur tempora lucro. 570  
 Illius occurfus etiam vitare memento,  
 In cujus manibus, ceu pingua fuccina, tritas  
 Cernis ephemeridas; quæ nullum consulit, et jam  
 Consulitur; quæ, castra viro patriamque petente,  
 Non ibit pariter, numeris revocata Thrasylli. 575  
 Ad primum lapidem vectari cum placet, hora  
 Sumitur ex libro: si prurit frictus ocelli  
 Angulus, inspecta genesi collyria poscit.  
 Ægra licet jaceat, capiendo nulla videtur  
 Aptior hora cibo, nisi quam dederit Petosiris. 580  
 Si mediocris erit, spatium lustrabit utrumque  
 Metarum, et fortes ducet; frontemque manumque  
 Præbebit vati crebrum poppyfma roganti.  
 Divitibus responsa dabit Phryx augur, et Indus  
 Conductus, dabit astrorum mundique peritus, 585  
 Atque aliquis senior, qui publica fulgura condit.  
 Plebeium in circo positum est et in aggere fatum.  
 Quæ nudis longum ostendit cervicibus aurum,  
 Consulit ante phalas, delphinorumque columnas;  
 An faga vendenti nubat, caupone relicto. 590



Hæ tamen et partus subeunt discrimen, et omnes  
 Nutricis tolerant, fortuna urgente, labores.  
 Sed jacet aurato vix ulla puerpera lecto.  
 Tantum artes hujus, tantum medicamina, possunt,  
 Quæ steriles facit, atque homines in ventre necandos  
 Conducit. Gaude infelix, atque ipse bibendum 596  
 Porrige quidquid erit : nam si distendere vellet,  
 Et vexare uterum pueris salientibus, effes  
 Æthiopsis fortassè pater : mox decolor hæres  
 Impleret tabulas, nunquam tibi mane videndus. 600  
 Transeo suppositos, et gaudia, vota que sæpe  
 Ad spurcos decepta lacus, atque inde petitos  
 Pontifices Salios, Scaurorum nomina falso  
 Corpore laturos. Stat fortuna improba noctu,  
 Arridens nudis infantibus. Hos fovet omnes, 605  
 Involvitque sinu : domibus tunc porrigit altis,  
 Secretumque sibi mimum parat : hos amat, his se  
 Ingerit, atque suos ridens producit alumnos.  
 Hic magicos affert cantus, hic Thessala vendit  
 Philtra, quibus valeat mentem vexare mariti, 610  
 Et solea pulsare nates. Quod desipis, inde est,  
 Inde animi caligo, et magna oblivio rerum,  
 Quas modo gessiisti. Tamen hoc tolerabile, si non  
 Et furere incipias, ut avunculus ille Neronis,  
 Cui totam tremuli frontem Cæsonia pulli 615

Infudit. Quæ non faciet, quod principis uxor?  
 Ardebant cuncta, et fracta compage ruebant,  
 Non aliter, quam si fecisset Juno maritum  
 Infanum. Minus ergo nocens erit Agrippinæ  
 Boletus; siquidem unius præcordia preffit 620  
 Ille senis, tremulumque caput descendere jussit  
 In cælum, et longa manantia labra saliva.  
 Hæc poscit ferrum atque ignes, hæc potio torquet;  
 Hæc lacerat mistos equitum cum sanguine patres.  
 Tanti partus equæ! quanti una venefica constat! 625  
 Oderunt natos de pellice: nemo repugnet,  
 Nemo vetet. Jam jam privignum occidere fas est.  
 Vos ego, pupilli, moneo, quibus amplior est res,  
 Custodite animas, et nulli credite mensæ.  
 Livida materno fervent adipata veneno. 630  
 Mordeat ante aliquis, quicquid porrexerit illa,  
 Quæ peperit: timidus prægustet pocula papas.  
 Fingimus hæc, altum satyra fumente cothurnum,  
 Scilicet, et, finem egressi legemque priorum,  
 Grande Sophocleo carmen bacchamur hiatu, 635  
 Montibus ignotum Rutulis, cæloque Latino.  
 Nos utinam vani: sed clamat Pontia, feci,  
 Confiteor, puerisque meis aconita paravi,  
 Quæ deprensâ patent; facinus tamen ipsa peregi.  
 Tune duos una, sævissima vipera, cœna? 640

Tune duos? septem, si septem forte fuissent.  
 Credamus tragicis, quicquid de Colchide torva  
 Dicitur, et Progne. Nil contra conor: et illæ  
 Grandia monstra suis audebant temporibus; sed  
 Non propter nummos. Minor admiratio summis 645  
 Debetur monstris, quoties facit ira nocentem  
 Hunc sexum; et rabie jecur incendente feruntur  
 Præcipites, ut faxa jugis abrupta, quibus mons  
 Subtrahitur, clivoque latus pendente recedit.  
 Illam ego non tulerim, quæ computat, et scelus ingens  
 Sana facit. Spectant subeuntem fata mariti 651  
 Alcestim; et similis si permutatio detur,  
 Morte viri cupiant animam fervare catellæ.  
 Occurrunt multæ tibi Belides, atque Eriphylæ.  
 Mane Clytemnestram nullus non vicus habebit. 655  
 Hoc tantum refert, quod Tyndaris illa bipennem  
 Infulsam et fatuam dextra lævaque tenebat:  
 At nunc res agitur tenui pulmone rubetæ:  
 Sed tamen et ferro, si prægustarit Atrides  
 Pontica ter victi cautus medicamina Regis. 660

## S A T Y R A VII.

**E**T spes, et ratio studiorum in Cæsare tantum:  
 Solus enim tristes hac tempestate camœnas  
 Respexit, cum jam celebres notique poëtæ  
 Balneolum Gabiis, Romæ conducere furnos  
 Tentarent; nec fœdum alii nec turpe putarent 5  
 Præcones fieri; cum, desertis Aganippes  
 Vallibus, esuriens migraret in atria Clio.  
 Nam si Pieria quadrans tibi nullus in umbra  
 Ostendatur, ames nomen victumque Machæræ,  
 Et vendas potius, commissa quod auctio vendit 10  
 Stantibus, cœnophorum, tripodes, armaria, cistas,  
 Alcithoen Pacci, Thebas et Terea Fausti.  
 Hoc fatius, quam si dicas, sub iudice, vidi,  
 Quod non vidiſti. Faciant equites Afiani,  
 Quanquam et Cappadoces faciant, equitesque Bithyni,  
 Altera quos nudo traducit Gallia talo. 16  
 Nemo tamen studiis indignum ferre laborem  
 Cogetur posthac, necſtit quicumque canoris  
 Eloquium vocale modis, laurumque momordit,  
 Hoc agite, ô juvenes: circumſpicit, et ſtimulat vos,  
 Materiamque ſibi ducis indulgentia quærit. 21  
 Si qua aliunde putas rerum exſpectanda tuarum

Præ-

VIII.



P.S. Lamborn sculp. Cantab



Præfidia, atque ideo crocææ membrana tabellæ  
 Impletur; lignorum aliquid posce ocyus, et quæ  
 Componis, dona Veneris, Telesine, marito; 25  
 Aut clude, et positos tinea pertunde libellos,  
 Frange miser calamos, vigilataque prælia dele,  
 Qui facis in parva sublimia carmina cella,  
 Ut dignus venias hederis, et imagine macra.  
 Spes nulla ulterior : didicit jam dives avarus 30  
 Tantum admirari, tantum laudare disertos,  
 Ut pueri Junonis avem. Sed defluit ætas,  
 Et pelagi patiens, et cassidis, atque ligonis.  
 Tædia tunc subeunt animos, tunc seque, suamque  
 Terpsichoren odit facunda et nuda senectus. 35  
 Accipe nunc artes, ne quid tibi conferat iste,  
 Quem colis, et Musarum et Apollinis æde relicta;  
 Ipse facit versus, atque uni cedit Homero  
 Propter mille annos. At, si dulcedine famæ  
 Succensus recites, Maculonus commodat ædes; 40  
 Ac longe ferrata domus servire jubetur,  
 In qua sollicitas imitatur janua portas.  
 Scit dare libertos extrema in parte sedentes  
 Ordinis, et magnas comitum disponere voces.  
 Nemo dabit regum, quanti subsellia constant, 45  
 Et quæ conducto pendent anabathra tigillo,  
 Quæque reportandis posita est orchestra cathedris.

Nos tamen hoc agimus, tenuique in pulvere fulcos  
Ducimus, et litus sterili versamus aratro.

Nam si discedas, laqueo tenet ambitiosi 50

Consuetudo mali; tenet insanabile multos

Scribendi cacoëthes, et ægro in corde fenescit.

Sed vatem egregium, cui non fit publica vena,

Qui nihil expositum soleat deducere, nec qui

Communi feriat carmen triviale moneta; 55

Hunc, qualem nequeo monstrare, et sentio tantum,

Anxietate carens animus facit, omnis acerbi

Impatiens, cupidus silvarum, aptusque bibendis

Fontibus Aonidum: neque enim cantare sub antro

Pierio, thyrsumve potest contingere sana 60

Paupertas, atque æris inops, quo nocte, dieque

Corpus eget. Satur est, cum dicit Horatius, Euhöe.

Quis locus ingenio, nisi cum se carmine solo

Vexant, et dominis Cirrhæ Nisæque feruntur,

Pectora nostra duas non admittentia curas? 65

Magnæ mentis opus, nec de lodice paranda

Attonitæ, currus, et equos, faciesque Deorum

Aspicere, et qualis Rutulum confundat Erynnis.

Nam si Virgilio puer et tolerabile desit

Hospitium, caderent omnes a crinibus hydri: 70

Surda nihil gemeret grave buccina. Poscimus, ut fit

Non minor antiquo Rubrenus Lappa cothurno,

Cujus



Cujus et alveolos et lænam pignerat Atreus.  
 Non habet infelix Numitor quod mittat amico;  
 Quintillæ quod donet, habet: nec defuit illi 75  
 Unde emeret multa pascendum carne leonem  
 Jam domitum: constat leviori bellua sumptu  
 Nimirum, et capiunt plus intestina poetæ.  
 Contentus fama jaceat Lucanus in hortis  
 Marmoreis: at Serrano, tenuique Saleio 80  
 Gloria quantalibet, quid erit, si gloria tantum est?  
 Curritur ad vocem jucundam, et carmen amicæ  
 Thebæidos, lætam fecit cum Statius urbem,  
 Promisitque diem; tanta dulcedine captos  
 Afficit ille animos, tantaque libidine vulgi 85  
 Auditur: sed, cum fregit subsellia versu,  
 Esurit, intactam Paridi nisi vendat Agaven.  
 Ille et militiæ multis largitur honorem,  
 Semestri vatum digitos circumligat auro.  
 Quod non dant proceres, dabit histrio. Tu Camerinos,  
 Et Bareas, tu nobilium magna atria curas? 91  
 Præfectos Pelopea facit, Philomela Tribunos.  
 Haud tamen invidias vati, quem pulpita pascunt.  
 Quis tibi Mæcnas? quis nunc erit aut Proculcius,  
 Aut Fabius? quis Cotta iterum? quis Lentulus alter?  
 Tunc par ingenio pretium: nunc utile multis 96  
 Pallere, et vinum toto nescire decembri.

Vester porro labor fœcundior, historiarum  
 Scriptores : petit hic plus temporis, atque olei plus :  
 Namque oblita modi millesima pagina furgit 100  
 Omnibus, et crescit multa damnosa papyro.  
 Sic ingens rerum numerus jubet, atque operum lex.  
 Quæ tamen inde seges? terræ quis fructus apertæ?  
 Quis dabit historico quantum daret acta legenti?  
 Sed genus ignavum, quod lecto gaudet et umbra. 105  
 Dic igitur, quid caufidicis civilia præstent  
 Officia, et magno comites in fasce libelli?  
 Ipsi magna sonant; sed tunc, cum creditor audit,  
 Præcipue, vel si tetigit latus acrior illo,  
 Qui venit ad dubium grandi cum codice nomen : 110  
 Tunc immensa cavi spirant mendacia folles,  
 Conspuiturque sinus. Veram deprendere messëm  
 Si libet, hinc centum patrimonia caufidicorum,  
 Parte alia solum Ruffati pone Lacernæ.  
 Confedere duces : furgis tu pallidus Ajax, 115  
 Dicturus dubia pro libertate, Bubulco  
 Judice. Rumpe miser tensum jecur, ut tibi lasso  
 Figantur virides, scalarum gloria, palmæ.  
 Quod vocis pretium? ficcus petasunculus, et vas  
 Pelamydum, aut veteres, Afrorum epimènia, bulbi;  
 Aut vinum Tiberi devectum, quinque lagenæ. 121  
 Si quater egisti, si contigit aureus unus,

Inde

Inde cadunt partes, ex fœdere pragmaticorum.  
 Æmilio dabitur, quantum petet; et melius nos  
 Egimus: hujus enim stat currus aheneus, alti 125  
 Quadrijuges in vestibulis, atque ipse feroci  
 Bellatore sedens curvatum hastile minatur  
 Eminus, et statua meditatur prælia lusca.  
 Sic Pedito conturbat, Matho deficit; exitus hic est  
 Tongilli, magno cum rhinocerote lavari 130  
 Qui solet, et vexat lutulenta balnea turba,  
 Perque forum juvenes longo premit affere Medos,  
 Empturus pueros, argentum, myrrhina, villas:  
 Spondet enim Tyrio stalaria purpura filo.  
 Et tamen hoc ipsis est utile: purpura vendit 135  
 Causidicum, vendunt amethystina: convenit illis  
 Et strepitu, et facie majoris vivere census.  
 Sed finem impensæ non servat prodiga Roma.  
 Ut redeant veteres, Ciceroni nemo ducentos  
 Nunc dederit nummos, nisi fulserit annulus ingens.  
 Respicit hoc primum qui litigat, an tibi servi 141  
 Octo, decem comites, post te an sit sella, togati  
 Ante pedes: ideo conducta Paulus agebat  
 Sardonyche, atque ideo pluris, quam Cossus agebat,  
 Quam Basilus. Rara in tenui facundia panno. 145  
 Quando licet flentem Basilo producere matrem?  
 Quis bene dicentem Basillum ferat? accipiat te

Gallia, vel potius nutricula caufidicorum  
 Africa, ſi placuit mercedem imponere linguæ.  
 Declamare doces, ô ferrea pectora, Veſtî, 150  
 Cum perimit favos claffis numeroſa tyrannos.  
 Nam quæcunque ſedens modo legerat, hæc eadem ſtans  
 Proferet, atque eadem cantabit verſibus iſdem.  
 Occidit miſeros crambe repetita magiſtros.  
 Quis color, et quod ſit cauſæ genus, atque ubi ſumma  
 Quæſtio, quæ veniant diverſa parte ſagittæ, 156  
 Scire volunt omnes, mercedem ſolvere nemo.  
 Mercedem appellas? quid enim ſcio? culpa docentis  
 Scilicet arguitur, quod læva in parte mamillæ  
 Nil falit Arcadico juveni, cujus mihi ſexta 160  
 Quaque die miſerum dirus caput Annibal implet.  
 Quicquid id eſt, de quo deliberat, an petat urbem  
 A Cannis; an poſt nimbos et fulmina cautus  
 Circumagat madidas a tempeſtate cohortes.  
 Quantum vis ſtipulare, et protinus accipe, quod do,  
 Ut toties illum pater audiat. Hæc alii ſex 166  
 Et plures uno conclamant ore ſophiſtæ,  
 Et veras agitant lites, raptore relicto:  
 Fuſa venena ſilent, malus ingratusque maritus,  
 Et quæ jam veteres ſanant mortaria cœcos. 170  
 Ergo ſibi dabit ipſe rudem, ſi noſtra movebunt  
 Conſilia, et vitæ diverſum iter ingrediatur,

Ad pugnam qui rhetorica descendit ab umbra,  
 Summula ne pereat, qua vilis tæffera vānit  
 Frumenti: quippe hæc merces lautiffima. *Tenta*  
*Chryfogonus quanti doceat, vel Pollio quanti,* 176  
*Lautorum pueros, artem scindens Theodori.*  
 Balnea sexcentis, et pluris porticus, in qua  
 Gestetur dominus quoties pluit; anne ferenum  
 Exspectet, spargatque luto jumenta recenti? 180  
 Hic potius: namque hic mundæ nitet ungula mulæ.  
 Parte alia longis Numidarum fulta columnis  
 Surgat, et argentem rapiat cœnatio solem.  
 Quanticumque domus, veniet, qui fercula doctæ  
 Componit, veniet, qui pulmentaria condit. 185  
 Hos inter sumptus festertia *Quintiliano,*  
 Ut multum, duo sufficient: res nulla minoris  
 Constabit patri, quam filius. Unde igitur tot  
*Quintilianus* habet saltus? exempla novorum  
 Fatorum tranfi: felix, et pulcher, et acer, 190  
 Felix, et sapiens, et nobilis, et generosus  
 Appositam nigræ lunam subtexit alutæ:  
 Felix, orator quoque maximus, et jaculator,  
 Et si perfrixit, cantat bene. Distat enim, quæ  
 Sidera te excipiant modo primos incipientem 195  
 Edere vagitus, et adhuc a matre rubentem.  
 Si fortuna volet, fies de rhetore consul:

Si volet hæc eadem, fies de consule rhetor.

Ventidius quid enim? quid Tullius? anne aliud quam  
Sidus, et occulti miranda potentia fati? 200

Servis regna dabunt, captivis fata triumphos.

Felix ille tamen, corvo quoque rarior albo.

Pœnituit multos vanæ sterilisque cathedræ,

Sicut Thrasymachi probat exitus, atque Secundi  
Carrinatis : et hunc inopem vidistis, Athenæ, 205

Nil præter gelidas aufæ conferre cicutas.

Dî majorum umbris tenuem et sine pondere terram,

Spirantesque crocos, et in urna perpetuum ver,

Qui præceptorem sancti voluere parentis

Effè loco. Metuens virgæ jam grandis Achilles 210

Cantabat patriis in montibus ; et cui non tunc

Eliceret risum citharædi cauda magistri?

Sed Ruffum atque alios cædit sua quæque juvenus :

Ruffum, qui toties Ciceronem Allobroga dixit.

Quis gremio Enceladi, doctique Palæmonis affert, 215

Quantum grammaticus meruit labor? et tamen ex hoc,

Quodcumque est, minus est autem quam rhetoris æra,

Discipuli custos præmordet Accænitus ipse,

Et qui dispensat, frangit sibi. Cede, Palæmon,

Et patere inde aliquid decrefcere, non aliter, quam

Institor hybernæ tegetis, niveique cadurci : 221

Dummodo non pereat, mediæ quod noctis ab hora

Sedisti, qua nemo faber, qua nemo federet,  
Qui docet obliquo lanam deducere ferro :  
Dummodo non pereat totidem olfecisse lucernas, 225  
Quot stabant pueri, cum totus decolor esset  
Flaccus, et hæeret nigro fuligo Maroni.  
Rara tamen merces, quæ cognitione tribuni  
Non egeat. Sed vos sævas imponite leges,  
Ut præceptori verborum regula constet ; 230  
Ut legat historias, auctores noverit omnes,  
Tanquam ungues digitosque suos ; ut forte rogatus  
Dum petit aut Thermas aut Phœbi balnea, dicat  
Nutricem Anchisæ, nomen patriamque novercæ  
Archemori ; dicat quot Acestes vixerit annos, 235  
Quot Siculus Phrygibus vini donaverit urnas.  
Exigite, ut mores teneros ceu pollice ducat,  
Ut si quis cera vultum facit : exigite, ut sit  
Et pater ipsius cœtus, ne turpia ludant,  
Ne faciant vicibus. Non est leve tot puerorum 240  
Observare manus, oculosque in fine trementes.  
Hæc, inquit, cura, sed, cum se verterit annus,  
Accipe, victori populus quod postulat, aurum,

## SATYRA VIII.

**S**Temmata quid faciunt? quid prodest, Pontice, longo  
 Sanguine cenferi, pictosque ostendere vultus  
 Majorum, et stantes in curribus Æmilianos,  
 Et Curios jam dimidios, humerosque minorem  
 Corvinum, et Galbam auriculis nasoque carentem? 5  
 Quis fructus generis tabula jactare capaci  
 Corvinum, posthac multa deducere virga  
 Fumosos equitum cum dictatore magistros,  
 Si coram Lepidis male vivitur? effigies quo  
 Tot bellatorum, si luditur alea pernox, 10  
 Ante Numantinos? si dormire incipis ortu  
 Luciferi, quo signa duces et castra movebant?  
 Cur Allobrogicis et magna gaudeat ara  
 Natus in Herculeo Fabius lare, si cupidus, si  
 Vanus, et Euganea quantumvis mollior agna: 15  
 Si tenerum attritus Catinensi pumice lumbum  
 Squallentes traducit avos, emptorque veneni  
 Frangenda miseram funestat imagine gentem?  
 Tota licet veteres exornent undique ceræ 20  
 Atria, nobilitas sola est atque unica virtus.  
 Paulus, vel Cossus, vel Drusus, moribus esto:  
 Hos ante effigies majorum pone tuorum:





1668

R. S. G. J.



Præcedant ipfas illi, te confule, virgas.

Prima mihi debes animi bona. Sanctus haberi, 25

Justitiæque tenax factis dictisque mereris ?

Agnosco procerem. Salve, Getulice, seu tu

Silanus, quocumque alio de sanguine rarus

Civis, et egregius patriæ contingis ovanti.

Exclamare libet, populus quod clamat, Ofiri 30

Invento. Quis enim generosum dixerit hunc, qui

Indignus genere, et præclaro nomine tantum

Insignis ? nanum cujusdam Atlanta vocamus :

Æthiopem cygnum ; pravam extortamque puellam,

Europen : canibus pigris, scabieque vetusta 35

Levibus, et ficcæ lambentibus ora lucernæ,

Nomen erit pardus, tigris, leo ; si quid adhuc est,

Quod fremat in terris violentius. Ergo cavebis,

Et metues, ne tu sic Creticus, aut Camerinus.

His ego quem monui ? tecum est mihi sermo, Rubelli

Plance. Tumes alto Drusorum sanguine, tanquam 40

Feceris ipse aliquid, propter quod nobilis esses ;

Ut te conciperet, quæ sanguine fulget Iuli,

Non quæ ventoso conducta sub aggere textit.

Vos humiles, inquis, vulgi pars ultima nostri, 45

Quorum nemo queat patriam monstrare parentis :

Ast ego Cecropides. Vivas, et originis hujus

Gaudia longa feras : tamen ima plebe Quiritem

Facundum invenies. Solet hic defendere causas  
 Nobilis indocti. Veniet de plebe togata 50  
 Qui juris nodos, et legum ænigmata solvat.  
 Hic petit Euphraten juvenis, domitique Batavi  
 Custodes aquilas, armis industrius: at tu  
 Nil nisi Cecropides, truncoque simillimus Hermæ.  
 Nullo quippe alio vincis discrimine, quam quod 55  
 Illi marmoreum caput est, tua vivit imago.  
 Dic mihi, Teucrorum proles, animalia muta  
 Quis generosa putet, nisi fortia? nempe volucrem  
 Sic laudamus equum, facili cui plurima palma  
 Fervet, et exsultat rauco victoria circo. 60  
 Nobilis hic, quocumque venit de gramine, cujus  
 Clara fuga ante alios, et primus in æquore pulvis.  
 Sed venale pecus Corithæ, posteritas et  
 Hirpini, si rara jugo victoria fedit.  
 Nil ibi majorum respectus, gratia nulla 65  
 Umbrarum: dominos pretiis mutare jubentur  
 Exiguis, tritoque trahunt epirhedia collo  
 Segnipedes, dignique molam versare Nepotis.  
 Ergo, ut miremur te, non tua, primum aliquid da,  
 Quod possim titulis incidere præter honores, 70  
 Quos illis damus, et dedimus, quibus omnia debes.  
 Hæc fatis ad juvenem, quem nobis fama superbum  
 Tradit, et inflatum, plenumque Nerone propinquo.

Rarus enim ferme sensus communis in illa  
 Fortuna : sed te cenferi laude tuorum,  
 Pontice, noluerim, sic ut nihil ipse futuræ 75  
 Laudis agas. Miserum est aliorum incumbere famæ,  
 Ne collapsa ruant subductis tecta columnis.  
 Stratus humi palmes viduas desiderat ulmos.  
 Esto bonus miles, tutor bonus, arbiter idem  
 Integer : ambiguæ si quando citabere testis 80  
 Incertæque rei, Phalaris licet imperet ut sis  
 Falsus, et admoto dicitur perjuriam tauro,  
 Summum crede nefas animam præferre pudori,  
 Et propter vitam vivendi perdere causas.  
 Dignus morte perit, cænet licet ostrea centum 85  
 Gaurana, et Cosmi toto mergatur ahenis.  
 Expectata diu tandem provincia cum te  
 Rectorem accipiet, pone iræ fræna modumque,  
 Pone et avaritiæ; miserere inopum fociorum.  
 Offa vides regum vacuis exsucta medullis. 90  
 Respice, quid moneant leges, quid curia mandet;  
 Præmia quanta bonos maneant; quam fulmine iusto  
 Et Capito et Numitor ruerint, damnante senatu,  
 Piratæ Cilicum. Sed quid damnatio confert,  
 Cum Panfa eripiat quicquid tibi Natta reliquit? 95  
 Præconem, Chærippe, tuis circumspice pannis,  
 Jamque tace. Furor est post omnia perdere naulum.

Non idem gemitus olim, neque vulnus erat par  
 Damnorum, fociis florentibus, et modo victis.  
 Plena domus tunc omnis, et ingens stabat acervus 100  
 Nummorum, Spartana chlamys, conchyliæ Coa,  
 Et cum Parrhasii tabulis signisque Myronis  
 Phidiacum vivebat ebur, necnon Polycleti  
 Multus ubique labor; raræ sine Mentore mensæ.  
 Inde Dolabella est, atque hinc Antonius, inde 105  
 Sacrilegus Verres. Referebant navibus altis  
 Occulta spolia, et plures de pace triumphos.  
 Nunc fociis juga pauca boum, et grex parvus equarum,  
 Et pater armenti capto eripietur agello:  
 Ipsi deinde lares, si quod spectabile signum; 110  
 Si quis in ædicula Deus unicus; hæc etenim sunt  
 Pro summis: nam sunt hæc maxima. Despicias tu  
 Forsitan imbelles Rhodios, unctamque Corinthum;  
 Despicias merito. Quid refinata juvenus,  
 Cruraque totius facient tibi levia gentis? 115  
 Horrida vitanda est Hispania, Gallicus axis,  
 Illyricumque latus. Parce et messoribus illis,  
 Qui saturant urbem, circo, scenæque vacantem.  
 Quanta autem inde feres tam diræ præmia culpæ,  
 Cum tenues nuper Marius discinxerit Afros? 120  
 Curandum in primis, ne magna injuria fiat  
 Fortibus et miseris: tollas licet omne quod usquam est  
 Auri

Auri atque argenti; scutum gladiumque relinques,  
 Et jaculum, et galeam. Spoliatis arma superfunt.  
 Quod modo proposui non est sententia: verum 125  
 Credite me vobis folium recitare Sibyllæ.  
 Si tibi sancta cohors comitum; si nemo tribunal  
 Vendit acerfcomes; si nullum in conjugè crimen;  
 Nec per conventus, nec cuncta per oppida, curvis  
 Unguibus ire parat nummos raptura Celæno: 130  
 Tunc licet a Pico numeres genus, altaque si te  
 Nomina delectant, omnem Titanida pugnam  
 Inter majores, ipsumque Promethea, ponas:  
 De quocunque voles proavum tibi sumito libro.  
 Quod si præcipitem rapit ambitus, atque libido; 135  
 Si frangis virgas sociorum in sanguine; si te  
 Delectant hebetes lasso lictore secures:  
 Incipit ipsorum contra te stare parentum  
 Nobilitas, claramque facem præferre pudendis.  
 Omne animi vitium tanto conspectius in se 140  
 Crimen habet, quanto major, qui peccat, habetur.  
 Quo mihi te, solitum falsas signare tabellas  
 In templis, quæ fecit avus, statuatque parentis  
 Ante triumphalem? quo, si nocturnus adulter  
 Tempora Santonico velas adoperta cucullo? 145  
 Præter majorum cineres atque ossa volucris  
 Carpento rapitur pinguis Damascippus; et ipse,

Ipse rotam stringit multo sufflamine consul :  
 Nocte quidem ; sed luna videt ; sed sidera testes  
 Intendunt oculos. Finitum tempus honoris 150  
 Cum fuerit, clara Damasippus luce flagellum  
 Sumet, et occursum nusquam trepidabit amici  
 Jam senis, ac virga prior innuet, atque maniplos  
 Solvet, et infundet jumentis hordea lassis.  
 Interea, dum lanatas, torvumque juvencum, 155  
 More Numæ, cædit Jovis ante altaria, jurat  
 Solam Eponam, et facies olida ad præsepia pictas.  
 Sed cum pervigiles placet instaurare popinas,  
 Obvius affiduo Syrophœnix udus amomo  
 Currit, Idumææ Syrophœnix incola portæ, 160  
 Hospitis affectu dominum, regemque salutat,  
 Et cum venali Cyane fuccincta lagena.  
 Defensor culpæ dicet mihi : fecimus et nos  
 Hæc juvenes. Esto ; desisti nempe, nec ultra  
 Fovisti errorem. Breve sit quod turpiter audes. 165  
 Quædam cum prima refecentur crimina barba ;  
 Indulge veniam pueris. Damasippus ad illos  
 Thermarum calices, inscriptaque lintea vadit,  
 Maturus bello Armeniæ, Syriæque tuendis  
 Annibus, et Rheno, atque Istro. Præstare Neronem  
 Securum valet hæc ætas. Mitte Ostia, Cæsar, 171  
 Mitte ; sed in magna legatum quære popina.



Invenies aliquo cum percuffore jacentem,  
 Permittum nautis, et furibus, ac fugitivis;  
 Inter carnifices et fabros fandapilarum, 175  
 Et refupinati ceffantia tympana Galli.  
 Æqua ibi libertas, communia pocula, lectus  
 Non alius cuiquam, nec menfa remotior ulli.  
 Quid facias talem fortitus, Pontice, fervum?  
 Nempe in Lucanos, aut Thusca ergaftula mittas. 180  
 At vos, Trojugenæ, vobis ignofcitis, et quæ  
 Turpia cerdoni, Volefos Brutosque decebunt.  
 Quid, fi nunquam adeo fœdis adeoque pudendis  
 Utimur exemplis, ut non pejora fupersint?  
 Confumptis opibus, vocem, Damafippe, locafti 185  
 Sipario, clamofum ageres ut Phafma Catulli.  
 Laureolum velox etiam bene Lentulus egit,  
 Judice me, dignus vera cruce. Nec tamen ipfi  
 Ignofcas populo: populi frons durior hujus,  
 Qui fedet, et fpectat trifcurria patriciorum; 190  
 Planipedes audit Fabios, ridere potefit qui  
 Mamercorum alapas. Quanti fua funera vendant,  
 Quid refert? vendunt nullo cogente Nerone,  
 Nec dubitant Celfi prætoris vendere ludis.  
 Finge tamen gladios inde, atque hinc pulpita pone:  
 Quid fatius? Mortem fic quifquam exhorruit, ut fit 196  
 Zelotypus Thymeles, ftupidi collega Corinthi?

Res haud mira tamen, citharædo principe, mimus  
 Nobilis: hæc ultra, quid erit nisi ludus? et illic  
 Dedecus urbis habes: nec mirmillonis in armis 200  
 Nec clypeo Gracchum pugnans, aut falce supina;  
 Damnat enim tales habitus, et damnat et odit,  
 Nec galea frontem abscondit: movet, ecce, tridentem,  
 Postquam vibrata pendentia retia dextra  
 Nequicquam effudit, nudum ad spectacula vultum  
 Erigit, et tota fugit agnoscendus arena. 206  
 Credamus tunicæ, de faucibus aurea cum se  
 Porrigat, et longo jactetur spira galero.  
 Ergo ignominiam graviorem pertulit omni  
 Vulnere, cum Graccho jussus pugnare secutor. 210  
 Libera si dentur populo suffragia, quis tam  
 Perditus, ut dubitet Senecam præferre Neroni;  
 Cujus supplicio non debuit una parari  
 Simia, nec serpens unus, nec culeus unus?  
 Par Agamemnonidæ crimen; sed causa facit rem 215  
 Dissimilem: quippe ille, Deis auctoribus, ultor  
 Patris erat cæsi media inter pocula: sed nec  
 Electræ jugulo se polluit, aut Spartani  
 Sanguine conjugii, nullis aconita propinquis  
 Miscuit; in scena nunquam cantavit Orestes, 220  
 Troïca non scripsit. Quid enim Virginius armis  
 Debuit ulcisci magis, aut cum Vindice Galba?


Quid

Quid Nero tam sæva crudaque tyrannide fecit ?  
 Hæc opera, atque hæc sunt generosi principis artes,  
 Gaudentis fœdo peregrina ad pulpita cantu 225  
 Prostitui, Graiæque apium meruisse coronæ.  
 Majorum effigies habeant insignia vocis,  
 Ante pedes Domitî longum tu pone Thyestæ  
 Syrma, vel Antigones, seu personam Menalippes,  
 Et de marmoreo citharam suspende colosso. 230  
 Quis, Catilina, tuis natalibus atque Cethegi  
 Inveniet quicquam sublimius ? arma tamen vos  
 Nocturna, et flammæ domibus templisque parâstis,  
 Ut Braccatorum pueri, Senonumque minores,  
 Ausi quod liceat tunica punire molesta : 235  
 Sed vigilat consul, vexillaque vestra coërcet.  
 Hic novus, Arpinas ignobilis, et modo Romæ  
 Municipalis eques, galeatum ponit ubique  
 Præsidium attonitis, et in omni gente laborat.  
 Tantum igitur muros intra toga contulit illi 240  
 Nominis et tituli, quantum non Leucade, quantum  
 Thessaliæ campis, Octavius abstulit udo  
 Cædibus affiduis gladio. Sed Roma parentem,  
 Roma patrem patriæ Ciceronem libera dixit.  
 Arpinas alius Volscorum in monte solebat 245  
 Poscere mercedes alieno lassus aratro ;  
 Nodosam post hæc frangebatur vertice vitem,

Si lentus pigra muniret castra dolabra.  
 Hic tamen et Cimbroſ, et ſumma pericula rerum  
 Excipit, et ſolus trepidantem protegit urbem. 250  
 Atqueideo, poſtquamad Cimbroſſtragemque volabant,  
 Qui nunquam attigerant majora cadavera, corvi,  
 Nobiliſ ornatur lauro collega ſecunda.  
 Plebeiæ Deciorum animæ, plebeia fuerunt  
 Nomina : pro totis legionibus hi tamen, et pro 255  
 Omnibus auxiliis, atque omni pube Latina  
 Sufficiunt Dîs inferniſ, Terræque parenti.  
 Pluriſ enim Decii, quam qui ſervantur ab illiſ.  
 Ancilla natus trabeam, et diadema Quirini,  
 Et faſces, meruit regum ultimus ille bonorum. 260  
 Proditaxabant portarum clauſtra tyranniſ  
 Exulibuſ juveneſ ipſiuſ conſuliſ, et quos  
 Magnum aliquid dubia pro libertate deceret,  
 Quod miraretur cum Coclite Mutiuſ, et quæ  
 Imperii fineſ Tiberinum virgo natavit. 265  
 Occulta ad patreſ produxit crimina ſervuſ  
 Matroniſ lugenduſ : at illoſ verbera juſtiſ  
 Afficiunt pœniſ, et legum prima ſecuriſ.  
 Malo pater tibi ſit Therſiteſ, dummodo tu ſiſ  
 Æacidæ ſimiliſ, Vulcaniaque arma capeſſaſ, 270  
 Quam te Therſitæ ſimilem producat Achilleſ.  
 Et tamen ut longe repetas, longeque revolvaſ



X



P. S. L. jr

Nomen, ab infami gentem deducis aſylo.  
 Majorum primus quiſquis fuit ille tuorum,  
 Aut paſtor fuit, aut illud quod dicere nolo. 275

S A T Y R A IX.

**S**Cire velim quare toties mihi, Nævole, triftis  
 Occurras fronte obducta, ceu Marſya victus.  
 Quid tibi cum vultu, qualem deprenſus habebat  
 Ravola, dum Rhodopes uda terit inguina barba?  
 Nos colaphum incutimus lambenti cruſtula ſervo. 5  
 Non erat hac facie miſerabilior Crepereius  
 Pollio, qui triplicem uſuram præſtare paratus  
 Circuit, et fatuos non invenit. Unde repente  
 Tot rugæ? certe modico contentus agebas  
 Vernam equitem, conviva joco mordente facetus, 10  
 Et ſalibus vehemens intra pomœria natis.  
 Omnia nunc contra: vultus gravis, horrida ficcæ  
 Sylva comæ, nullus tota nitor in cute, qualem  
 Præſtabat calidi circumlita faſcia viſci;  
 Sed fruticante pilo neglecta, et ſquallida crura. 15  
 Quid macies ægri veteris, quem tempore longo  
 Torret quarta dies, olimque domeſtica febris?  
 Deprendas animi tormenta latentis in ægro  
 Corpore, deprendas et gaudia: ſumit utrumque

Inde habitum facies : igitur flexisse videris 20  
 Propositum, et vitæ contrarius ire priori.  
 Nuper enim, ut repeto, fanum Ifidis, et Ganymedem  
 Pacis, et advectæ secreta palatia matris,  
 Et Cererem, nam quo non prostat fœmina templo ?  
 Notior Aufidio mœchus scelerare solebas, 25  
 Quodque taces, ipsos etiam inclinare maritos.  
 Utile et hoc multis vitæ genus : at mihi nullum  
 Inde operæ pretium. Pingues aliquando lacernas,  
 Munimenta togæ, duri crassique coloris,  
 Et male percussas textoris pectine Galli 30  
 Accipimus, tenue argentum venæque secundæ.  
 Fata regunt homines : fatum est et partibus illis,  
 Quas finus abscondit. Nam si tibi fidera cessant,  
 Nil faciet longi mensura incognita nervi;  
 Quamvis te nudum spumanti Virro labello 35  
 Viderit, et blandæ, assiduæ, densæque tabellæ  
 Sollicitent ; *αὐτὸς γὰρ ἐφέλκεται ἀνδρᾶ κίναϊδος.*  
 Quod tamen ulterius monstrum, quam mollis avarus ?  
 Hæc tribui, deinde illa dedi, mox plura tulisti.  
 Computat, ac cevet. Ponatur calculus ; adsint 40  
 Cum tabula pueri : numerata sestertia quinque  
 Omnibus in rebus ; numerentur deinde labores.  
 An facile et pronum est agere intra viscera penem  
 Legitimum, atque illic hesternæ occurrere cœnæ ?



Servus erit minus ille miser, qui foderit agrum, 45

Quam dominum : sed tu sane tener, et puerum te,  
Et pulchrum, et dignum cyatho, cœloque, putabas.

Vos humili affeclæ, vos indulgebitis unquam  
Cultori, jam nec morbo donare parati?

En cui tu viridem umbellam, cui succina mittas 50  
Grandia, natalis quoties redit, aut madidum ver

Incipit; et strata positus longaque cathedra  
Munera fœmineis tractas secreta Kalendis.

Dic, passer, cui tot montes, tot prædia servas  
Appula, tot milvos intra tua pascua lassos? 55

Te Trifolinus ager fœcundis vitibus implet,  
Suspectumque jugum Cumis, et Gaurus inanis:  
Nam quis plura linit victuro dolia musto?

Quantum erat exhausti lumbos donare clientis  
Jugeribus paucis? meliusne hic rusticus infans 60

Cum matre, et casulis, et collusore catello  
Cymbala pulsantis legatum fiet amici?

Improbus es, cum poscis, ait; sed pensio clamat,  
Posce: sed appellat puer unicus, ut Polyphemi  
Lata acies, per quam solers evasit Ulyffes: 65

Alter emendus erit; namque hic non sufficit; ambo  
Pascendi. Quid agam bruma spirante? quid, oro,

Quid dicam scapulis fervorum mense decembri,  
Et pedibus? durate, atque exspectate cicadas?

Verum ut diffimules, ut mittas cætera, quanto 70  
 Metiris pretio, quod ni tibi deditus effem  
 Devotusque cliens, uxor tua virgo maneret?  
 Scis certe quibus ista modis, quam sæpe rogaris,  
 Et quæ pollicitus. Fugientem sæpe puellam  
 Amplexu rapui: tabulas quoque ruperat, et jam 75  
 Signabat. Tota vix hoc ego nocte redemi,  
 Te plorante foris. Testis mihi lectulus, et tu,  
 Ad quem pervenit lecti fonus, et dominæ vox.  
 Instabile, ac dirimi cœptum, et jam pene solutum,  
 Conjugium in multis domibus servavit adulter. 80  
 Quo te circumagas? quæ prima, aut ultima, ponas?  
 Nullum ergo meritum est, ingrante ac perfide, nullum,  
 Quod tibi filiulus, vel filia nascitur ex me?  
 Tollis enim, et libris actorum spargere gaudes  
 Argumenta viri. Foribus suspende coronas: 85  
 Jam pater es: dedimus quod famæ opponere possis:  
 Jura parentis habes; propter me scriberis hæres.  
 Legatum omne capis, nec non et dulce caducum.  
 Commoda præterea jungentur multa caducis,  
 Si numerum, si tres, implevero. Justa doloris, 90  
 Nævole, causâ tui: contra tamen ille quid affert?  
 Negligit, atque alium bipedem sibi quærit affellum.  
 Hæc soli commissa tibi celare memento,  
 Et tacitus nostras intra te fige querelas.

Nam

Nam res mortifera est inimicus pumice levis. 95

Qui modo secretum commiserat, ardet, et odit;  
 Tanquam prodiderim quicquid scio. Sumere ferrum,  
 Fuste aperire caput, candelam apponere valvis  
 Non dubitat. Nec contempnas, aut despicias, quod  
 His opibus nunquam cara est annona veneni. 100

Ergo occulta teges; ut curia Martis Athenis.  
 O Corydon, Corydon, secretum divitis ullum  
 Esse putas? servi ut taceant, jumenta loquentur,  
 Et canis, et postes, et marmora: claude fenestras,  
 Vela tegant rimas, junge ostia, tollito lumen 105

E medio, clament omnes, prope nemo recumbat;  
 Quod tamen ad cantum galli facit ille secundi,  
 Proximus ante diem caupo sciet, audiet et quæ  
 Finxerunt pariter librarius, archimagiri,  
 Carptores. Quod enim dubitant componere crimen  
 In dominos, quoties rumoribus ulciscuntur 111

Baltea? nec deerit qui te per compita quærat  
 Nolentem, et miseram vinosus inebriet aurem.  
 Illos ergo roges, quicquid paulo ante petebas  
 A nobis. Taceant illi; sed prodere malunt 115

Arcanum, quam subrepti potare Falerni,  
 Pro populo faciens quantum Laufella bibebat.  
 Vivendum recte est cum propter plurima, tum de his  
 Præcipue causis, ut linguas mancipiorum

Contemnas : nam lingua mali pars pessima servi. 120  
 Deterior tamen hic, qui liber non erit, illis,  
 Quorum animas et farre suo custodit, et ære.  
 Idcirco ut possim linguam contemnere servi,  
 Utile consilium modo, sed commune, dedisti :  
 Nunc mihi quid suades post damnum temporis, et spes  
 Deceptas? festinat enim decurrere velox 126  
 Flosculus angustæ miseræque brevissima vitæ  
 Portio ; dum bibimus, dum ferta, unguenta, puellas  
 Poscimus, obrepit non intellecta senectus.  
 Ne trepida : nunquam pathicus tibi deerit amicus, 130  
 Stantibus et salvis his collibus. Undique ad illos  
 Conveniunt, et carpentis et navibus, omnes,  
 Qui digito scalpunt uno caput. Altera major  
 Spes superest : tu tantum erucis imprime dentem.  
 Hæc exempla para felicibus : at mea Clotho 135  
 Et Lachesis gaudent, si pascitur inguine venter.  
 O parvi, nostrique lares, quos thure minuto,  
 Aut farre, et tenui soleo exorare corona,  
 Quando ego figam aliquid, quo sit mihi tuta senectus  
 A tegete et baculo? viginti millia fœnus, 140  
 Pignoribus positis, argenti vascula puri,  
 Sed quæ Fabricius censor notet, et duo fortes  
 De grege Mœforum, qui me cervice locata  
 Securum jubeant clamoso insistere Circo?

Sit mihi præterea curvus cælator, et alter, 145  
 Qui multas facies fingat cito; sufficient hæc,  
 Quando ego pauper ero; votum miserabile, nec spes  
 His saltem: nam cum pro me fortuna rogatur,  
 Affigit ceras illa de nave petitas,  
 Quæ Siculos cantus effugit remige furdo. 150

SATYRA X.

**O**Mnibus in terris, quæ sunt a Gadibus usque  
 Auroram et Gangem, pauci dignoscere possunt  
 Vera bona, atque illis multum diversa, remota  
 Erroris nebula: quid enim ratione timemus,  
 Aut cupimus? quid tam dextro pede concipis, ut te 5  
 Conatus non pœniteat, votique peracti?  
 Evertere domos totas optantibus ipsis  
 Dî faciles. Nocitura toga, nocitura petuntur  
 Militia. Torrens dicendi copia multis,  
 Et sua mortifera est facundia. Viribus ille 10  
 Confusus periit, admirandisque lacertis.  
 Sed plures nimia congesta pecunia cura  
 Strangulat, et cuncta exsuperans patrimonia census,  
 Quanto delphinis balæna Britannica major.  
 Temporibus diris igitur, jussuque Neronis, 15  
 Longinum et magnos Senecæ prædivitis hortos

Claufit, et egregias Lateranorum obfidet ædes  
 Tota cohors. Rarus venit in cœnacula miles.  
 Pauca licet portes argenti vafcula puri,  
 Nocte iter ingreffus, gladium, contumque timebis; 20  
 Et motæ ad Lunam trepidabis arundinis umbram :  
 Cantabit vacuus coram latrone viator.  
 Prima fere vota, et cunctis notiffima templis  
 Divitiæ, crefcant ut opes, ut maxima toto  
 Noftro fit arca foro. Sed nulla aconita bibuntur 25  
 Ficilibus. Tunc illa time cum pocula fumes  
 Gemmata, et lato Setinum ardebit in auro.  
 Jamne igitur laudas, quod de fapientibus alter  
 Ridebat, quoties a limine moverat unum  
 Protuleratque pedem; flebat contrarius alter? 30  
 Sed facilis rigidi cuivis cenfura cachinni.  
 Mirandum eft unde ille oculis fuffecerit humor.  
 Perpetuo rifu pulmonem agitare folebat  
 Democritus, quanquam non effent urbibus illis  
 Prætecta, et trabæ, fafcæ, lectica, tribunal. 35  
 Quid fi vidiffet prætorem in curribus altis  
 Exftantem, et medio fublimem in pulvere circi  
 In tunica Jovis, et pictæ Sarrana ferentem  
 Ex humeris aulæa togæ, magnæque coronæ  
 Tantum orbem quanto cervix non fufficit ulla? 40  
 Quippe tenet fudans hanc publicus, et fibi Conful  
 Ne

Ne placeat, curru fervus portatur eodem.  
 Da nunc et volucrem, scepro quæ surgit eburno ;  
 Illinc cornicines, hinc præcedentia longi  
 Agminis officia, et niveos ad frena Quirites, 45  
 Defossa in oculis quos sportula fecit amicos.  
 Tunc quoque materiam risus invenit ad omnes  
 Occursus hominum, cujus prudentia monstrat  
 Summos posse viros, et magna exempla daturos  
 Vervecum in patria, crassoque sub aëre nasci. 50  
 Ridebat curas, nec non et gaudia vulgi ;  
 Interdum et lacrymas, cum fortunæ ipse minaci  
 Mandaret laqueum, mediumque ostenderet unguem.  
 Ergo supervacua hæc aut perniciofa petuntur,  
 Propter quæ fas est genua incerare Deorum. 55  
 Quosdam præcipitat subjecta potentia magnæ  
 Invidiæ, mergit longa, atque insignis honorum  
 Pagina; descendunt statuæ, restemque sequuntur.  
 Ipsas deinde rotas bigarum impacta securis  
 Cædit, et immeritis franguntur crura caballis. 60  
 Jam stridunt ignes, jam follibus atque caminis  
 Ardet adoratum populo caput, et crepat ingens  
 Sejanus: deinde ex facie toto orbe secunda  
 Fiunt urceoli, pelves, sartago, patellæ.  
 Pone domi lauros, duc in Capitolia magnum 65  
 Cretatumque bovem; Sejanus ducitur unco

Spectandus : gaudent omnes : Quæ labra ? quis illi  
 Vultus erat ? Nunquam, si quid mihi credis, amavi  
 Hunc hominem : sed quo cecidit sub crimine ? quisnam  
 Delator ? quibus indicibus, quo teste probavit ? 70  
 Nil horum : verbosa et grandis epistola venit  
 A Capreis : bene habet, nil plus interrogo. Sed quid  
 Turba Remi ? sequitur fortunam, ut semper, et odit  
 Damnatos : idem populus, si Nurscia Thusco  
 Favisset, si oppressa foret secura senectus 75  
 Principis, hac ipsa Sejanum diceret hora  
 Augustum. Jampridem, ex quo suffragia nulli  
 Vendimus, effugit curas. Nam qui dabat olim  
 Imperium, fasces, legiones, omnia, nunc se  
 Continet, atque duas tantum res anxius optat, 80  
 Panem, et Circenses. Perituros audio multos :  
 Nil dubium : magna est fornacula : pallidulus mihi  
 Brutidius meus ad Martis fuit obvius aram.  
 Quam timeo, victus ne pœnas exigat Ajax,  
 Ut male defensus ! curramus præcipites, et 85  
 Dum jacet in ripa, calcemus Cæsaris hostem.  
 Sed videant fervi, ne quis neget, et pavidum in jus  
 Cervice obstricta dominum trahat. Hi sermones  
 Tunc de Sejano, secreta hæc murmura vulgi.  
 Visne salutare sicut Sejanus ? habere 90  
 Tantundem ? atque illi fellas donare curules ?



Illum exercitibus præponere? tutor haberi  
 Principis, Augusta Caprearum in rupe sedentis  
 Cum grege Chaldæo? vis certe pila, cohortes,  
 Egregios equites, et castra domestica. Quidni 95  
 Hæc cupias? et qui nolunt occidere quemquam,  
 Possè volunt. Sed quæ præclara et prospera tanti,  
 Ut rebus lætis par sit mensura malorum?  
 Hujus qui trahitur prætextam sumere mavis;  
 An Fidenarum, Gabiorumque esse potestas, 100  
 Et de mensura jus dicere, vasa minora  
 Frangere, pannosus vacuis Ædilis Ulubris?  
 Ergo quid optandum foret, ignorasse fateris  
 Sejanum. Nam qui nimios optabat honores,  
 Et nimias poscebat opes, numerosa parabat 105  
 Excelsæ turris tabulata, unde altior esset  
 Casus, et impulsæ præceps immane ruinæ.  
 Quid Crassos, quid Pompeios evertit, et illum  
 Ad sua qui domitos deduxit flagra Quirites?  
 Summus nempe locus nulla non arte petitus, 110  
 Magnaque numinibus vota exaudita malignis.  
 Ad generum Cereris sine cæde et vulnere pauci  
 Descendunt reges, et sicca morte tyranni.  
 Eloquium ac famam Demosthenis, aut Ciceronis  
 Incipit optare, et totis Quinquatribus optat, 115  
 Quisquis adhuc uno partam colit asse Minervam,

Quem sequitur custos angustæ vernula capfæ.  
 Eloquio sed uterque perit orator; utrumque  
 Largus et exundans letho dedit ingenii fons.  
 Ingenio manus est, et cervix cæsa; nec unquam 120  
 Sanguine caufidici maduerunt rostra pufilli.  
 O fortunatam natam, me consule, Romam!  
 Antonî gladios potuit contemnere, si sic  
 Omnia dixisset. Ridenda poëmata malo,  
 Quam te conspicuæ divina Philippica famæ, 125  
 Volveris a prima quæ proxima. Sævus et illum  
 Exitus eripuit, quem mirabantur Athenæ  
 Torrentem, et pleni moderantem fræna theatri.  
 Dîs ille adversis genitus, fatoque sinistro,  
 Quem pater ardentis massæ fuligine lippus 130  
 A carbone, et forcipibus, gladiosque parante  
 Incude, et luteo Vulcano ad rhetora misit.  
 Bellorum exuviæ, truncis affixa trophæis  
 Lorica, et fracta de casside buccula pendens,  
 Et curtum temone jugum, victæque triremis 135  
 Aplustre, et summo tristis captivus in arcu,  
 Humanis majora bonis creduntur: ad hæc se  
 Romanus, Graiusque, ac Barbarus induperator  
 Erexit: causas discriminis atque laboris  
 Inde habuit; tanto major famæ sitis est, quam 140  
 Virtutis. Quis enim virtutem amplectitur ipsam,

Præmia si tollis? patriam tamen obruit olim  
 Gloria paucorum, et laudis, tituli que cupido  
 Hæfuri faxis cinerum custodibus; ad quæ  
 Discutienda valent sterilis mala robora ficus: 145  
 Quandoquidem data sunt ipsis quoque fata sepulcris.  
 Expende Annibalem: quot libras in duce summo  
 Invenies? hic est, quem non capit Africa Mauro  
 Perfusa Oceano, Niloque admota tepenti.  
 Rurfus ad Æthiopum populos, aliosque elephantos  
 Additur imperiis Hispania: Pyrenæum 151  
 Tranfilit. Opposuit natura Alpemque, nivemque:  
 Diducit scopulos, et montem rumpit aceto.  
 Jam tenet Italiam: tamen ultra pergere tendit.  
 Actum, inquit, nihil est, nisi Pæno milite portas 155  
 Frangimus, et media vexillum pono Subura.  
 O qualis facies, et quali digna tabella,  
 Cum Gætula ducem portaret bellua luscum!  
 Exitus ergo quis est? O gloria! vincitur idem  
 Nempe, et in exilium præceps fugit, atque ibi magnus  
 Mirandusque cliens sedet ad prætoria regis, 161  
 Donec Bithyno libeat vigilare tyranno.  
 Finem animæ, quæ res humanas miscuit olim,  
 Non gladii, non faxes dabunt, non tela; sed ille  
 Cannarum vindex, ac tanti sanguinis ultor 165  
 Annulus. I, demens, et sævas curre per Alpes,

Ut pueris placeas, et declamatio fias.  
 Unus Pellæo juveni non sufficit orbis :  
 Æstuat infelix angusto limite mundi,  
 Ut Gyaræ clausus scopulis, parvaque Seripho. 170  
 Cum tamen a figulis munitam intraverit urbem,  
 Sarcophago contentus erit. Mors sola fatetur  
 Quantula sint hominum corpuscula. Creditur olim  
 Velificatus Athos, et (quicquid Græcia mendax  
 Audet in historia) constratum clasibus îdem, 175  
 Suppositumque rotis solidum mare. Credimus altos  
 Defecisse amnes, epotaque flumina Medo  
 Prudente, et madidis cantat quæ Sostratus alis.  
 Ille tamen qualis rediit, Salamine relicta,  
 In corum atque eorum solitus sævire flagellis 180  
 Barbarus, Æolio nunquam hoc in carcere passos,  
 Ipsum compedibus qui vinxerat Ennosigæum?  
 Mitius id sane, quod non et stigmatum dignum  
 Credidit; huic quisquam vellet servire Deorum?  
 Sed qualis rediit? nempe una nave, cruentis 185  
 Fluctibus, ac tarda per densa cadavera prora.  
 Has toties optata exegit gloria pœnas.  
 Da spatium vitæ, multos da Jupiter annos :  
 Hoc recto vultu solum, hoc et pallidus, optas.  
 Sed quam continuis et quantis longa senectus 190  
 Plena malis! Deformem, et tetrum ante omnia vultum  
 Dis-

Diffimilemque sui, deformem pro cute pellem,  
 Pendentefque genas, et tales aspice rugas,  
 Quales, umbriferos ubi pandit Tabraca saltus,  
 In vetula scalpit jam mater finia bucca. 195  
 Plurima sunt juvenum discrimina; pulcrior ille  
 Hoc, atque ille alio; multum hic robustior illo.  
 Una senum facies, cum voce trementia membra,  
 Et jam leve caput, madidique infantia nasi.  
 Frangendus misero gingiva panis inermi: 200  
 Usque adeo gravis uxori, natifque, sibique,  
 Ut captatori moveat fastidia Cossu.  
 Non eadem vini, atque cibi, torpente palato,  
 Gaudia. Nam coitus jam longa oblivio: vel si  
 Coneris, jacet exiguus cum ramice nervus, 205  
 Et quamvis tota palpetur nocte, jacebit.  
 Anne aliquid sperare potest hæc inguinis ægri  
 Canities? quid, quod merito suspecta libido est,  
 Quæ venerem affectat sine viribus? aspice partis  
 Nunc damnum alterius: nam quæ cantante voluptas,  
 Sit licet eximius citharædus, sitve Seleucus, 211  
 Et quibus aurata mos est fulgere lacerna?  
 Quid refert magni sedeat qua parte theatri,  
 Qui vix cornicines exaudiet, atque tubarum  
 Conventus? clamore opus est, ut sentiat auris, 215  
 Quem dicat venisse puer, quot nuntiet horas.

Præterea minimus gelido jam in corpore sanguis  
 Febre calet sola; circumfilit ægmine facto  
 Morborum omne genus, quorum si nomina quæras,  
 Promptius expediam, quot amaverit Hippiæ mæchos;  
 Quot Themison ægros autumnò occideret uno; 221  
 Quot Basilus socios, quot circumscripserit Hirrus  
 Pupillos; quot longa viros exsorbeat uno  
 Maura die; quot discipulos inclinet Hamillus.  
 Percurram citius, quot villas possideat nunc, 225  
 Quo tondente gravis juveni mihi barba sonabat.  
 Ille humero, hic lumbis, hic coxa debilis; ambos  
 Perdidit ille oculos, et lucis invidet: hujus  
 Pallida labra cibum capiunt digitis alienis:  
 Ipse, ad conspectum cœnæ diducere rictum 230  
 Suetus, hiat tantum, ceu pullus hirundinis, ad quem  
 Ore volat pleno mater jejuna. Sed omni  
 Membrorum damno major dementia, quæ nec  
 Nomina fervorum, nec vultum agnoscit amici,  
 Cum quo præterita cœnavit nocte, nec illos, 235  
 Quos genuit, quos eduxit: nam codice sævo  
 Hæredes vetat esse suos; bona tota feruntur  
 Ad Phialen. Tantum artificis valet halitus oris,  
 Quod steterat multis in carcere fornicis annis.  
 Ut vigeant sensus animi, ducenda tamen sunt 241  
 Funera natorum, rogos aspiciendus amatæ

Conjugis, et fratris, plenæque fororibus urnæ.  
 Hæc data pœna diu viventibus, ut renovata  
 Semper clade domus, multis in luctibus, inque  
 Perpetuo mœrore, et nigra veste senescant. 245  
 Rex Pylius, magno si quicquam credis Homero,  
 Exemplum vitæ fuit a cornice secundæ.  
 Felix nimirum, qui tot per sæcula mortem  
 Distulit, atque suos jam dextra computat annos,  
 Quique novum toties mustum bibit: oro, parumper  
 Attendas, quantum de legibus ipse queratur 251  
 Fatorum, et nimio de stamine, cum videt acris  
 Antilochi barbam ardentem: nam quærit ab omni  
 Quisquis adest socio, cur hæc in tempora duret;  
 Quod facinus dignum tam longo admiserit ævo. 255  
 Hæc eadem Peleus, raptum cum luget Achillem,  
 Atque alius, cui fas Ithacum lugere natantem.  
 Incolumi Troja Priamus venisset ad umbras  
 Affaraci magnis solennibus, Hectore funus  
 Portante, ac reliquis fratrum cervicibus, inter 260  
 Iliadum lacrymas, ut primos edere planctus  
 Cassandra inciperet, sciffaque Polyxena palla:  
 Si foret extinctus diverso tempore, quo jam  
 Cœperat audaces Paris ædificare carinas.  
 Longa dies igitur quid contulit? omnia vidit 265  
 Everfa, et flammis Asiam ferroque cadentem.

Tunc

Tunc miles tremulus posita tulit arma tiara,  
 Et ruit ante aram summi Jovis, ut vetulus bos,  
 Qui domini cultris tenue et miserabile collum  
 Præbet, ab ingrato jam fastiditus aratro. 270  
 Exitus ille utcunque hominis: sed torva canino  
 Latravit rictu, quæ post hunc vixerat, uxor.  
 Festino ad nostros, et regem transeo Ponti,  
 Et Cræsum, quem vox justi facunda Solonis  
 Respicere ad longæ jussit spatia ultima vitæ. 275  
 Exilium, et carcer, Minturnarumque paludes,  
 Et mendicatus victa Carthagine panis,  
 Hinc causas habuere. Quid illo cive tulisset  
 Natura in terris, quid Roma, beatius unquam,  
 Si circumducto captivorum agmine, et omni 280  
 Bellorum pompa, animam exhalâisset opimam,  
 Cum de Teutonico vellet descendere curru?  
 Provida Pompeio dederat Campania febres  
 Optandas: sed multæ urbes, et publica vota  
 Vicerunt; igitur fortuna ipsius et urbis 285  
 Servatum victo caput abstulit. Hoc cruciatu  
 Lentulus, hac pœna caruit, ceciditque Cethegus  
 Integer, et jacuit Catilina cadavere toto.  
 Formam optat modico pueris, majore puellis  
 Murmure, cum Veneris fanum videt anxia mater,  
 Usque ad delicias votorum. Cur tamen, inquit, 291



Corripias? pulcra gaudet Latona Diana.  
 Set vetat optari faciem Lucretia, qualem  
 Ipsa habuit. Cuperet Rutilæ Virginia gibbum  
 Accipere, atque suam Rutilæ dare. Filius autem  
 Corporis egregii miseros trepidosque parentes 296  
 Semper habet. Rara est adeo concordia formæ  
 Atque pudicitia! sanctos licet horrida mores  
 Tradiderit domus, ac veteres imitata Sabinas.  
 Præterea castum ingenium, vultumque modesto 300  
 Sanguine ferventem tribuat natura benigna  
 Larga manu, (quid enim puero conferre potest plus  
 Custode, et cura natura potentior omni?)  
 Non licet esse viros: nam prodiga corruptoris  
 Improbitas ipsos audet tentare parentes. 305  
 Tanta in muneribus fiducia. Nullus ephebum  
 Deformem sæva castravit in arce tyrannus;  
 Nec prætextatum rapuit Nero loripedem, vel  
 Strumosum, atque utero pariter, gibboque tumentem.  
 I nunc, et juvenis specie lætare tui, quem 310  
 Majora exspectant discrimina. Fiet adulter  
 Publicus, et pœnas metuet quascunque maritus  
 Exigit iratus: nec erit felicior astro  
 Martis, ut in laqueos nunquam incidat. Exigit autem  
 Interdum ille dolor plus, quam lex ulla dolori 315  
 Concessit. Necat hic ferro, secat ille cruentis

Ver-

Verberibus, quosdam mœchos et mugilis intrat.  
 Sed tuus Endymion dilectæ fiet adulter  
 Matronæ. Mox cum dederit Servilia nummos,  
 Fiet et illius, quam non amat: exuet omnem 320  
 Corporis ornatum. Quid enim ulla negaverit udis  
 Inguinibus, five est hæc Hippia, five Catulla?  
 Deterior totos habet illic fœmina mores.  
 Sed casto quid forma nocet? quid profuit olim  
 Hippolyto grave propositum? quid Bellerophonti?  
 Erubuit nempe hæc, seu fastidita repulsa: 326  
 Nec Sthenobœa minus, quam Cressa, excanduit, et se  
 Concussere ambæ. Mulier sævissima tunc est,  
 Cum stimulos odio pudor admovet. Elige quidnam  
 Suadendum esse putes, cui nubere Cæsaris uxor . 330  
 Destinat. Optimus hic et formosissimus idem  
 Gentis patriciæ rapitur miser exstinguendus  
 Messalinæ oculis. Dudum fedet illa parato  
 Flammeolo; Tyriusque palam genialis in hortis  
 Sternitur, et ritu decies centena dabuntur 335  
 Antiquo: veniet cum signatoribus auspex.  
 Hæc tu secreta, et paucis commissâ putabas?  
 Non nisi legitime vult nubere. Quid placeat, dic:  
 Ni parere velis, pereundum est ante lucernas;  
 Si scelus admittas, dabitur mora parvula, dum res  
 Nota urbi, et populo, contingat principis aures. 341  
 De-

Dedecus ille domus sciet ultimus. Interea tu  
 Obsequere imperio, si tanti est vita dierum  
 Paucorum. Quicquid levius meliusque putaris,  
 Præbenda est gladio pulcra hæc et candida cervix.  
 Nil ergo optabunt homines? si consilium vis, 346  
 Permittes ipsis expendere numinibus, quid  
 Conveniat nobis, rebusque sit utile nostris.  
 Nam pro jucundis aptissima quæque dabunt Dî.  
 Carior est illis homo, quam sibi. Nos, animorum  
 Impulsu, et cæca magnaque cupidine ducti, 351  
 Conjugium petimus, partumque uxoris: at illis  
 Notum, qui pueri, qualisque futura sit uxor.  
 Ut tamen et poscas aliquid, voveasque facellis  
 Extæ, et candiduli divina tomacula porci; 355  
 Orandum est, ut sit mens sana in corpore sano.  
 Fortem posce animum, et mortis terrore carentem;  
 Qui spatium vitæ extremum inter munera ponat  
 Naturæ, qui ferre queat quoscunque labores;  
 Nesciat irasci, cupiat nihil; et potiores 360  
 Herculis ærumnas credat, sævosque labores,  
 Et Venere, et cœnis, et plumis Sardanapali.  
 Monstro quod ipse tibi possis dare; semita certe  
 Tranquillæ per virtutem patet unica vitæ.  
 Nullum numen habes, si sit prudentia; sed te 365  
 Nos facimus, Fortuna, Deam, cœloque locamus.

## SATYRA XI.

**A**tticus eximie si cœnat, lautus habetur,  
 Si Rutilus, demens: quid enim majore cachinno  
 Excipitur vulgi, quam pauper Apicius? omnis  
 Convictus, thermæ, stiones, omne theatrum  
 De Rutilo. Nam dum valida, ac juvenilia membra 5  
 Sufficiunt galexæ, dumque ardent fanguine, fertur,  
 Non cogente quidem, sed nec prohibente Tribuno  
 Scripturus leges, et regia verba lanistæ.  
 Multos porro vides, quos sæpe elusus ad ipsum  
 Creditor introitum solet expectare macelli, 10  
 Et quibus in solo vivendi causa palato est.  
 Egregius cœnat meliusque miserrimus horum,  
 Et cito casurus jam perlucente ruina.  
 Interea gustus elementa per omnia quærunt,  
 Nunquam animo pretiis obstantibus: interius si 15  
 Attendas, magis illa juvant quæ pluris emuntur.  
 Ergo haud difficile est perituram arcessere summam,  
 Lancibus oppositis, vel matris imagine fracta,  
 Et quadringentis nummis condire gulosum  
 Fictile: sic veniunt ad miscellanea ludî. 20  
 Refert ergo quis hæc eadem paret: in Rutilo nam  
 Luxuria est, in Ventidio laudabile nomen





Sumit, et a censu famam trahit. Illum ego jure  
 Despiciam, qui scit quanto sublimior Atlas  
 Omnibus in Libya fit montibus, hic tamen idem 25  
 Ignoret quantum ferrata distet ab arca  
 Sacculus. E cælo descendit, γῶδι; σεαυτῶν,  
 Figendum et memori tractandum pectore, sive  
 Conjugium quæras, vel sacri in parte senatus  
 Esse velis. Nec enim lorica poscit Achillis 30  
 Therfites, in qua se traducebat Ulysses.  
 Ancipitem seu tu magno discrimine causam  
 Protegere affectas, te consule, dic tibi quis sis:  
 Orator vehemens, an Curtius, an Matho. Buccæ  
 Noscenda est mensura tuæ; spectandaque rebus 35  
 In summis, minimisque; etiam cum piscis emetur.  
 Nec mullum cupias, cum sit tibi gobio tantum  
 In oculis: quis enim te, deficiente crumena,  
 Et crescente gula, manet exitus; ære paterno,  
 Ac rebus merfis in ventrem, fœnoris, atque 40  
 Argenti gravis, et pecorum, agrorumque capacem?  
 Talibus a dominis post cuncta novissimus exit  
 Annulus, et digito mendicat Pollio nudo.  
 Non præmaturi cineres, nec funus acerbum  
 Lûxiariæ, sed morte magis metuenda senectus. 45  
 Hi plerumque gradus; conducta pecunia Romæ,  
 Et coram dominis consumitur. Inde ubi paullum  
 Nescio

Nescio quid superest, et pallet fœnoris auctor,  
 Qui vertère solum, Baias, et ad Ostia currunt.  
 Cedere namque foro jam non est deterius, quam 50  
 Esquilias a ferventi migrare Subura.  
 Ille dolor solus patriam fugientibus, illa  
 Mœstitia est, caruisse anno Circensibus uno.  
 Sanguinis in facie non hæret gutta; morantur  
 Pauci ridiculum, et fugientem ex urbe pudorem. 55  
 Experiere hodie numquid pulcerrima dictu,  
 Perfice, non præstem vita, vel moribus, et re;  
 Sed laudem filiquas occultus ganeo, pultes  
 Coram aliis dictem puero, sed in aure placentas.  
 Nam, cum sis conviva mihi promissus, habebis 60  
 Evandrum, venies Tirynthius, aut minor illo  
 Hospes, et ipse tamen contingens sanguine cœlum;  
 Alter aquis, alter flammis, ad sidera missus.  
 Fercula nunc audi nullis ornata macellis.  
 De Tiburtino veniet pinguissimus agro 65  
 Hædulus, et toto grege mollior, inscius herbæ,  
 Nec dum ausus virgas humilis mordere salicti,  
 Qui plus lactis habet quam sanguinis, et montani  
 Asparagi, posito quos legit villica fuso.  
 Grandia præterea, tortoque calentia fœno 70  
 Ova adsunt ipsis cum matribus, et servatæ  
 Parte anni, quales fuerant in vitibus, uvæ:



Signinum Syriumque pyrum : de corbibus isdem  
 Æmula Picenis, et odoris mala recentis,  
 Nec metuenda tibi, ficcatum frigore postquam 75  
 Autumnum, et crudi posuere pericula fucci.  
 Hæc olim nostri jam luxuriosa senatus  
 Cœna fuit. Curius, parvo quæ legerat horto,  
 Ipse focus brevibus ponebat oluscula, quæ nunc  
 Squallidus in magna fastidit compede fossor, 80  
 Qui meminit, calidæ sapiat quid vulva popinæ.  
 Sicci terga suis, rara pendentia crate,  
 Moris erat quondam festis servare diebus,  
 Et natalitium cognatis ponere lardum,  
 Accedente nova, si quam dabat hostia, carne. 85  
 Cognatorum aliquis titulo ter consulis, atque  
 Castrorum imperiis, et dictatoris honore  
 Functus, ad has epulas solito maturius ibat,  
 Erectum domito referens a monte ligonem.  
 Cum tremere autem Fabios, durumque Catonem,  
 Et Scauros, et Fabricios, rigidique severos 91  
 Censoris mores etiam collega timeret;  
 Nemo inter curas, et feria duxit habendum,  
 Qualis in Oceani fluctu testudo nataret,  
 Clarum Trojugenis factura ac nobile fulcrum : 95  
 Sed nudo latere, et parvis frons ærea lectis  
 Vile coronati caput ostendebat afelli,

Ad quod lascivi ludebant ruris alumni.

Tales ergo cibi, qualis domus, atque supellex.

Tunc, rudis, et Graias mirari nescius artes, 100

Urbibus everfis, prædarum in parte reperta,

Magnorum artificum frangebat pocula miles,

Ut phaleris gauderet equus, cælataque cassis

Romuleæ simulacra feræ mansuescere jussæ

Imperii fato, et geminos sub rupe Quirinos, 105

Ac nudam effigiem clypeo fulgentis et hasta,

Pendentisque Dei perituro ostenderet hosti.

Argenti quod erat solis fulgebat in armis.

Ponebant igitur Thusco farrata catino

Omnia tunc; quibus invidias, si lividulus sis. 110

Templorum quoque majestas præsentior, et vox

Nocte fere media, medianque audita per urbem,

Litore ab Oceani Gallis venientibus, et Dîs

Officium vatis peragentibus; his monuit nos,

Hanc rebus Latiis curam præstare solebat 115

Fictilis, et nullo violatus Jupiter auro.

Illa domi natas, nostraque ex arbore, menfas

Tempora viderunt; hos lignum stabat in usus,

Annosam si forte nucem dejecerat eurus.

At nunc divitibus cœnandi nulla voluptas, 120

Nil rhombus, nil dama sapit; putere videntur

Unguenta, atque rosæ, latos nisi sustinet orbes

Grande ebur, et magno sublimis pardus hiatu,  
 Dentibus ex illis, quos mittit porta Syenes,  
 Et Mauri celeres, et Mauro obscurior Indus, 125  
 Et quos depofuit Nabathæo bellua faltu,  
 Jam nimios, capitique graves. Hinc furgit orexis,  
 Hinc ftomacho vires. Nam pes argenteus illis,  
 Annulus in digito quod ferreus. Ergo fuperbum  
 Convivam caveo, qui me fibi comparat, et res 130  
 Despicit exiguas; adeo nulla uncia nobis  
 Eft eboris, nec tefsellæ, nec calculus ex hac  
 Materia; quin ipfa manubria cultellorum  
 Offea: non tamen his ulla unquam obfonia fiunt  
 Rancidula, aut ideo pejor gallina fecatur. 135  
 Sed nec ftructur erit, cui cedere debeat omnis  
 Pergula, difcipulus Trypheri doctoris, apud quem  
 Sumine cum magno lepus, atque aper, et pygargus,  
 Et Scythicæ volucres, et phœnicopterus ingens,  
 Et Gætulus oryx, hebeti lautiffima ferro 140  
 Cæditur, et tota fonat ulmea cœna Subura.  
 Nec fruftum capreæ fubducere, nec latus Afræ  
 Novit avis nofter tirunculus, ac rudis omni  
 Tempore, et exiguæ fruftis imbutus ofellæ.  
 Plebeios calices et paucis affibus emptos 145  
 Porriget incultus puer, atque a frigore tutus;  
 Non Phyrx, aut Lycius, non a mangone petitus

Quisquam erit, et magno. Cùm posces, posce Latine.  
 Idem habitus cunctis, tonsi, rectique capilli,  
 Atque hodie tantum propter convivium pexi. 150  
 Pastoris duri est hic filius, ille bubulci :  
 Suspirat longo non visam tempore matrem,  
 Et casulam, et notos tristis desiderat hœdos :  
 Ingenui vultus puer ingenuique pudoris,  
 Quales esse decet, quos ardens purpura vestit. 155  
 Nec pugillares defert in balnea raucus  
 Testiculos, nec vellendas jam præbuit alas :  
 Crassa nec opposito pavidus tegit inguina gutto.  
 Hic tibi vina dabit diffusa in montibus illis  
 A quibus ipse venit, quorum sub vertice lusit : 160  
 Namque una atque eadem vini patria, atque ministri.  
 Forsitan exspectes, ut Gaditana canoro  
 Incipiat prurire choro, plausuque probatæ  
 Ad terram tremulo descendant clune puellæ ;  
 Irritamentum veneris languentis, et acres 165  
 Divitis urticæ : major tamen ista voluptas  
 Alterius sexus ; magis ille extenditur ; et mox  
 Auribus atque oculis concepta urina movetur.  
 Non capit has nugas humilis domus : audiat ille  
 Testarum crepitus cum verbis, nudum olido stans 170  
 Fornice mancipium quibus abstinet : ille fruatur  
 Vocibus obscœnis, omnique libidinis arte,



Qui Lacedæmonium pytifmate lubricat orbem.  
 Namque ibi fortunæ veniam damus. Alea turpis,  
 Turpe et adulterium mediocribus: hæc eadem illi  
 Omnia cum faciant, hilares nitidique vocantur. 176  
 Noſtra dabunt alios hodie convivia ludos,  
 Conditor Iliados cantabitur, atque Maronis  
 Altifoni dubiam facientia carmina palmam.  
 Quid refert tales verſus qua voce legantur? 180  
 Sed nunc dilatis averte negotia curis,  
 Et gratam requiem dona tibi, quando licebit  
 Per totam ceſſare diem: non fœnoris ulla  
 Mentio; nec, prima ſi luce egreſſa reverti  
 Nocte ſolet, tacito bilem tibi contrahat uxor, 185  
 Humida ſuſpectis referens multitia rugis,  
 Vexataſque comas, et vultum auremque calentem.  
 Protinus ante meum, quicquid dolet, exue limen.  
 Pone domum, et ſervos, et quicquid frangitur illis,  
 Aut perit: ingratos ante omnia pone ſodales. 190  
 Interea Megaleſiacæ ſpectacula mappæ  
 Idæum ſolenne colunt, ſimiliſque triumpho  
 Prædo caballorum prætor fedet: ac mihi pace  
 Immenſæ nimixque licet ſi dicere plebis,  
 Totam hodie Romam circus capit; et fragor aurem  
 Percutit, eventum viridis quo colligo panni. 196  
 Nam ſi deficeret, mœſtam attonitamque videres

Hanc urbem, veluti Cannarum in pulvere victis  
 Consulibus. Spectent juvenes, quos clamor, et audax  
 Sponfio, quos cultæ decet affedisse puellæ. 200  
 Spectent hoc nuptæ, juxta recubante marito,  
 Quod pudeat narrasse aliquem præsentibus ipsis.  
 Nostra bibat vernum contracta cuticula solem,  
 Effugiatque togam. Jam nunc in balnea salva  
 Fronte licet vadas, quanquam solida hora supersit 205  
 Ad sextam. Facere hoc non possis quinque diebus  
 Continuis, quia sunt talis quoque tædia vitæ  
 Magna. Voluptates commendat rarior usus.

## S A T Y R A XII.

**N**Atali, Corvine, die mihi dulcior hæc lux,  
 Qua festus promissa Deis animalia cæspes  
 Exspectat; niveam reginæ cædimus agnam:  
 Par vellus dabitur pugnanti Gorgone Maura.  
 Sed procul extensum petulans quatit hostia funem, 5  
 Tarpeio servata Jovi, frontemque coruscat.  
 Quippe ferõx vitulus templis maturus et aræ,  
 Spargendusque mero, quem jam pudet ubera matris  
 Ducere, qui vexat nascenti robora cornu.  
 Si res ampla domi, similisque affectibus, esset, 10  
 Pinguior Hispulla traheretur taurus, et ipsa

Mole







Mole piger, nec finitima nutritus in herba ;  
 Læta sed ostendens Clitumni pascua sanguis  
 Iret, et a grandi cervix ferienda ministro,  
 Ob reditum trepidantis adhuc, horrendaque passi 15  
 Nuper, et incolumem sese mirantis, amici.  
 Nam præter pelagi casus, et fulguris ictum  
 Evasi, densæ cœlum abscondere tenebræ  
 Nube una, subitusque antennas impulit ignis ;  
 Cum se quisque illo percussum crederet, et mox 20  
 Attonitus nullum conferri posse putaret  
 Naufragium velis ardentibus. Omnia fiunt  
 Talia, tam graviter, si quando poëtica surgit  
 Tempesta. Genus ecce aliud discriminis : audi,  
 Et miserere iterum, quanquam sint cætera sortis 25  
 Eiusdem ; pars dira quidem, sed cognita multis,  
 Et quam votiva testantur fana tabella  
 Plurima. Pictores quis nescit ab Ifide pasci ?  
 Accidit et nostro similis fortuna Catullo,  
 Cum plenus fluctu medius foret alveus, et jam, 30  
 Alternum puppis latus evertentibus undis  
 Arboris incertæ, nullam prudentia cani  
 Rectoris conferret opem ; decidere jactu  
 Cœpit cum ventis, imitatus castora, qui se  
 Eunuchum ipse facit, cupiens evadere damno 35  
 Testiculorum : adeo medicatum intelligit inguen.

Fundite quæ mea sunt, dicebat, cuncta, Catullus,  
 Præcipitare volens etiam pulcherrima, vestem  
 Purpuream, teneris quoque Mæcenatibus aptam,  
 Atque alias, quarum generosi graminis ipsum 40  
 Infecit natura pecus, sed et egregius fons,  
 Viribus occultis et Bæticus adjuvat aër.  
 Ille nec argentum dubitabat mittere, lances  
 Parthenio factas, urnæ cratera pacem,  
 Et dignum sitiente Pholo, vel conjuge Fusci. 45  
 Adde et bascaudas, et mille escaria, multum  
 Cælati, biberat quo callidus emptor Olynthi.  
 Sed quis nunc alius, qua mundi parte quis, audet  
 Argento præferre caput, rebusque salutem?  
 Non propter vitam faciunt patrimonia quidam, 50  
 Sed vitio cæci propter patrimonia vivunt.  
 Jactatur rerum utilium pars maxima; sed nec  
 Damna levant. Tunc, adversis urgentibus, illuc  
 Recidit, ut malum ferro summitteret, ac se  
 Explicat angustum, discriminis ultima quando 55  
 Præsidia afferimus, navem factura minorem.  
 I nunc, et ventis animam committe, dolato  
 Confisus ligno, digitis a morte remotus  
 Quatuor, ac septem, si sit latissima tæda.  
 Mox cum reticulis, et pane, et ventre lagenæ, 60  
 Aspice sumendas in tempestate secures.

Sed

Sed postquam jacuit planum mare, tempora postquam  
 Prospera, vectoris fatumque valentius euro  
 Et pelago, postquam Parcæ meliora benigna  
 Pensa manu ducunt hilares, et staminis albi 65  
 Lanificæ; modica nec multo fortior aura  
 Ventus adest; inopi miserabilis arte cucurrit  
 Vestibus extensis, et quod superaverat unum,  
 Velo prora suo: jam, deficientibus austris,  
 Spes vitæ cum sole redit. Tum gratus Iulo, 70  
 Atque novercali sedes prælata Lavino,  
 Conspicitur sublimis apex, cui candida nomen  
 Scrofa dedit, lætis Phrygibus mirabile fumen,  
 Et nunquam visis triginta clara mamillis.  
 Tandem intrat positas inclusa per æquora moles, 75  
 Tyrrenamque Pharon, porrectaque brachia rursum  
 Quæ pelago occurrunt medio, longeque relinquunt  
 Italiam. Non sic igitur mirabere portus  
 Quos natura dedit: sed trunca puppe magister  
 Interiora petit Baianæ pervia cymbæ 80  
 Tuti stagna sinus. Gaudent ibi vertice raso  
 Garrula securi narrare pericula nautæ.  
 Ite igitur, pueri, linguis animisque faventes,  
 Sertaque delubris et farra imponite cultris,  
 Ac molles ornate focos, glebamque virentem. 85  
 Jam sequar; et sacro, quod præstat, rite peracto,

Inde

Inde domum repetam, graciles ubi parva coronas  
 Accipiunt fragili simulacra nitentia cera.  
 Hic nostrum placabo Jovem, laribusque paternis  
 Thura dabo, atque omnes violæ jactabo colores. 90  
 Cuncta nitent; longos erexit janua ramos,  
 Et matutinis operitur festa lucernis.  
 Nec suspecta tibi sint hæc, Corvine : Catullus,  
 Pro cujus reditu tot pono altaria, parvos  
 Tres habet hæredes. Libet exspectare, quis ægram  
 Et claudentem oculos gallinam impendat amico 96  
 Tam sterili. Verum hæc nimia est impensa : coturnix  
 Nulla unquam pro patre cadet. Sentire calorem  
 Si cœpit locuples Gallita et Paccius, orbi,  
 Legitime fixis vestitur tota tabellis 100  
 Porticus. Existunt, qui promittant hecatomben :  
 Quatenus hic non sunt nec venales elephantii,  
 Nec Latio, aut usquam nostro sub fidere, talis  
 Bellua concipitur : sed furva gente petita,  
 Arboribus Rutulis et Turni pascitur agro. 105  
 Cæsaris armentum, nulli servire paratum  
 Privato : siquidem Tyrio parere solebant  
 Hannibali, et nostris ducibus, regi que Molosso :  
 Horum majores, ac dorso ferre cohortes, 109  
 Partem aliquam belli, et euntem in prælia turrim.  
 Nulla igitur mora per Novium, mora nulla per Istrum  
 Pa-

Pacuvium, quin illud ebur ducatur ad aras,  
 Et cadat ante lares Gallitæ victima sacra,  
 Tantis digna Deis, et captatoribus horum.  
 Alter enim, si concedas maçtare, vovebit 115  
 De grege fervorum magna, et pulcerrima quæque  
 Corpora; vel pueris, et frontibus ancillarum  
 Imponet vittas; et si qua est nubilus illi  
 Iphigenia domi, dabit hanc altaribus, et si  
 Non sperat tragicæ furtiva piacula cervæ. 120  
 Laudo meum civem, nec comparo testamento  
 Mille rates: nam si Libitinam evaserit æger,  
 Delebit tabulas, inclusus carcere nassæ,  
 Post meritum sane mirandum, atque omnia soli  
 Forfan Pacuvio breviter dabit. Ille superbus 125  
 Incedet victis rivalibus. Ergo vides, quam  
 Grande operæ pretium faciat jugulata Mycenis.  
 Vivat Pacuvius, quæso, vel Nestora totum:  
 Possideat quantum rapuit Nero: montibus aurum 129  
 Exæquet: nec amet quemquam, nec ametur ab ullo.

## SATYRA XIII.

**E**Xemplo quodcumque malo committitur, ipsi  
Displicet auctori. Prima est hæc ultio, quod se  
Judice, nemo nocens absolvitur, improba quamvis  
Gratia fallaci prætoris vicerit urna.  
Quid sentire putas omnes, Calvine, recenti 5  
De scelere, et fidei violatæ crimine? sed nec  
Tam tenuis census tibi contigit, ut mediocris  
Jacturæ te mergat onus: nec rara videmus  
Quæ pateris; casus multis hic cognitus, ac jam  
Tritus, et e medio fortunæ ductus acervo. 10  
Ponamus nimios gemitus; flagrantior æquo  
Non debet dolor esse viri, nec vulnere major.  
Tu quamvis levium minimam exiguamque malorum  
Particulam vix ferre potes, spumantibus ardens  
Visceribus, sacrum tibi quod non reddat amicus 15  
Depositum. Stupet hæc, qui jam post terga reliquit  
Sexaginta annos, Fonteio consule natus?  
An nihil in melius tot rerum proficis usu?  
Magna quidem, sacris quæ dat præcepta libellis,  
Victrix Fortunæ sapientia. Dicimus autem 20  
Hos quoque felices, qui ferre incommoda vitæ,  
Nec jactare jugum vita didicere magistra.

Quæ

Quæ tam festa dies, ut cesset prodere furem,  
 Perfidiam, fraudes, atque omni ex crimine lucrum  
 Quæsitum, etartos gladio vel pyxide nummos? 25  
 Rari quippe boni; numero vix sunt totidem, quot  
 Thebarum portæ, vel divitis ostia Nili.  
 Nona ætas agitur, pejoraque sæcula ferri  
 Temporibus; quorum scelere non invenit ipsa  
 Nomen, et a nullo posuit natura metallo. 30  
 Nos hominum Divumque fidem clamore ciemus,  
 Quanto Fessidium laudat vocalis agentem  
 Sportula. Dic senior bulla dignissime, nescis  
 Quas habeat veneres aliena pecunia? nescis,  
 Quem tua simplicitas risum vulgo moveat, cum 35  
 Exigis a quoquam ne pejeret, et putet ullis  
 Esse aliquod numen templis, aræque rubenti?  
 Quondam hoc indigenæ vivebant more, prius quam  
 Sumeret agrestem, posito diademate, falcem  
 Saturnus fugiens: tunc, cum virguncula Juno, 40  
 Et privatus adhuc Idæis Jupiter antris.  
 Nulla super nubes convivia Cœlicolarum,  
 Nec puer Iliacus, formosa nec Herculis uxor  
 Ad cyathos; et jam siccato nectare tergens  
 Brachia Vulcanus Liparæa nigra taberna. 45  
 Prandebat sibi quisque Deus, nec turba Deorum  
 Talis, ut est hodie; contentaque sidera paucis

Numinibus miserum urgebant Atlanta minori  
 Pondere. Nondum aliquis fortitus triste profundi  
 Imperium, aut Sicula torvus cum conjuge Pluton. 50  
 Nec rota, nec Furiæ, nec saxum, aut vulturis atrî  
 Pœna; sed infernis hilares sine regibus umbræ.  
 Improbitas illo fuit admirabilis ævo.  
 Credebant hoc grande nefas et morte piandum,  
 Si juvenis vetulo non affurrexerat, et si 55  
 Barbato cuicumque puer; licet ipse videret  
 Plura domi fraga, et majores glandis acervos.  
 Tam venerabile erat præcedere quatuor annis,  
 Primaque par adeo sacra lanugo fenectæ.  
 Nunc, si depositum non inficietur amicus, 60  
 Si reddat veterem cum tota ærugine follem,  
 Prodigiôsa fides, et Thufcis digna libellis,  
 Quæque coronata lustrari debeat agna.  
 Egregium sanctumque virum si cerno, bimembri  
 Hoc monstrum puero, vel mirandis sub aratro 65  
 Piscibus inventis, et fœtæ comparo mulæ;  
 Sollicitus, tanquam lapides effuderit imber,  
 Examenque apium longa confederit uva  
 Culmine delubri, tanquam in mare fluxerit amnis  
 Gurgitibus miris, et lactis vortice torrens. 70  
 Intercepta decem quereris festertia fraude  
 Sacrilega: quid si bis centum perdidit alter



Hoc arcana modo? majorem tertius illa  
 Summam, quam patulæ vix ceperat angulus arcæ?  
 Tam facile et pronum est superos contemnere testes,  
 Si mortalis idem nemo sciat. Aspice quanta 76  
 Voce neget, quæ fit ficti constantia vultus.  
 Per Solis radios, Tarpeiaque fulmina jurat,  
 Et Martis frameam, et Cirrhæi spicula vatis;  
 Per calamos venatricis, pharetramque puellæ, 80  
 Perque tuum, pater Ægæi Neptune, tridentem.  
 Addit et Herculeos arcus, hastamque Minervæ,  
 Quicquid habent telorum armamentaria cæli.  
 Si vero et pater est, comedam, inquit, flebile nati  
 Sinciput elixi, Pharioque madentis aceto. 85  
 Sunt, in fortunæ qui casibus omnia ponant,  
 Et nullo credant mundum rectore moveri,  
 Natura volvente vices et lucis, et anni;  
 Atque ideo intrepidi quæcunque altaria tangunt.  
 Est alius metuens ne crimen pœna sequatur: 90  
 Hic putat esse Deos, et pejerat, atque ita fecum;  
 Decernat quodcumque volet de corpore nostro  
 Isis, et irato feriat mea lumina fistro,  
 Dummodo vel cæcus teneam, quos abnego, nummos.  
 Et phthisis, et vomicæ putres, et dimidium crus 95  
 Sunt tanti? pauper locupletem optare podagram  
 Ne dubitet Ladas, si non eget Anticyra, nec

Archigene. Quid enim velocis gloria plantæ  
 Præstat, et esuriens Pisææ ramus olivæ?  
 Ut fit magna, tamen certe lenta ira Deorum est. 100  
 Si curant igitur cunctos punire nocentes,  
 Quando ad me venient? sed et exorabile numen  
 Fortasse experiar: solet his ignoscere. Multi  
 Committunt eadem diverso crimina fato;  
 Ille crucem pretium sceleris tulit, hic diadema. 105  
 Sic animum diræ trepidum formidine culpæ  
 Confirmant. Tunc te sacra ad delubra vocantem  
 Præcedit, trahere imo ultro, ac vexare paratus.  
 Nam, cum magna malæ superest audacia causæ,  
 Creditur a multis fiducia. Mimum agit ille, 110  
 Urbani qualem fugitivus scurra Catulli.  
 Tu miser exclamas, ut Stentora vincere possis,  
 Vel potius quantum Gradivus Homericus: audis,  
 Jupiter, hæc, nec labra moves, cum mittere vocem  
 Debueras, vel marmoreus, vel aheneus? aut cur 115  
 In carbone tuo charta pia thura soluta  
 Ponimus, et sectum vituli jecur, albaque porci  
 Omenta? ut video, nullum discrimen habendum est  
 Effigies inter vestras, statuatque Bathylli.  
 Accipe quæ contra valeat solatia ferre, 120  
 Et qui nec Cynicos, nec Stoïca dogmata legit  
 A Cynicis tunica distantia; non Epicurum

Suf-

Suspicit exigui lætum plantaribus horti.  
 Curentur dubii medicis majoribus ægri:  
 Tu venam vel discipulo committe Philippi. 125  
 Si nullum in terris tam detestabile factum  
 Ostendis, taceo, nec pugnis cædere pectus  
 Te veto, nec plana faciem contundere palma:  
 Quandoquidem accepto claudenda est janua damno,  
 Et majore domus gemitu, majore tumultu 130  
 Planguntur nummi, quam funera. Nemo dolorem  
 Fingit in hoc casu, vestem diducere summam  
 Contentus, vexare oculos humore coacto,  
 Ploratur lacrymis amissa pecunia veris.  
 Sed si cuncta vides simili fora plena querela; 135  
 Si decies lectis diversa in parte tabellis,  
 Vana supervacui dicunt chirographa ligni,  
 Arguit ipsorum quos litera, gemmaque princeps  
 Sardonychum, loculis quæ custoditur eburnis:  
 Ten' ô delicias extra communia censes 140  
 Ponendum; quia tu gallinæ filius albæ,  
 Nos viles pulli, nati infelicibus ovis?  
 Rem pateris modicam, et mediocri bile ferendam,  
 Si flectas oculos majora ad crimina: confer  
 Conductum latronem, incendia sulphure cœpta, 145  
 Atque dolo, primos cum janua colligit ignes:  
 Confer et hos, veteris qui tollunt grandia templi

Pocula adorandæ rubiginis, et populorum  
 Dona, vel antiquo positas a rege coronas.  
 Hæc ibi si non sunt, minor exstat sacrilegus, qui 150  
 Radat inaurati femur Herculis, et faciem ipsam  
 Neptuni; qui bracteolam de Castore ducat.  
 An dubitet, solitus totum conflare Tonantem?  
 Confer et artifices, mercatoremque veneni,  
 Et deducendum corio bovis in mare, cum quo 155  
 Clauditur adversis innoxia simia fatis.  
 Hæc quota pars scelerum, quæ custos Gallicus urbis,  
 Usque a Lucifero donec lux occidat, audit?  
 Humani generis mores tibi nosse volenti  
 Sufficit una domus. Paucos consume dies, et 160  
 Dicere te miserum, postquam illinc veneris, aude.  
 Quis tumidum guttur miratur in Alpibus? aut quis  
 In Meroë crassô majorem infante mamillam?  
 Cœrula quis stupuit Germani lumina, flavam  
 Cæsariem, et madido torquentem cornua cirro? 165  
 Nempe quod hæc illis natura est omnibus una.  
 Ad subitas Thracum volucres, nubemque sonoram  
 Pygmæus parvis currit bellator in armis;  
 Mox impar hosti, raptusque, per aëra curvis  
 Unguibus a seva fertur grue. Si videas hoc 170  
 Gentibus in nostris, risu quatiere: sed illic,  
 Quanquam eadem assidue spectentur prælia, ridet  
 Nemo,

Nemo, ubi tota cohors pede non est altior uno.  
 Nullane perjuri capitis, fraudisque nefandæ  
 Pœna erit? abreptum crede hunc graviore catena 175  
 Protinus, et nostro, quid plus velit ira? necari  
 Arbitrio. Manet illa tamen jactura, nec unquam  
 Deposita tibi sospes erit: sed corpore trunco  
 Invidiosa dabit minimus solatia sanguis.  
 At vindicta bonum vita jucundius ipsa. 180  
 Nempe hoc indocti, quorum præcordia nullis  
 Interdum, aut levibus videas flagrantia causis.  
 Quantulacunque adeo est occasio, sufficit iræ.  
 Chrysiippus non dicet idem, nec mite Thaletis  
 Ingenium, dulci que senex vicinus Hymetto, 185  
 Qui partem acceptæ sæva inter vincla cicuta  
 Accusatori nollet dare. Plurima felix  
 Paulatim vitia, atque errores exuit omnes.  
 Prima docens rectum sapientia. Quippe minuti  
 Semper et infirmi est animi exiguique voluptas 190  
 Ultio: continuo sic collige, quod vindicta  
 Nemo magis gaudet, quam fœmina. Cur tamen hos tu  
 Evasisse putes, quos diri conscia facti  
 Mens habet attonitos, et furdo verbere cædit,  
 Occultum quatiente animo tortore flagellum? 195  
 Pœna autem vehemens, ac multo sævior illis,  
 Quas et Cæditius gravis invenit et Rhadamanthus,

Nocte dieque suum gestare in pectore testem.  
 Spartano cuidam respondit Pythia vates;  
 Haud impunitum quondam fore, quod dubitaret 200  
 Depositedum retinere, et fraudem jure tueri  
 Jurando: quærebat enim quæ numinis esset  
 Mens; et an hoc illi facinus suaderet Apollo.  
 Reddidit ergo metu, non moribus; et tamen omnem  
 Vocem adyti dignam templo veramque probavit, 205  
 Exstinctus tota pariter cum prole, domoque,  
 Et quamvis longa deductis gente propinquis.  
 Has patitur pœnas peccandi sola voluntas.  
 Nam, scelus intra se tacitum qui cogitat ullum,  
 Facti crimen habet. Cedo, si conata peregit? 210  
 Perpetua anxietas, nec mensæ tempore cessat;  
 Faucibus ut morbo ficcis, interque molares  
 Difficili crescente cibo. Sed vina misellus  
 Exspuit: Albani veteris pretiosa senectus  
 Displicet. Ostendas melius, densissima ruga 215  
 Cogitur in frontem, velut acri ducta Falerno.  
 Nocte brevem si forte indulsit cura soporem,  
 Et toto versata toro jam membra quiescunt,  
 Continuo templum, et violati numinis aras,  
 Et, quod præcipuis mentem sudoribus urget, 220  
 Te videt in somnis. Tua sacra et major imago  
 Humana turbat pavidum, cogitque fateri.

Hi sunt qui trepidant, et ad omnia fulgura pallent,  
 Cum tonat, exanimes primo quoque murmure cœli;  
 Non quasi fortuitus, nec ventorum rabie, sed 225  
 Iratus, cadat in terras, et vindicet ignis.  
 Illa nihil nocuit, cura graviore timetur  
 Proxima tempestas, velut hoc dilata sereno.  
 Præterea lateris vigili cum febre dolorem  
 Si cœpere pati, missum ad sua corpora morbum 230  
 Infesto credunt a numine; faxa Deorum  
 Hæc, et tela putant. Pecudem spondere facello  
 Balantem, et laribus cristam promittere galli  
 Non audent. Quid enim sperare nocentibus ægris  
 Concessum? vel quæ non dignior hostiâ vita? 235  
 Mobilis et varia est ferme natura malorum.  
 Cum scelus admittunt, superest constantia; quid fas  
 Atque nefas tandem incipiunt sentire, peractis  
 Criminibus. Tamen ad mores natura recurrit  
 Damnatos, fixa et mutari nescia. Nam quis 240  
 Peccandi finem posuit sibi? quando recepit  
 Ejectum semel attrita de fronte ruborem?  
 Quisnam hominum est, quem tu contentum videris uno  
 Flagitio? dabit in laqueum vestigia noster  
 Perfidus, et nigri patietur carceris uncum, 245  
 Aut maris Ægæi rupem, scopulosque frequentes  
 Exulibus magnis. Pœna gaudebis amara

Nominis invisi; tandemque fatebere lætus  
Nec furdum, nec Tiresiam, quenquam esse Deorum.

## SATYRA XIV.

**P**Lurima sunt, Fuscine, et fama digna sinistra,  
Et nitidis maculam ac rugam figentia rebus,  
Quæ monstrant ipsi pueris traduntque parentes.  
Si damnosa senem juvat alea, ludit et hæres  
Bullatus, parvoque eadem movet arma fritillo. 5  
Nec de se melius cuiquam sperare propinquo  
Concedet juvenis, qui radere tubera terræ,  
Boletum condire, et eodem jure natantes  
Mergere ficedulas didicit, nebulone parente,  
Et cana monstrante gula. Cum septimus annus 10  
Transferit puerum, nondum omni dente renato,  
Barbatos licet admoveas mille inde magistros,  
Hinc totidem, cupiet lauto cœnare paratu  
Semper, et a magna non degenerare culina.  
Mitem animum, et mores modicis erroribus æquos 15  
Præcipit, atque animos fervorum, et corpora nostra  
Materia constare putat, paribusque elementis;  
An sævire docet Rutilus, qui gaudet acerbo  
Plagarum strepitu, et nullam Sirena flagellis  
Comparat, Antiphates trepidi laris, ac Polyphemus? 20  
Tum



Tum felix, quoties aliquis, tortore vocato,  
 Uritur ardenti duo propter lintea ferro.  
 Quid suadet juveni lætus stridore catenæ,  
 Quem mire afficiunt inscripta ergastula, carcer  
 Rusticus? exspectas ut non sit adultera Largæ 25  
 Filia, quæ nunquam maternos dicere mœchos  
 Tam cito, nec tanto poterit contexere cursu,  
 Ut non ter decies respiret? conscia matri  
 Virgo fuit: ceras nunc, hac dictante, pusillas  
 Implet, et ad mœchum dat eisdem ferre cinædis; 30  
 Sic natura jubet. Velocius et citius nos  
 Corruptunt vitiorum exempla domestica, magnis  
 Cum subeunt animos auctoribus. Unus et alter  
 Forfitan hæc spernant juvenes, quibus arte benigna,  
 E meliore luto finxit præcordia Titan. 35  
 Sed reliquos fugienda patrum vestigia ducunt,  
 Et monstrata diu veteris trahit orbita culpæ.  
 Abstineas igitur damnandis; hujus enim vel  
 Una potens ratio est, ne crimina nostra sequantur  
 Ex nobis geniti: quoniam dociles imitandis 40  
 Turpibus ac pravis omnes fumus; et Catilinam  
 Quocunque in populo videas, quocunque sub axe:  
 Sed nec Brutus erit, Bruti nec avunculus usquam.  
 Nil dictu fœdum visuque hæc limina tangat,  
 Intra quæ puer est. Procul hinc, procul inde puellæ

Lenonum, et cantus pernoctantis parasiti. 46  
 Maxima debetur puero reverentia. Si quid  
 Turpe paras, nec tu pueri contempseris annos :  
 Sed peccaturo obsistat tibi filius infans.  
 Nam si quid dignum censoris fecerit ira, 50  
 Quandoquidem similem tibi se non corpore tantum  
 Nec vultu dederit, morum quoque filius, et cum  
 Omnia deterius tua per vestigia peccet,  
 Corripies nimirum, et castigabis acerbo  
 Clamore, ac post hæc tabulas mutare parabis. 55  
 Unde tibi frontem libertatemque parentis,  
 Cum facias pejora senex, vacuumque cerebro  
 Jampridem caput hoc ventosa cucurbita quærat ?  
 Hospite venturo, cessabit nemo tuorum :  
 Verre pavementum ; nitidas ostende columnas ; 60  
 Arida cum tota descendat aranea tela :  
 Hic leve argentum, vasa aspera tergeat alter :  
 Vox domini fremit instantis, virgamque tenentis.  
 Ergo miser trepidas, ne stercore fœda canino  
 Atria displiceant oculis venientis amici, 65  
 Ne perfusa luto sit porticus ; et tamen uno  
 Semodio scobis hæc emendat servulus unus.  
 Illud non agitas, ut sanctam filius omni  
 Aspiciat sine labe domum, vitioque carentem ?  
 Gratum est, quod patriæ civem populoque dedisti, 70  
 Si

Si facis, ut patriæ sit idoneus, utilis agris,  
 Utilis et bellorum, et pacis rebus agendis.  
 Plurimum enim intererit quibus artibus, et quibus hunc tu  
 Moribus instituas. Serpente ciconia pullos  
 Nutrit, et inventa per devia rura lacerta : 75  
 Illi eadem sumptis quærunt animalia pennis.  
 Vultur, jumento, et canibus, crucibusque relictis,  
 Ad fœtus properat, partemque cadaveris affert.  
 Hic est ergo cibus magni quoque vulturis, et se  
 Pascentis, propria cum jam facit arbore nidos. 80  
 Sed leporem, aut capream, famulæ Jovis, et generosæ  
 In saltu venantur aves, hinc præda cubili  
 Ponitur; inde autem, cum se matura levarit  
 Progenies, stimulante fame, festinat ad illam,  
 Quam primum rupto prædam gustaverat ovo. 85  
 Ædificator erat Centronius, et modo curvo  
 Litore Caietæ, summa nunc Tiburis arce,  
 Nunc Prænestinis in montibus, alta parabat  
 Culmina villarum, Græcis longeque petitis  
 Marmoribus vincens Fortunæ atque Herculis ædem; 90  
 Ut spado vincebat Capitolia nostra Posides.  
 Dum sic ergo habitat Centronius, imminuit rem,  
 Fregit opes, nec parva tamen mensura relictæ  
 Partis erat; totam hanc turbavit filius amens,  
 Dum meliore novas attollit marmore villas.

95

Qui-

Quidam, fortiti metuentem sabbata patrem,  
 Nil præter nubes, et cœli numen adorant;  
 Nec distare putant humana carne fuillam,  
 Qua pater abstinuit: mox et præputia ponunt:  
 Romanas autem soliti contemnere leges, 100  
 Judaicum ediscunt, et servant, ac metuunt jus,  
 Tradidit arcano quodcunque volumine Moses;  
 Non monstrare vias, eadem nisi sacra colenti;  
 Quæsitum ad fontem solos deducere verpos.  
 Sed pater in causa, cui septima quæque fuit lux 105  
 Ignava, et partem vitæ non attigit ullam.  
 Sponte tamen juvenes imitantur cætera: solam  
 Inviti quoque avaritiam exercere jubentur.  
 Fallet enim vitium specie virtutis et umbra,  
 Cum sit triste habitu, vultuque et veste severum, 110  
 Nec dubie tanquam frugi laudetur avarus,  
 Tanquam parcus homo, et rerum tutela suarum  
 Certa magis, quam si fortunas servet easdem  
 Hesperidum serpens, aut Ponticus. Adde, quod hunc, de  
 Quo loquor, egregium populus putat, atque verendum  
 Artificem; quippe his crescunt patrimonia fabris. 116  
 Sed crescunt quocunque modo, majoraque fiunt  
 Incude assidua, semperque ardente camino.  
 Et pater ergo animi felices credit avaros,  
 Qui miratur opes, qui nulla exempla beati

120

Pau-

Pauperis esse putat; juvenes hortatur, ut illam  
 Ire viam pergant, et eidem incumbere sectæ.  
 Sunt quædam vitiorum elementa: his protinus illos  
 Imbuit, et cogit minimas ediscere fordes:  
 Mox acquirendi docet infatiabile votum. 125  
 Servorum ventres modio castigat iniquo,  
 Ipse quoque esuriens: neque enim omnia sustinet un-  
 Mucida cœrulei panis consumere frustra, [quam  
 Hesternum solitus medio fervare minuta  
 Septembri, nec non differre in tempora cœnæ 130  
 Alterius, conchem æstivi cum parte lacerti  
 Signatam, vel dimidio putrique siluro,  
 Filaque sectivi numerata includere porri.  
 Invitaturus ad hæc aliquis de ponte negabit.  
 Sed quo divitias hæc per tormenta coactas; 135  
 Cum furor haud dubius, cum sit manifesta phrenesis,  
 Ut locuples moriaris, egenti vivere fato?  
 Interea pleno cum turget facculus ore,  
 Crescit amor nummi, quantum ipsa pecunia crescit:  
 Et minus hanc optat, qui non habet. Ergo paratur  
 Altera villa tibi, cum rus non sufficit unum, 141  
 Et proferre libet fines; majorque videtur  
 Et melior vicina seges. Mercaris et hanc, et  
 Arbuta, et densa montem qui canet oliva:  
 Quorum si pretio dominus non vincitur ullo, 145  
 Nocte

Nocte boves macri, lassoque famelica collo  
 Armenta ad virides hujus mittentur aristas;  
 Nec prius inde domum, quam tota novalia fævos  
 In ventres abeant, ut credas falcibus actum.  
 Dicere vix possis, quam multi talia plorent, 150  
 Et quot venales injuria fecerit agros.  
 Sed qui sermones? quam fœdæ buccina famæ?  
 Quid nocet hæc, inquit. Tunicam mihi malo lupini,  
 Quam si me toto laudet vicinia pago  
 Exigui ruris paucissima farra secantem. 155  
 Scilicet et morbis et debilitate carebis,  
 Et luctum et curam effugies, et tempora vitæ  
 Longa tibi post hæc fato meliore dabuntur;  
 Si tantum culti solus possederis agri,  
 Quantum sub Tatio populus Romanus arabat. 160  
 Mox etiam fractis ætate, ac Punica passis  
 Prælia, vel Pyrrhum immanem, gladiosque Moloſſos,  
 Tandem pro multis vix jugera bina dabantur  
 Vulneribus. Merces ea sanguinis atque laboris  
 Nullis visa unquam meritis minor, aut ingrata 165  
 Curta fides patriæ. Saturabat glebula talis  
 Patrem ipsum, turbamque casæ, qua fœta jacebat  
 Uxor, et infantes ludebant quatuor, unus  
 Vernula, tres domini: sed magnis fratribus horum  
 A scrobe vel fulco redeuntibus, altera cœna 170

Amplior, et grandes fumabant pultibus ollæ.  
 Nunc modus hic agri nostro non sufficit horto.  
 Inde fere scelerum causæ, nec plura venena  
 Miscuit, aut ferro grassatur sæpius ullum  
 Humanæ mentis vitium, quam sæva cupido 175  
 Immodici census: nam dives qui fieri vult,  
 Et cito vult fieri. Sed quæ reverentia legum;  
 Quis metus, aut pudor est unquam properantis avari?  
 Vivite contenti casulis, et collibus istis,  
 O pueri, Marfus dicebat et Hernicus olim, 180  
 Vestinusque senex: panem quæramus aratro,  
 Qui satis est mensis: laudant hoc numina ruris,  
 Quorum ope et auxilio, gratæ post munus aristæ,  
 Contingunt homini veteris fastidia quercus.  
 Nil vetitum fecisse volet, quem non pudet alto 185  
 Per glaciem perone tegi, qui summovet euros  
 Pellibus inversis. Peregrina ignotaque nobis  
 Ad scelus atque nefas, quæcunque est, purpura ducit.  
 Hæc illi veteres præcepta minoribus: at nunc  
 Post finem autumnii media de nocte supinum 190  
 Clamofus juvenem pater excitat; accipe ceras,  
 Scribe puer, vigila, causas age, perlege rubras  
 Majorum leges, aut vitem posce libello.  
 Sed caput intactum buxo, naresque pilosas  
 Adnotet, et grandes miretur Lælius alas. 195

Dirue Maurorum attegias, castella Brigantum,  
 Ut locupletem aquilam tibi sexagesimus annus  
 Afferat: aut, longos castrorum ferre labores  
 Si piget, et trepidum solvunt tibi cornua ventrem  
 Cum lituis audita, pares quod vendere possis 200  
 Pluris dimidio, nec te fastidia mercis  
 Ullius subeant ablegandæ Tiberim ultra:  
 Neu credas ponendum aliquid discriminis inter  
 Unguenta et corium. Lucri bonus est odor ex re  
 Qualibet. Illa tuo sententia semper in ore 205  
 Versetur, Dîs atque ipso Jove digna, poëtæ.  
 Unde habeas quærit nemo; sed oportet habere.  
 Hoc monstrant vetulæ pueris poscentibus assẽm;  
 Hoc discunt omnes ante alpha et beta puellæ.  
 Talibus instantem monitis, quemcunque parentem  
 Sic possem affari: dic, ô vanissime, quis te 211  
 Festinare jubet? meliorem præsto magistro  
 Discipulum. Securus abi; vinceris, ut Ajax  
 Præteriit Telamonem, ut Pelea vicit Achilles.  
 Parcendum est teneris; nondum implevere medullas  
 Nativæ mala nequitia. Cum pectere barbam 216  
 Cœperit, et longi mucronem admittere cultri,  
 Falsus erit testis, vendet perjuriam summa  
 Exigua, et Cereris tangens aramque pedemque.  
 Elatam jam crede nurum, si limina vestra 220



Mortifera cum dote subit. Quibus illa premetur  
 Per fomnum digitis! nam, quæ terraque marique  
 Acquirenda putas, brevior via conferet illi.  
 Nullus enim magni sceleris labor. Hæc ego nunquam  
 Mandavi, dices olim, nec talia fuasi: 225  
 Mentis causâ malæ tamen est et origo penes te.  
 Nam quisquis magni census præcepit amorem,  
 Et lævo monitu pueros producit avaros,  
 Et qui per fraudes patrimonia conduplicare  
 Dat libertatem, et totas effundit habenas 230  
 Curriculo; quem si revoces, subsistere nescit,  
 Et te contempto rapitur, metisque relictis.  
 Nemo fatis credit tantum delinquere, quantum  
 Permittas: adeo indulgent sibi latius ipsi.  
 Cum dicis juveni stultum, qui donet amico, 235  
 Qui paupertatem levet attollatque propinqui;  
 Et spoliare doces, et circumscribere, et omni  
 Crimine divitias acquirere, quarum amor in te est,  
 Quantus erat patriæ Deciorum in pectore, quantum  
 Dilexit Thebas, si Græcia vera, Menœceus; 240  
 In quarum fulcis legiones dentibus anguis  
 Cum clypeis nascuntur, et horrida bella capefiunt  
 Continuo, tanquam et tubicen surrexerit una.  
 Ergo ignem, cujus scintillas ipse dedisti,  
 Flagentem late, et rapientem cuncta videbis:

Nec

Nec tibi parceretur misero, trepidumque magistrum  
 In cavea magno fremitu leo tollet alumnus.  
 Nota mathematicis genesis tua: sed grave tardas  
 Exspectare colos. Morieris, stamine nondum  
 Abrupto. Jam nunc obstas, et vota moraris;      250  
 Jam torquet juvenem longa et cervina senectus.  
 Ocyus Archigenem quære, atque eme quod Mithridates  
 Composuit, si vis aliam decerpere ficum,  
 Atque alias tractare rofas. Medicamen habendum est,  
 Sorbere ante cibum quod debeat et pater, et rex. 255  
 Monstro voluptatem egregiam, cui nulla theatra,  
 Nulla æquare queas prætoris pulpita lauti,  
 Si spectes quanto capitis discrimine consent  
 Incrementa domus, ærata multus in arca  
 Fiscus, et ad vigilem ponendi Castora nummi,      260  
 Ex quo Mars Ultor galeam quoque perdidit, et res  
 Non potuit servare suas. Ergo omnia Floræ,  
 Et Cereris licet, et Cybeles aulæa relinquo;  
 Tanto majores humana negotia ludi.  
 An magis oblectant animum jactata pettauro      265  
 Corpora, quique solent rectum descendere funem,  
 Quam tu, Corycia semper qui puppe moraris  
 Atque habitas, coro semper tollendus et austro,  
 Perditus, ac vilis facci mercator olentis;  
 Qui gaudes pingue antiquæ de littore Cretæ      270  
 Pas-

Passum, et municipes Jovis advexisse lagenas?  
 Hic tamen ancipiti figens vestigia planta  
 Victum illa mercede parat, brumamque, famemque  
 Illa recte cavet: tu propter mille talenta,  
 Et centum villas temerarius. Aspice portus, 275  
 Et plenum magnis trabibus mare: plus hominum est jam  
 In pelago. Veniet classis, quocunque vocarit  
 Spes lucri; nec Carpathium, Gætulaque tantum  
 Æquora transiliet: sed longe Calpe relicta,  
 Audiet Herculeo stridentem gurgite solem. 280  
 Grande operæ pretium est, ut tenso folle reverti  
 Inde domum possis, tumidaque superbus aluta  
 Oceani monstra, et juvenes vidisse marinos.  
 Non unus mentes agitat furor. Ille sororis  
 In manibus vultu Eumenidum terretur et igni; 285  
 Hic, bove percusso, mugire Agamemnona credit,  
 Aut Ithacum. Parcat tunicis licet atque lacernis,  
 Curatoris eget, qui navem mercibus implet  
 Ad summum latus, et tabula distinguitur unda;  
 Cum sit causa mali tanti et discriminis hujus, 290  
 Concisum argentum in titulos faciesque minutas.  
 Occurrunt nubes et fulgura; solvite funem,  
 Frumenti dominus clamat, piperisque coempti.  
 Nil color hic cœli, nil fascia nigra, minatur:  
 Æstivum tonat. Infelix, hac forsitan ipsa 295

Nocte cadet fractis trabibus, fluctuque premetur  
 Obrutus, et zonam læva morfuque tenebit.  
 Sed cujus votis modo non suffecerat aurum,  
 Quod Tagus et rutila volvit Pactolus arena,  
 Frigida sufficient velantes inguina panni, 300  
 Exiguusque cibus, mersa rate naufragus affem  
 Dum rogat, et picta se tempestate tuetur.  
 Tantis parta malis, cura majore metuque  
 Servantur. Misera est magni custodia census.  
 Dispositis prædives hamis vigilare cohortem 305  
 Servorum noctu Licinus jubet, attonitus pro  
 Electro, signisque suis, Phrygiaque columna,  
 Atque ebore, et lata testudine. Dolia nudi  
 Non ardent Cynici: si fregeris, altera fiet  
 Cras domus; aut eadem plumbo commissa manebit. 310  
 Censit Alexander, testa cum vidit in illa  
 Magnum habitatorem, quanto felicior hic qui  
 Nil cuperet, quam qui totum sibi posceret orbem,  
 Passurus gestis æquanda pericula rebus.  
 Nullum numen habes, si sit prudentia; sed te 315  
 Nos facimus, Fortuna, Deam. Mensura tamen quæ  
 Sufficiat census, si quis me consulat, edam:  
 In quantum sitis, atque fames, et frigora poscunt:  
 Quantum, Epicure, tibi parvis suffecit in hortis:  
 Quantum Socratici ceperunt ante penates. 320  
 Nunquam

Nunquam aliud natura, aliud sapientia, dicit.  
 Acribus exemplis videor te cludere : misce  
 Ergo aliquid nostris de moribus : effice summam  
 Bis septem ordinibus, quam lex dignatur Othonis.  
 Hæc quoque si rugam trahit, extenditque labellum; 325  
 Sume duos equites, fac tertia quadringenta.  
 Si nondum implevi gremium, si panditur ultra :  
 Nec Cræsi fortuna unquam, nec Persica regna  
 Sufficient animo, nec divitiæ Narcissi,  
 Indulfit Cæsar cui Claudius omnia, cujus 330  
 Paruit imperiis uxorem occidere jussus.

## SATYRA XV.

**Q**UIS nescit, Volusi Bithynice, qualia demens  
 Ægyptus portenta colat ? Crocodilon adorat.  
 Pars hæc : illa pavet faturam serpentibus Ibim.  
 Effigies sacri nitet aurea cercopithecii,  
 Dimidio magicæ resonant ubi Memnone chordæ, 5  
 Atque vetus Thebe centum jacet obruta portis.  
 Illic cœruleos, hic piscem fluminis, illic  
 Oppida tota canem venerantur, nemo Dianam.  
 Porrum et cepe nefas violare, ac frangere morsu.  
 O sanctas gentes, quibus hæc nascuntur in hortis 10  
 Numina ! lanatis animalibus abstinet omnis

Mensa. Nefas illic fœtum jugulare capellæ;  
 Carnibus humanis vesci licet. Attonito cum  
 Tale super cœnam facinus narraret Ulysses  
 Alcino, bilem aut risum fortasse quibusdam 15  
 Moverat, ut mendax aretalogus. In mare nemo  
 Hunc abicit, sæva dignum veraque Charybdi,  
 Fingentem immanes Læstrygonas atque Cyclopas?  
 Nam citius Scyllam, vel concurrentia faxa  
 Cyanes, plenos et tempestatibus utres 20  
 Crediderim, aut tenui percussum verbere Circes,  
 Et cum remigibus grunnisse Elpenora porcis.  
 Tam vacui capitis populum Phæaca putavit?  
 Sic aliquis merito nondum ebrius, et minimum qui  
 De Corcyræa temetum duxerat urna. 25  
 Solus enim hoc Ithacus nullo sub teste canebat.  
 Nos miranda quidem, sed nuper, consule Junio  
 Gesta, super calidæ referemus mœnia Copti;  
 Nos vulgi scelus et cunctis graviora cothurnis. 29  
 Nam scelus a Pyrrha, quanquam omnia firmata volvas,  
 Nullus apud Tragicos populus facit. Accipe nostro  
 Dira quod exemplum feritas produxerit ævo.  
 Inter finitimos vetus atque antiqua simultas,  
 Immortale odium, et nunquam sanabile vulnus  
 Ardet adhuc, Ombos et Tentyra. Summus utrinque 35  
 Inde furor vulgo, quod numina vicinorum

Odit uterque locus; cum solos credat habendos  
 Esse Deos, quos ipse colit. Sed tempore festo  
 Alterius populi rapienda occasio cunctis  
 Vifa inimicorum primoribus ac ducibus; ne 40  
 Lætum hilaremque diem, ne magnæ gaudia cœnæ  
 Sentirent, positis ad templa et compita mensis,  
 Pervigilique toro, quem nocte ac luce jacentem  
 Septimus interdum sol invenit. Horrida fane  
 Ægyptus: sed luxuria, quantum ipse notavi, 45  
 Barbara famoso non cedit turba Canopo.  
 Adde quod et facilis victoria de madidis et  
 Blæfis, atque mero titubantibus. Inde virorum  
 Saltatus nigro tibicine, qualiaçunque  
 Unguenta, et flores, multæque in fronte coronæ: 50  
 Hinc jejunum odium. Sed jurgia prima sonare  
 Incipiunt animis ardentibus: hæc tuba rixæ.  
 Dein clamore pari concurritur, et vice teli  
 Sævitur nuda manus: paucæ sine vulnere malæ:  
 Vix cuiquam aut nulli toto certamine nasus 55  
 Integer. Aspiceres jam cuncta per agmina vultus  
 Dimidios, alias facies, et hiantia ruptis  
 Ossa genis, plenos oculorum sanguine pugnos.  
 Ludere se credunt ipsi tamen, et pueriles  
 Exercere acies, quod nulla cadavera calcent, 60  
 Et fane quo tot rixantis millia turbæ,

Si vivunt omnes? ergo acrior impetus, et jam  
 Saxa inclinatis per humum quæsitâ lacertis  
 Incipiunt torquere, domestica feditione  
 Tela; nec hunc lapidem, quales et Turnus, et Ajax;  
 Vel quo Tydides percussit pondere coxam 66  
 Æneæ; sed quem valeant emittere dextræ  
 Illis dissimiles, et nostro tempore natæ:  
 Nam genus hoc vivo jam decrescebat Homero.  
 Terra malos homines nunc educat, atque pufillos. 70  
 Ergo Deus quicumque aspexit, ridet et odit.  
 A diverticulo repetatur fabula. Postquam  
 Subfidiis aucti, pars alterâ promere ferrum  
 Audet, et infestis pugnam instaurare sagittis.  
 Terga fugæ celeri præstantibus omnibus instant 75  
 Qui vicina colunt umbrosæ Tentyra palmæ.  
 Labitur hic quidam, nimia formidine cursum  
 Præcipitans, capiturque: ast illum in plurima sectum  
 Frustra ac particulas, ut multis mortuus unus  
 Sufficeret, totum corrosis ossibus edit 80  
 Victrix turba; nec ardenti decoxit ahenò,  
 Aut veribus: longum usque adeo, tardumque putavit  
 Expectare focos, contenta cadavere crudo.  
 Hinc gaudere libet, quod non violaverit ignem,  
 Quem summa cæli raptum de parte Prometheus 85  
 Donavit terris. Elemento gratulor, et te

Exultare



Exultare reor. Sed qui mordere cadaver  
 Suffinuit, nihil unquam hac carne libentius edit.  
 Nam scelere in tanto ne quæras, et dubites, an  
 Prima voluptatem gula senserit. Ultimus autem 90  
 Qui stetit, absumpto jam toto corpore, ductis  
 Per terram digitis, aliquid de sanguine gustat.  
 Vascones, ut fama est, alimentis talibus usi  
 Produxere animas: sed res diversa; sed illic  
 Fortunæ invidia est, bellorumque ultima, casus 95  
 Extremi, longæ dira obsidionis egestas.  
 Hujus enim, quod nunc agitur, miserabile debet  
 Exemplum esse cibi: sicut modo dicta mihi gens  
 Post omnes herbas, post cuncta animalia, quicquid  
 Cogebat vacui ventris furor, hostibus ipsis 100  
 Pallorem, ac maciem, et tenues miserantibus artus,  
 Membra aliena fame lacerabant, esse parati  
 Et sua. Quisnam hominum veniam dare, quisve Deorum,  
 Urbibus abnuerit dira atque immania passis;  
 Et quibus ipsorum poterant ignoscere manes, 105  
 Quorum corporibus vescebantur? melius nos  
 Zenonis præcepta monent: nec enim omnia, quædam,  
 Pro vita facienda putat. Sed Cantaber unde  
 Stoïcus, antiqui præsertim ætate Metelli?  
 Nunc totus Graias, nostrasque habet orbis Athenas, 110  
 Gallia caufidicos docuit facunda Britannos;

De conducendo loquitur jam rhetore Thule.  
 Nobilis ille tamen populus, quem diximus, et par  
 Virtute atque fide, sed major clade, Saguntus,  
 Tale quid excusat. Mæotide sævior ara 115  
 Ægyptus: quippe illa nefandi Taurica sacri  
 Inventrix homines, ut jam quæ carmina tradunt  
 Digna fide credas, tantum immolat: ulterius nil  
 Aut gravius cultro timet hostia. Quis modo casus  
 Impulit hos? quæ tanta fames, infestaque vallo 120  
 Arma coëgerunt tam detestabile monstrum  
 Audere? anne aliam, terra Memphitide sicca,  
 Invidiam facerent nolenti surgere Nilo?  
 Qua nec terribiles Cimbri, nec Britones unquam,  
 Sauromatæque truces, aut immanes Agathyrsi, 125  
 Hac sævit rabie imbelle et inutile vulgus,  
 Parvula fictilibus solitum dare vela phaselis,  
 Et brevibus pictæ remis incumbere testæ.  
 Nec pœnam sceleri invenies, nec digna parabis  
 Supplicia his populis, in quorum mente pares sunt 130  
 Et similes ira atque fames. Mollissima corda  
 Humano generi dare se natura fatetur,  
 Quæ lacrymas dedit: hæc nostri pars optima sensus.  
 Plorare ergo jubet causam lugentis amici,  
 Squalloremque rei, pupillum ad jura vocantem 135  
 Circumscriptorem, cujus manantia fletu

Ora

Ora puellares faciunt incerta capilli.  
 Naturæ imperio gemimus, cum funus adultæ  
 Virginis occurrit, vel terra clauditur infans,  
 Et minor igne rogi. Quis enim bonus, aut face dignus  
 Arcana, qualem Cereris vult esse sacerdos, 141  
 Ulla aliena sibi credat mala? separat hoc nos  
 A grege mutorum, atque ideo venerabile soli  
 Sortiti ingenium, divinorumque capaces,  
 Atque exercendis capiendisque artibus apti, 145  
 Sensum a cœlesti demissum traximus arce,  
 Cujus egent prona, et terram spectantia. Mundi  
 Principio indulsit communis conditor illis  
 Tantum animas, nobis animum quoque; mutuus ut nos  
 Affectus petere auxilium, et præstare juberet, 150  
 Dispersos trahere in populum, migrare vetusto  
 De nemore, et proavis habitatas linquere fylvas;  
 Ædificare domos, laribus conjungere nostris  
 Tectum aliud, tutos vicino limine somnos  
 Ut collata daret fiducia; protegere armis 155  
 Lapsum, aut ingenti nutantem vulnere, civem;  
 Communi dare signa tuba, defendier isdem  
 Turribus, atque una portarum clave teneri.  
 Sed jam serpentum major concordia: parcit  
 Cognatis maculis similis fera. Quando leoni 160  
 Fortior eripuit vitam leo? quo nemore unquam  
 Expiravit

Expiravit aper majoris dentibus apri?  
 Indica tigris agit rabida cum trigide pacem  
 Perpetuam: sævis inter se convenit urfis.  
 Ast homini ferrum lethale incude nefanda 165  
 Produxisse parum est, cum rastra et farcula tantum  
 Assueti coquere, et marris ac vomere lassii,  
 Nescierint primi gladios excudere fabri.  
 Aspiciamus populos, quorum non sufficit iræ  
 Occidisse aliquem; sed pectora, brachia, vultum 170  
 Crediderint genus esse cibi. Quid diceret ergo,  
 Vel quo non fugeret, si nunc hæc monstra videret  
 Pythagoras, cunctis animalibus abstinuit qui  
 Tanquam homine, et ventri indulsit non omne legumen?

## SATYRA XVI.

**Q**UIS numerare queat felicitis præmia, Galle,  
 Militiæ? nam si subeantur prospera castra,  
 Me pavidum excipiat tyronem porta secundo  
 Sidere: plus etenim fati valet hora benigni,  
 Quam si nos Veneris commendet epistola Marti, 5  
 Et Samia genetrix quæ delectatur arena.  
 Commoda tractemus primum communia, quorum  
 Haud minimum illud erit, ne te pulsare togatus  
 Audeat: immo et si pulsetur, diffimulet, nec  
 Audeat excuffos prætori ostendere dentes, 10  
 Et

Et nigram in facie tumidis livoribus offam,  
Atque oculos medico nil promittente relictos.

Bardiacus judex datur hæc punire volenti,  
Calceus, et grandes magna ad subsellia furæ,

Legibus antiquis castrorum et more Camilli

15

Servato, miles ne vallum litiget extra,

Et procul a signis. Justissima Centurionum  
Cognitio est igitur de milite; nec mihi deerit

Ultio, si justæ defertur causa querelæ.

Tota cohors tamen est inimica, omnesque manipuli 20

Consensu magno officiant. Curabitis, ut sit

Vindicta gravior quam injuria: dignum erit ergo

Declamatoris Mutinensis corde Vagelli,

Cum duo crura habeas, offendere tot caligas, tot

Millia clavorum. Quis tam procul absit ab urbe? 25

Præterea, quis tam Pylades, molem aggeris ultra

Ut veniat? lacrymæ siccentur protinus, et se

Excusaturos non sollicitemus amicos.

Da testem, judex cum dixerit: audeat ille,

Nescio quis, pugnos vidit qui, dicere, vidi;

30

Et credam dignum barba, dignumque capillis

Majorum. Citius falsum producere testem

Contra paganum possis, quam vera loquentem

Contra fortunam armati contraque pudorem.

Præmia nunc alia, atque alia emolumenta notemus 35

Sacra-

Sacramentorum. Convallem ruris aviti  
 Improbus, aut campum mihi si vicinus ademit,  
 Aut sacrum effodit medio de limite saxum,  
 Quod mea cum vetulo coluit puls annua libo,  
 Debitor aut sumptos perguit non reddere nummos, 40  
 Vana supervacui dicens chirographa ligni:  
 Exspectandus erit, qui lites inchoet, annus,  
 Totius populi; sed tunc quoque mille ferenda  
 Tædia, mille moræ; toties subfellia tantum  
 Sternuntur; jam facundo ponente lacernas 45  
 Cæditio, et Fusco jam micturiente, parati  
 Digredimur, lentaque fori pugnamus arena.  
 Ast illis, quos arma tegunt et balteus ambit,  
 Quod placitum est, illis præstatur tempus agendi,  
 Nec res atteritur longo sufflamine litis. 50  
 Solis præterea testandi militibus jus  
 Vivo patre datur: nam quæ sunt parta labore  
 Militiæ, placuit non esse in corpore census,  
 Omne tenet cujus regimen pater. Ergo Coranum  
 Signorum comitem, castrorumque æra merentem, 55  
 Quamvis jam tremulus captat pater. Hunc labor æquus  
 Provehit, et pulcro reddit sua dona labori.  
 Ipius certe ducis hoc referre videtur,  
 Ut qui fortis erit, sit felicissimus idem;  
 Ut læti phaleris omnes, et torquibus omnes. 60

A U L I  
P E R S I I F L A C C I  
S A T Y R Æ,

NOTIS ILLUSTRATÆ,  
TABULIS ÆNEIS ORNATÆ,  
ET ACCURATISSIME IMPRESSÆ.

*Aspice et hæc si forte aliquid decoctius audis.*

Sat. I.







XIII.



P.S.L.f.

## A. PERSIUS FLACCUS.

**H**UIC etiam tempori velut ostensum modo ingenium Persii Poetæ, addidit non exiguam gloriam: qui itidem extra urbem natus et educatus vix duodecimo demum anno illuc concessit; et in præclaras quidem alias amicitias insinuans, sed præcipue delatus in familiaritatem intimam Cornuti, huic viro doctissimo et Græcis deliciis refertissimo, ut hodieque ex libro supersitite judicari potest, agglutinator fuit. Inde quum contigisset, ut in Persio jungerentur poëtica et philosophia, dictu mirabile est, quanto opere utramque tum passim, tum maxime in paucis, quas reliquit satyris, otii sui bene positi pignoribus exserere potuerit, tum rem quamlibet optime complexus, verbis notabiliter adstrictus, ut paucis notaret plurima, et in eligendis sani omnino judicii, unde non pœnituit ipsum Isaacum Casaubonum tam copiose exspatiari ad omnia illa tria declaranda, sane cognitu non digna magis quam necessaria. Ipse interim in vitæ sanctitate lautas opes possidens, circa trigésimum ætatis annum raptus traditur. Et sic bene convenit hæc effigies, quasi lanuginem densari et crebrescere incipientem adhuc retinens. Sed quam difficile argumentum sibi ponit, qui tabulam marmoream vel faberrime sculptam reperiens utique sibi et aliis

liis persuadere Persium in ea conspici adspirat? Id tamen dicitur in animum induxisse eruditissimus Cardinalis Jacobus Sadoletus, scribente Fabro, eam olim fuisse illius, *qui persuasissimum sibi habebat hanc Persii esse effigiem*, Gallæo testante ab se edi hanc faciem depictam *apud Fulvium Ursinum in marmore*. Sic illi anno prioris sæculi XCIIIX. quum tamen Ursinus ipse anno LXX. allegatis eisdem vocibus de ejus forma, subnectat, *quæ eo libentius adjeci, quod imagini e marmore cum Persii nomen non sit adscriptum, ex iis potissimum Persii illam esse conjicere possumus*, sine ulla mentione Sadoleti. Hedera Satyricis poëtis ad coronam destinata, et hujus capillos alligans refutatur ab Persio, hederas sequaces ad imagines lambendas aliis remittente. Vultus vero immane quantum potest fallere! et mirum, cur istam virginalem fere verecundiam, formamque modestam ac pulchram non viderint in Alcibiade. Nihilominus iteretur sic quoque occasione hujus tabulæ laudatissimum istud nomen, et sic quoque, aliquid dicat, si nihil aliud, saltem, *O quantum est in rebus inane!* Gronov. Antiq. Tom. 3.

## A. P E R S I I F L A C C I

## V I T A.

**A**ULUS Persius Flaccus natus est Volaterris in Hetruria, Fab. Perfico, et L. Vitellio Cofs. circa vicesimum Imperii Tiberii Cæsaris annum, a Christo passio fere secundum, patre Flacco Equite Romano, quem sexennis amisit, matre Fulvia Siffennia, in quam pietate fuit insigni, quemadmodum et erga sorores; illud initio Satyræ sextæ fufius declaratur, ad v. 6. verba hæc, *mibi nunc Ligus ora intepet*. Cum annorum esset duodecim venit Romam, ubi Remmiam Palæmonem Grammaticum audivit, Rhetorem vero Virginium Flavium, aliis Flaccum. Annos natus sexdecim operam dedit Annæo Cornuto Stoicæ Philosophiæ antesignano, quem etiam mirifice coluit, ab ipso pariter amatus, ut patet ex Satyra quinta. Quin et ei legavit non mediocrem nummorum copiam, nimirum sestertia centum, aut sicut alii volunt, argenti facti pondo viginti, præter Bibliothecam suam, in qua numerant aliqui libros Chryssippi septingentos. At Cornutus hos quidem accepit, pecuniam autem reliquit Persii sororibus, quas hæredes ille fecerat. Obiit ex stomachi vitio, in ipso ætatis flore, anno scilicet vigesimo octavo, aut non multo secus, et imperii Neronis circiter octavo, quicquid alii dicant, ipseque Hieronym. quod egregie, ut omnia, Casaubonus observat. Fuisse revera Persium, ut Probus refert, verecundia vir-

L

ginali,

ginali, animo sincero, impense erudito, acri certe et vitiorum impatienti, et Lucilii et Horatii imitatore affiduam, probant satis ejus Satyræ doctrina refertæ et Stoam sapientes. De his porro id notandum, in antiquis membranis sine ulla distinctione aliquando reperiri, quasi liber esset unus et continuus, quod et agnoscunt Priscianus, Quintilianus, alique, dum non quidem Satyras Persii, sed librum appellant. In quibusdam tamen, Satyræ duntaxat quinque numerantur, quarta ad tertiam adjuncta. Scripserat juvenis, inquit, Prætextam fabulam, ὀδοιπορικῶν, librum unum, et alia quæpiam, ut aiunt veteres Glossæ: sed abolevit ea Fulvia mater, ex consilio Cornuti Præceptoris, qui etiam Satyras, antequam ederentur, recensuit.

Ceterum quanquam videtur Persius noluisse intelligi atque adeo debere negligi, ut aiebat D. Ambrosius, at quod ait magnus Scaliger, jam a nobis intelligitur, neque proinde negligendus a quocumque. Ecce enim ita laudatus fuisset a summis viris ille, si nec legi dignus esset? Testes sint Euseb. D. Hieron. S. August. Lactant. Quintilian. et alii prope innumeri; ex Poetis autem Lucanus qui pariter, ut Persius, Cornuti auditor fuit, ejus autem Poemata nunquam sine admiratione et præconiis recitari audiebat, ut affirmat vetus interpres, quin exclamaret, hæc vera esse Poemata. Martialis autem posteritati consignavit Persii memoriam his versibus:

*Sæpius in libro memoratur Persius uno,  
Quam levis in tota Marsus Amazonide.*

A U L I  
P E R S I I F L A C C I  
S A T Y R Æ S E X.

---

P R O L O G U S.

**N**EC fonte labra prolui caballino :  
 Nec in bicipiti somniasse Parnasso  
 Memini, ut repente sic Poëta prodirem.  
 Heliconiadasque, pallidamque Pirenen  
 Illis remitto, quorum imagines lambunt 5  
 Hederæ sequaces. Ipse semipaganus  
 Ad sacra vaturn carmen affero nostrum.  
 Quis expedit vitæ suam XAIPE,  
 Picasque docuit nostra verba conari?  
 Magister artis ingenique largitor 10  
 Venter, negatas artifex sequi voces.  
 Quod si dolosi spes refulserit nummi,  
 Corvos poëtas et poëtrias picas  
 Cantare credas Pegaseum melos.


## S A T Y R A I.

**O** Curas hominum! ô quantum est in rebus inane!  
 Quis leget hæc? min' tu istud ais? nemo hercule.  
 Nemo?

Vel duo, vel nemo. Turpe, et miserabile. quare?  
 Ne mihi Polydamas, et Troïades Labeonem  
 Prætulerint. Nugæ. Non, si quid turbida Roma 5  
 Elevet, accedas: examenve improbum in illa  
 Castiges trutina: nec te quæsieris extra.  
 Nam Romæ quis non? ah, si fas dicere! sed fas  
 Tunc cum ad canitiem nostrum istud vivere triste  
 Aspexi, et nucibus facinus quæcumque relictis 10  
 Cum sapimus patruos, tunc, tunc ignoscite. Nolo.  
 Quid faciam? sed sum petulanti splene cachinno.  
 Scribimus inclusi, numeros ille, hic pede liber,  
 Grande aliquid, quod pulmo animæ prælargus anhelet.  
 Scilicet hæc populo, pexusque, togaque recenti, 15  
 Et natalitia tandem cum sardoniche albus,  
 Sede leges celsa, liquido cum plasmate guttur  
 Mobile collueris, patranti fractus oculo.  
 Hic neque more probo videas, neque voce serena  
 Ingentes trepidare Titos, cum carmina lumbum 20  
 Intran, et tremulo scalpuntur ubi intima versu.  
 Tun', vetule, auriculis alienis colligis escas?

Auriculis,







Auriculis, quibus et dicas cute perditus, ohe!  
 Quo didicisse, nisi hoc fermentum, et quæ semel intus  
 Innata est, rupto jecore exierit caprificus? 25  
 En pallor, seniumque! o mores! usque adeone  
 Scire tuum nihil est, nisi te scire hoc sciat alter?  
 At pulcrum est digito monstrari, et diciet hic est.  
 Ten' cirratorum centum dictata fuisse,  
 Pro nihilo pendas? ecce inter pocula quærunt 30  
 Romulidæ saturi, quid dia poemata narrent.  
 Hic aliquis, cui circum humeros hyacinthina læna est,  
 Rancidulum quiddam balba de nare locutus;  
 Phylidas, Hypsipylas, vatum et plorabile si quid,  
 Eliquat, et tenero supplantat verba palato. 35  
 Assensere viri: nunc non cinis ille poetæ  
 Felix? non levior cippus nunc imprimit ossa?  
 Laudant convivæ: nunc non e manibus illis,  
 Nunc non e tumulo fortunataque favilla  
 Nascentur violæ? rides, ait, et nimis uncis 40  
 Naribus indulges. An erit, qui velle recuset  
 Os populi meruisse: et cedro digna locutus,  
 Linquere nec scombros metuentia carmina nec thus?  
 Quisquis es ô, modo quem ex adverso dicere feci,  
 Non ego, cum scribo, si forte quid aptius exit, 45  
 Quando hæc rara avis est, si quid tamen aptius exit,  
 Laudari metuam: neque enim mihi cornea fibra est.

Sed recti finemque extremumque esse recuso  
 Euge tuum, et belle: nam belle hoc excute totum,  
 Quid non intus habet? non hic est Ilias Acci .50  
 Ebria veratro: non, si qua elegidia crudi  
 Dictarunt proceres; non quicquid denique lectis  
 Scribitur in citreis. Calidum scis ponere fumen:  
 Scis comitem horridulum trita donare lacerna:  
 Et verum, inquis, amo; verum mihi dicite de me. 55  
 Qui pote? vis dicam? nugaris, cum tibi, calve,  
 Pinguis aqualiculus propenso sesquipede extet.  
 O Jane, a tergo quem nulla ciconia pinxit,  
 Nec manus auriculas imitata est mobilis albas;  
 Nec linguæ, quantum fitiat canis Appula, tantum. 60  
 Vos ô patricius sanguis, quos vivere fas est  
 Occipiti cæco, posticæ occurrere fannæ.  
 Quis populi fermo est? quis enim, nisi carmina molli  
 Nunc demum numero fluere, ut per leve severos  
 Effundat junctura unguis? scit tendere versum 65  
 Non fecus, ac si oculo rubricam dirigat uno:  
 Sive opus in mores, in luxum, et prandia regum,  
 Dicere, res grandes nostro dat musa poetæ.  
 Ecce modo heroas sensus afferre videmus  
 Nugari solitos Græce, nec ponere lucum 70  
 Artifices, nec rus faturum laudare, ubi corbes,  
 Et focus, et porci, et fumosa Palilia fœno:

Unde

Unde Remus, fulcoque terens dentalia, *Quinti*,  
 Cum trepida ante boves Dictatorem induit uxor,  
 Et tua aratra domum licitor tulit. Euge poëta; 75  
 Est nunc, Brisei quem venosus liber Acci,  
 Sunt, quos Pacuviusque, et verrucosa moretur  
 Antiopa, ærumnis cor luctificabile fulta.  
 Hos pueris monitus patres infundere lippos  
 Cum videas, quærifne, unde hæc sartago loquendi 80  
 Venerit in linguas? unde istud dedecus, in quo  
 Troffulus exultat tibi per subsellia levis?  
 Nilne pudet capiti non posse pericula cano  
 Pellere, quin tepidum hoc optes audire, decenter?  
 Fur es, ait Pedio. Pedius quid? crimina rasis 85  
 Librat in antithetis: doctus posuisse figuras  
 Laudatur. Bellum hoc: hoc bellum? an Romule ceves?  
 Men' moveat? quippe et cantet si naufragus, affem  
 Protulerim? cantas, cum fracta te in trabe pictum  
 Ex humero portes? verum, nec nocte paratum, 90  
 Plorabit, qui me volet incurvasse querela.  
 Sed numeris decor est, et junctura addita crudis.  
 Claudere sic versum didicit; Berecynthus Atyis,  
 Et qui cæruleum dirimebat Nerea delphin.  
 Sic costam longo subduximus Appennino. 95  
 Arma virum: nonne hoc spumofum, et cortice pingui?  
 Ut ramale vetus prægrandi subere coctum,

Quidnam igitur tenerum, et laxa cervice legendum?  
 Torva Mimalloneis implerunt cornua bombis,  
 Et raptum vitulo caput ablatura superbo 100  
 Bassaris, et lyncem Mænas flexura corymbis,  
 Evion ingeminat: reparabilis adsonat echo.  
 Hæc fierent, si testiculi vena ulla paterni  
 Viveret in nobis? summa delumbe saliva  
 Hoc natat in labris; et in udo est Mænas, et Atys: 105  
 Nec pluteum cædit, nec demorfos sapit ungues.  
 Sed quid opus teneras mordaci radere vero  
 Auriculas? vide sis, ne majorum tibi forte  
 Limina frigescant; sonat hic de nare canina  
 Litera. Per me equidem sint omnia protinus alba. 110  
 Nil moror: euge, omnes, omnes, bene miræ eritis res.  
 Hoc juvat: hic, inquis, veto quisquam faxit oletum,  
 Pinge duos angues: pueri, facer est locus, extra  
 Mejite. Discedo. Secuit Lucilius urbem,  
 Te Lupe, te Muti, et genuinum fregit in illis. 115  
 Omne vafer vitium ridenti Flaccus amico  
 Tangit; et admissus circum præcordia ludit,  
 Callidus excusso populum suspendere naso.  
 Men' mutire nefas, nec clam, nec cum scrobe, nusquam?  
 Hic tamen infodiam: vidi, vidi ipse, libelle: 120  
 Auriculas afini quis non habet? hoc ego opertum,  
 Hoc ridere meum tam nil, nulla tibi vendo

Iliade. Audaci quicumque afflate Cratino,  
 Iratum Eupolidem prægrandi cum sene palles,  
 Aspice et hæc, si forte aliquid decoctius audis : 125  
 Inde vaporata lector mihi ferveat aure.  
 Non hic, qui in crepidas Graiorum ludere gestit,  
 Sordidus ; et lusco qui possit dicere, lusce ;  
 Sese aliquem credens, Italo quod honore supinus,  
 Fregerit heminas Aretî Ædilis iniquas : 130  
 Nec qui abaco numeros, et secto in pulvere metas  
 Scit risisse vafer, multum gaudere paratus,  
 Si Cynico barbam petulans Nonaria vellat.  
 His mane edictum, post prandia Callirhoën do.

## SATYRA II.

**H**UNC, Macrine, diem numeram meliore lapillo,  
 Qui tibi labentes apponit candidus annos.  
 Funde merum genio : non tu prece poscis emaci,  
 Quæ nisi seductis nequeas committere Divis.  
 At bona pars procerum tacita libabit acerra. 5  
 Haud cuivis promptum est, murmurque humilefque  
 Tollere de templis, et aperto vivere voto. [sufurros  
 Mens bona, fama, fides, hæc clare, et ut audiat hospes ;  
 Illa sibi introrsum, et sub lingua immurmurat : ô si  
 Ebullit patru præclarum funus ! et ô si 10  
 Sub

Sub raſtro crepet argenti mihi feria, dextro  
 Hercule! pupillumve utinam, quem proximus hæres  
 Impello, expungam! namque eſt ſcabioſus, et acri  
 Bile tumet. Nerio jam tertia ducitur uxor:  
 Hæc ſancte ut poſcas, Tyberino in gurgite mergis 15  
 Mane caput bis terve, et noctem flumine purgas.  
 Heus, age reſponde: minimum eſt quod ſcire laboro.  
 De Jove quid ſentis? eſtne, ut præponere cures  
 Hunc cuiquam? cuinam? vis Staio? an ſcilicet hæres,  
 Quis potior iudex, pueriſve quis aptior orbis? 20  
 Hoc igitur, quo tu Jovis aurem impellere tentas,  
 Dic agetum Staio. Proh Jupiter! ô bone, clamet,  
 Jupiter! at ſeſe non clamet Jupiter ipſe?  
 Ignoviſſe putas, quia cum tonat, ocyus ilex  
 Sulphure diſcutitur ſacro, quam tuque domuſque? 25  
 An quia non, fibris ovium Ergennaque jubente,  
 Trifte jaces lucis, evitandumque bidental,  
 Idcirco ſtolidam præbet tibi vellere barbam  
 Jupiter? aut quidnam eſt, qua tu mercede Deorum  
 Emeris auriculas? pulmone, et lactibus unctis? 30  
 Ecce avia, aut metuens Divum matertera, cunis  
 Exemit puerum, frontemque atque uda labella  
 Infami digito, et luſtralibus ante ſalivis  
 Expiat, urentes oculos inſhibere perita.  
 Tunc manibus quatit, et ſpem macram ſupplice voto, 35  
 Nunc



Nunc Licini in campos, nunc Craffi mittit in ædes.  
 Hunc optent generum rex et regina: puellæ  
 Hunc rapiant: quicquid calcaverit hic, rosa fiat.  
 Ast ego nutrici non mando vota; negato  
 Jupiter hæc illi, quamvis te albata rogarit. 40  
 Pocis opem nervis, corpusque fidele senectæ:  
 Esto, age: sed grandes patinæ, tucetaque crassa  
 Annuere his superos vetuere, Jovemque morantur.  
 Rem fruere exoptas cæso bove, Mercuriumque  
 Arceffis fibra. Da fortunare penates, 45  
 Da pecus, et gregibus fœtum. Quo, pessime, pacto,  
 Tot tibi cum in flammis junicum omenta liquecant?  
 Attamen hic extis et opimo vincere farto  
 Intendit. Jam crescit ager, jam crescit ovile,  
 Jam dabitur, jam jam; donec deceptus, et exspes 50  
 Nequicquam fundo suspiret nummus in imo.  
 Si tibi crateras argenti, incusaque pingui  
 Auro dona feram, fudes, et pectore lævo  
 Excutias guttas, lætari prætrepidum cor;  
 Hinc illud subiit, auro sacras quod ovato 55  
 Perducis facies: nam fratres inter ahenos,  
 Somnia pituita qui purgatissima mittunt,  
 Præcipui sunt, sitque illis aurea barba.  
 Aurum vasa Numæ, Saturniaque impulit æra,  
 Vestalesque urnas, et Thuscum fictile mutat. 60

O curvæ in terras animæ, et cœlestium inanes!  
 Quid juvat hoc, templis nostros immittere mores,  
 Et bona Dîs ex hac scelerata ducere pulpa?  
 Hæc sibi corrupto casiam dissolvit olivo;  
 Hæc Calabrum coxit vitiato murice vellus;                   65  
 Hæc baccam conchæ rasisse, et stringere venas  
 Ferventis massæ crudo de pulvere, jussit.  
 Peccat et hæc, peccat; vitio tamen utitur. At vos,  
 Dicite pontifices, in sacris quid facit aurum?  
 Nempe hoc, quod Veneri donatæ a virgine puppæ. 70  
 Quin damus id superis, de magna quod dare læcæ  
 Non possit magni Messalæ lippa propago;  
 Compositum jus, fasque animi, sanctosque recessus  
 Mentis, et incoctum generoso pectus honesto?  
 Hæc cedo ut admoveam templis, et farre litabo.           75

## SATYRA III.

**N**EMPE hoc assidue? jam clarum mane fenestras  
 Intrat, et angustas extendit lumine rimas.  
 Stertimus, indomitum quod despumare Falernum  
 Sufficiat, quinta dum linea tangitur umbra.  
 En quid agis? ficas insana canicula messes                   5  
 Jamdudum coquit, et patula pecus omne sub ulmo est,  
 Unus ait comitum. Verumne? itane? ocyus adsit

Huc

Huc aliquis. nemon' turgescit vitrea bilis :  
 Finditur : Arcadiæ pecuaria rudere credas.  
 Jam liber, et bicolor positis membrana capillis, 10  
 Inque manus chartæ, nodosæque venit arundo.  
 Tum queritur, crassus calamo quod pendeat humor ;  
 Nigra quod infusa vanescat sepia lympha ;  
 Dilutas queritur geminet quod fistula guttas.  
 O miser ! inque dies ultra miser ! huccine rerum 15  
 Venimus ? at cur non potius, teneroque columbo  
 Et similis regum pueris, pappare minutum  
 Poscis, et iratus mammæ lallare recusas ?  
 An tali studeam calamo ? cui verba ? quid istas  
 Succinis ambages ? tibi luditur. Effluis amens ; 20  
 Contemnere. Sonat vitium percussa, maligne  
 Respondet, viridi non cocta fidelia limo.  
 Udum et mollelutum es ; nunc nunc properandus, et acri  
 Fingendus sine fine rota. Sed rure paterno  
 Est tibi far modicum, purum et sine labe salinum. 25  
 Quid metuas ? cultrixque foci secura patella est.  
 Hoc satis ? an deceat pulmonem rumpere ventis,  
 Stemmata quod Thufco ramum millesime ducis ;  
 Censoremve tuum vel quod trabeate salutas ?  
 Ad populum phaleras : ego te intus et in cute novi. 30  
 Non pudet ad morem discincti vivere Nattæ ?  
 Sed stupet hic vitio, et fibris increvit opimum  
 Pingue ;

Pingue ; caret culpa ; nescit quid perdat, et alto  
 Demersus, summa rursus non bullit in unda.  
 Magne pater divûm sævos punire tyrannos 35  
 Haud alia ratione velis, cum dira libido  
 Moverit ingenium, ferventi tincta veneno :  
 Virtutem videant, intabescantque relicta.  
 Anne magis Siculi gemuerunt æra juveni ?  
 Aut magis auratis pendens laquearibus ensis 40  
 Purpureas subter cervices terruit ; imus,  
 Imus præcipites, quam si sibi dicat, et intus  
 Palleat infelix, quod proxima nesciat uxor ?  
 Sæpe oculos, memini, tangebam parvus olivo,  
 Grandia si nollem morituri verba Catonis 45  
 Discere, ab infano multum laudanda magistro,  
 Quæ pater adductis sudans audiret amicis.  
 Jure etenim id summum, quid dexter senio ferret,  
 Scire erat in votis, damnosa canicula quantum  
 Raderet, angustæ collo non fallier orcæ ; 50  
 Neu quis callidior buxum torquere flagello.  
 Haud tibi inexpertum curvos deprendere mores,  
 Quæque docet sapiens braccatis illita Medis  
 Porticus, insomnis quibus et detonsa juvenus  
 Invigilat, filiquis et grandi pasta polenta. 55  
 Et tibi quæ Samios diduxit litera ramos,  
 Surgentem dextro monstravit limite callem.

Stertis

Stertis adhuc ? laxumque caput, compage soluta,  
 Oscitat hesternum, distutis undique malis ?  
 Est aliquid quo tendis, et in quod dirigis arcum ? 60  
 An passim sequeris corvos testaque lutoque,  
 Securus quo pes ferat, atque ex tempore vivis ?  
 Helleborum frustra, cum jam cutis ægra tumebit,  
 Poscentes videas. Venienti occurrite morbo :  
 Et quid opus Cratero magnos promittere montes ? 65  
 Discite, ô miseri, et causas cognoscite rerum,  
 Quid sumus, et quidnam victuri gignimur ; ordo  
 Quis datus ; aut metæ qua mollis flexus, et unde ;  
 Quis modus argento ; quid fas optare ; quid asper  
 Utile nummus habet ; patriæ, charisque propinquis 70  
 Quantum elargiri deceat ; quem te Deus esse  
 Jussit, et humana qua parte locatus es in re  
 Disce ; neque invidias, quod multa fidelia putet  
 In locuplete penu, defensis pinguibus Umbris ;  
 Et piper, et pernae, Marfi monumenta clientis, 75  
 Mœnaque, quod prima nondum defecerit orca.  
 Hic aliquis de gente hircosa centurionum  
 Dicat : quod fatis est, sapio mihi ; non ego curo  
 Esse quod Arcefilas, ærumnosique Solones,  
 Obstipo capite, et figentes lumine terram, 80  
 Murmura cum secum et rabiosa silentia rodunt,  
 Atque exporrecto trutinantur verba labello,

Ægroti veteris meditantés fomnía : gigni  
 De nihilo nihil, in nihilum nil posse reverti.  
 Hoc est quod palles? cur quis non prandeat, hoc est? 85  
 His populus ridet; multumque torosa juvenus  
 Ingeminat tremulos naso crispante cachinnos.  
 Inspice; nescio quid trepidat mihi pectus, et agris  
 Faucibus exspirat gravis halitus; inspice fodes,  
 Qui dicit medico, jussus requiescere, postquam 90  
 Tertia compositas vidit nox currere venas,  
 De majore domo modicum fitiente lagena,  
 Lenia loturo sibi Surrentina rogavit.  
 Heus bone, tu palles. Nihil est. Videas tamen istud,  
 Quicquid id est: furgit tacite tibi lutea pellis. 95  
 At tu deterius palles: ne sis mihi tutor:  
 Jampridem hunc sepeli: tu restas. Perge, tacebo.  
 Turgidus hic epulis, atque albo ventre lavatur,  
 Gutturè sulfureas lente exhalante Mephites.  
 Sed tremor inter vina subit, calidumque trientem 100  
 Excutit e manibus: dentes crepuere resecti:  
 Uncta cadunt laxis tunc pulmentaria labris.  
 Hinc tuba, candelæ: tandemque beatulus alto  
 Compositus lecto, crassisque lutatus amomis,  
 In portam rigidos calces extendit: at illum 105  
 Hesterni capite induto subiere Quirites.  
 Tange miser, venas, et pone in pectore dextram:  
 Nil

Nil calet hic: summosque pedes attinge, manusque,  
 Non frigent. Visa est si forte pecunia, sive  
 Candida vicini subrisit molle puella, 110  
 Cor tibi rite falit? positum est argente catino  
 Durum olus, et populi cribro decussa farina.  
 Tentemus fauces: tenero latet ulcus in ore  
 Putre, quod haud deceat plebeia radere beta.  
 Alges, cum excussit membris timor albus aristas: 115  
 Nunc face supposita fervescit sanguis, et ira  
 Scintillant oculi: dicis que facis que, quod ipse  
 Non fani esse hominis, non fanus juret Orestes.

## S A T Y R A IV.

**R**EM populi tractas? (barbatum hoc crede magist-  
 Dicere, forbitio tollit quem dira cicutæ.) [rum  
 Quo fretus? dic hoc, magni pupille Pericli.  
 Scilicet ingenium, et rerum prudentia velox,  
 Ante pilos venit; dicenda tacendaque calles. 5  
 Ergo ubi commota fervet plebecula bile,  
 Fert animus calidæ fecisse silentia turbæ  
 Majestate manus. Quid deinde loquere? Quirites,  
 Hoc, puto, non justum est; illud male; rectius istud.  
 Scis etenim justum gemina suspendere lance 10  
 Ancipitis libræ: rectum discernis, ubi inter



M

Curva

Curva subit, vel cum fallit pede regula varo;  
 Et potis es nigrum vitio præfigere theta.  
 Quin tu igitur, summa nequicquam pelle decorus,  
 Ante diem blando caudam jactare popello 15  
 Definis, Anticyras melior sorbere meracas?  
 Quæ tibi summa boni est? uncta vixisse patella  
 Semper, et assiduo curata cuticula sole.  
 Exspecta; haud aliud respondeat hæc anus. I nunc;  
 Dinomaches ego sum, suffla, sum candidus. Esto; 20  
 Dum ne deterius sapiat pannucia Baucis,  
 Cum bene discincto cantaverit ocyma vernæ.  
 Ut nemo in sese tentat descendere! nemo!  
 Sed præcedenti spectatur mantica tergo.  
 Quæsieris; nostin' Vectidî prædia? cujus? 25  
 Dives arat Curibus, quantum non milvus oberret.  
 Hunc, ais? hunc Dîs iratis, genioque sinistro,  
 Qui quandoque jugum pertusa ad compita figit,  
 Seriolæ veteris metuens deradere limum,  
 Ingemit, hoc bene sit: tunicatum cum sale mordens 30  
 Cape, et farratam pueris plaudentibus ollam,  
 Pannosam facem morientis sorbet aceti.  
 At si unctus cesses, et figas in cute solem,  
 Est prope te ignotus, cubito qui tangat, et acre  
 Despuat in mores; penemque arcanaque lumbi 35  
 Runcantem, populo marcentes pandere vulvas.







Tu cum maxillis balanatum gauſape peſtas,  
 Inguinibus quare detonſus gurgulio exiſtat ?  
 Quinque palæſtritiæ licet hæc plantaria vellant,  
 Elixasque nates labefaſcent forcipe adunca, 40  
 Non tamen iſta filix ullo manſueſcit aratro.  
 Cædimus, inque vicem præbemus crura ſagittis.  
 Vivitur hoc pacto : ſic novimus. Ilia ſubter  
 Cæcum vulnus habes ; ſed lato balteus auro  
 Protegit : ut mavis, da verba, et decipe nervos, 45  
 Si potes. Egregium cum me vicina dicat,  
 Non credam ? viſo ſi palles, improbe, nummo ;  
 Si facis, in penem quicquid tibi venit amarum ;  
 Si puteal multa cautus vibice flagellas,  
 Nequicquam populo bibulas donaveris aures. 50  
 Reſpue quod non es ; tollat ſua munera cerdo ;  
 Tecum habita ; et noris quam ſit tibi curta ſupellex.

## S A T Y R A V.

**V**ATIBUS hic mos eſt, centum ſibi poſcere voces,  
 Centum ora, et linguas optare in carmina centum ;  
 Fabula ſeu mœſto ponatur hianda tragædo ;  
 Vulnere ſeu Parthi ducentis ab inguine ferrum.  
 Quorſum hæc ? aut quantas robuſti carminis offas 5  
 Ingeris, ut par ſit centeno gutture niti ?

Grande locuturi nebulas Helicone legunto:

Si quibus aut Procnes, aut si quibus olla Thyestæ  
Fervebit, sæpe infulso cœnanda Glyconi.

Tu neque anhelanti, coquitur dum massa camino, 10

Folle premis ventos; nec clauso murmure raucus

Nescio quid tecum grave cornicaris inepte;

Nec stloppo tumidas intendis rumpere buccas.

Verba togæ sequeris, junctura callidus acri,

Ore teres modico, pallentes radere mores 15

Doctus, et ingenuo culpam defigere ludo.

Hinc trahe quæ dicas: mensasque relinque Mycenis

Cum capite et pedibus; plebeiaque prandia noris.

Non equidem hoc studeo, bullatis ut mihi nugis

Pagina turgescat, dare pondus idonea fumo. 20

Secreti loquimur: tibi nunc, hortante Camœna,

Excutienda damus præcordia; quantaque nostræ

Pars tua sit, Cornute, animæ, tibi dulcis amice,

Ostendisse juvat. Pulsa, dignoscere cautus

Quid solidum crepet, et pictæ tectoria lingua. 25

His ego centenas ausim deposcere voces,

Ut, quantum mihi te sinuoso in pectore fixi,

Voce traham pura; totumque hoc verba resignent,

Quod latet arcana non enarrabile fibra.

Cum primum pavido custos mihi purpura cessit, 30

Bullaque fuccinctis laribus donata pependit;

Cum

Cum blandi comites, totaque impune Subura  
 Permissit sparsisse oculos jam candidus umbo :  
 Cumque iter ambiguum est, et vitæ nescius error  
 Diducit trepidas ramosa in compita mentes, 35  
 Me tibi supposui : teneros tu suscipis annos  
 Socratico, Cornute, sinu : tunc fallere solers  
 Apposita intortos extendit regula mores ;  
 Et premitur ratione animus, vincique laborat,  
 Artificemque tuo ducit sub pollice vultum. 40  
 Tecum etenim longos memini consumere soles,  
 Et tecum primas epulis decerpere noctes.  
 Unum opus et requiem pariter disponimus ambo,  
 Atque verecunda laxamus feria mensa.  
 Non equidem hoc dubites, amborum fœdere certo 45  
 Consentire dies, et ab uno fidere duci :  
 Nostra vel æquali suspendit tempora Libra  
 Parca tenax veri, seu nata fidelibus hora  
 Dividit in Geminos concordia fata duorum :  
 Saturnumque gravem nostro Jove frangimus una. 50  
 Nescio quod, certe est, quod me tibi temperat, astrum.  
 Mille hominum species, et rerum discolor usus :  
 Velle suum cuique est, nec voto vivitur uno.  
 Mercibus hic Italis mutat sub sole recenti  
 Rugosum piper, et pallentis grana cumini : 55  
 Hic satur irriguo mavult turgescere somno ;

Hic campo indulget: hunc alea decoquit: ille  
 In Venerem est putris; sed cum lapidosa chiragra  
 Fregerit articulos veteris ramalia fagi,  
 Tum crassos transiſſe dies, lucemque palustrem, 60  
 Et sibi jam feri vitam ingemuere relictam.  
 At te nocturnis iuvat impalleſcere chartis;  
 Cultor enim juvenum, purgatas inferis aures  
 Fruge Cleanthea. Petite hinc, juvenesque, fenefque,  
 Finem animo certum, miſerifque viatica canis. 65  
 Cras hoc fiet. Idem cras fiet. Quid? quaſi magnum,  
 Nempe diem, donas? ſed cum lux altera venit,  
 Jam cras heſternum conſumpſimus. Ecce aliud cras  
 Egerit hos annos, et ſemper paulum erit ultra.  
 Nam quamvis prope te, quamvis temone ſub uno, 70  
 Vertentem ſeſe fruſtra ſectabere canthum,  
 Cum rota poſterior curras, et in axe ſecundo.  
 Libertate opus eſt; non hac qua quiſque Velina  
 Publius emeruit, ſcabioſum teſſerula far  
 Poſſidet. Heu ſteriles veri, quibus una Quiritem 75  
 Vertigo facit! hic Dama eſt, non treſſis agaſo,  
 Vappa, et lippus, et in tenui farragine mendax.  
 Verterit hunc dominus, momento turbinis exit  
 Marcus Dama. Papæ! Marco ſpondente, recuſas  
 Credere tu nummos? Marco ſub iudice palles? 80  
 Marcus dixit; ita eſt: aſſigna, Marce, tabellas.

Hæc

Hæc mera libertas, hanc nobis pilea donant.  
 An quisquam est alius liber, nisi ducere vitam  
 Cui licet, ut voluit? licet ut volo vivere: non sum  
 Liberior Bruto? mendose colligis, inquit 85  
 Stoïcus hic, aurem mordaci lotus aceto.  
 Hæc reliqua accipio; licet illud, et, ut volo, tolle.  
 Vindicta postquam meus a prætore recessi,  
 Cur mihi non liceat, jussit quodcunque voluntas,  
 Excepto siquid Masuri rubrica vetavit? 90  
 Disce; sed ira cadat naso, rugosaque fanna,  
 Dum veteres avias tibi de pulmone revello.  
 Non prætoris erat stultis dare tenuia rerum  
 Officia, atque usum rapidæ permittere vitæ.  
 Sambucam citius caloni aptaveris alto. 95  
 Stat contra ratio, et secretam garrit in aurem,  
 Ne liceat facere id, quod quis vitiabit agendo.  
 Publica lex hominum naturaque continet hoc fas,  
 Ut teneat vetitos inscitia debilis actus.  
 Diluis helleborum, certo compescere puncto 100  
 Nescius examen; vetat hoc natura medendi.  
 Navim si poscat sibi peronatus arator  
 Luciferi rudis, exclamet Melicerta, perisse  
 Frontem de rebus. Tibi recto vivere talo  
 Ars dedit? et veri speciem dignoscere calles, 105  
 Ne qua subærato mendosum tinniat auro?

Quæque sequenda forent, et quæ vitanda vicissim;  
 Illa prius creta, mox hæc carbone, notasti?  
 Es modicus voti, presso lare, dulcis amicis?  
 Jam nunc adstringas, jam nunc granaria laxes, 110  
 Inque luto fixum possis transcendere nummum;  
 Nec glutto forbere salivam Mercurialem?  
 Hæc mea sunt, teneo, cum vere dixeris; esto  
 Liberque ac sapiens, prætoribus ac Jove dextro.  
 Sin tu, cum fueris nostræ paulo ante farinae, 115  
 Pelliculam veterem retines, et fronte politus  
 Astutam vapido servas sub pectore vulpem;  
 Quæ dederam supra, repeto, funemque reduco.  
 Nil tibi concessit ratio: digitum exere, peccas.  
 Et quid tam parvum est? sed nullo thure litabis, 120  
 Hæreat in stultis brevis ut semuncia recti.  
 Hæc miscere nefas; nec cum sis cætera fossor,  
 Tres tantum ad numeros satyri moveare Bathylli.  
 Liber ego. Unde datum hoc fumis, tot subdite rebus?  
 An dominum ignoras, nisi quem vindicta relaxat? 125  
 I puer, et strigiles Crispini ad balnea defer.  
 Si increpuit, cessas, nugator? servitium acre  
 Te nihil impellit? nec quicquam extrinsecus intrat,  
 Quod nervos agitet? sed si intus et in jecore ægro  
 Nascuntur domini, quæ tu impunitior exis, 130  
 Atque hic, quem ad strigiles scutica et metus egit herilis?  
 Mane,



Mane, piger, stertis : ferge, inquit avaritia; eja.  
 Surge. Negas. Instat, ferge, inquit. Non queo. Surge.  
 Et quid agam? rogitas? saperdas advehe Ponto,  
 Castoreum, stuppas, ebum, thus, lubrica Coa. 135  
 Tolle recens primus piper e fitiente camelo.  
 Verte aliquid; jura. Sed Jupiter audiet. Eheu!  
 Baro, regustatum digito terebrare salinum  
 Contentus perages, si vivere cum Jove tendis.  
 Jam pueris pellem succinctus et ænophorum aptas:  
 Ocyus ad navem. Nil obstat, quin trabe vasta 141  
 Ægæum rapias, nisi solers luxuria ante  
 Seductum moneat. Quo deinde, insane, ruis? quo?  
 Quid tibi vis? calido sub pectore mascula bilis  
 Intumuit, quam non exstinxerit urna cicutæ. 145  
 Tun' mare transfilias? tibi torta cannabe fulto  
 Cœna fit in transtro? Vejetanumque rubellum  
 Exhalet vapida læsum pice seffilis obba?  
 Quid petis? ut nummi, quos hîc quincunce modesto  
 Nutrieras, peragant avidos sudore deunces? 150  
 Indulge genio, carpamus dulcia. Nostrum est  
 Quod vivis. Cinis, et manes, et fabula fies.  
 Vive memor lethi, fugit hora. Hoc, quod loquor, inde est.  
 En, quid agis? duplici in diversum scinderis hamo.  
 Hunccine, an hunc sequeris? subeas alternus oportet,  
 Ancipiti obsequio dominos, alternus oberres. 156  
 Nec

Nec tu, cum obstiteris semel, instantique negaris  
 Parere imperio, rupi jam vincula, dicas.  
 Nam et luctata canis nodum abripit: attamen illi,  
 Cum fugit, a collo trahitur pars longa catenæ. 160  
 Dave, cito, hoc credas jubeo, finire dolores  
 Præteritos meditor, crudum Chærestriatus unguem  
 Abrodens ait hæc; an ficcis dedecus obstem  
 Cognatis? an rem patriam rumore sinistro  
 Limen ad obscœnum frangam, dum Chrysidis udas  
 Ebrius ante fores extincta cum face canto? 166  
 Euge puer, sapias. Dîs depellentibus agnam  
 Percute. Sed censen' plorabit, Dave, relicta?  
 Nugaris: solea, puer, objurgabere rubra.  
 Ne trepidare velis, atque arctos rodere casses. 170  
 Nunc ferus et violens: at si vocet, haud mora, dicas,  
 Quidnam igitur faciam? ne nunc, cum accersor, et ultro  
 Supplicet, accedam? si totus et integer illinc  
 Exieris, nec nunc. Hic hic, quem quærimus, hic est:  
 Non in festuca, lictor quam jactat ineptus. 175  
 Jus habet ille sui, palpo quem ducit hiantem  
 Cretata ambitio? vigila, et ciceringere large  
 Rixanti populo, nostra ut Floralia possint  
 Aprici meminisse senes. Quid pulcrius? at cum  
 Herodis venêre dies, unctaque fenestra 180  
 Dispositæ pinguem nebulam vomuere lucernæ,

Por-

Portantes violas, rubrumque amplexa catinum  
 Cauda natat thynni, tumet alba fidelia vino:  
 Labra moves tacitus, recutitaque fabbata palles.  
 Tunc nigri Lemures, ovoque pericula rupto: 185  
 Hinc grandes Galli, et cum fistro lusca sacerdos,  
 Incuffere Deos inflantes corpora, si non  
 Prædictum ter mane caput gustaveris allû.  
 Dixeris hæc inter varicosos centuriones,  
 Continuo crassum ridet Vulfenius ingens; 190  
 Et centum Græcos curto centusse licetur.

## S A T Y R A VI.

**A**Dmovit jam bruma foco te, Bassè, Sabino?  
 Jamne Iyra, et tetrico vivunt tibi pectine chordæ?  
 Mire opifex numeris veterum primodia rerum,  
 Atque marem strepitum fidis intendisse Latinæ;  
 Mox juvenes agitare jocos, et pollice honesto 5  
 Egregios lusisse senes. Mihi nunc Ligus ora  
 Intepet, hybernatque meum mare, qua latus ingens  
 Dant scopuli, et multa littus se valle receptat.  
 Lunai portum est operæ cognoscere, cives.  
 Cor jubet hoc Enni, postquam destertuit esse 10  
 Mæonides Quintus pavone ex Pythagoreo.  
 Hic ego securus vulgi, et quid præparet auster

Infelix pecori securus et, angulus ille  
 Vicini nostro quia pinguior; et si adeo omnes  
 Ditescant orti pejoribus, usque recusem 15  
 Curvus ob id minui senio, aut cœnare sine uncto,  
 Et fignum in vapida naso tetigisse lagenâ.  
 Discrepet his alius. Geminos, horoscope, varo  
 Producis genio. Solis natalibus, est qui  
 Tingat olus ficcum muria vafer in calice empta, 20  
 Ipse sacrum irrorans patinæ piper: hic bona dente  
 Grandia magnanimus peragit puer. Utar, ego utar,  
 Nec rhombos ideo libertis ponere lautus,  
 Nec tenuem solers turdarum nosse salivam.  
 Messè tenus propria vive, et granaria, fas est, 25  
 Emole; quid metuas? occa, et seges altera in herba est.  
 Ast vocat officium: trabe rupta, Bruttia faxa  
 Prendit amicus inops; remque omnem furdaque vota  
 Condidit Ionio; jacet ipse in littore, et una  
 Ingentes de puppe Dei; jamque obvia mergis 30  
 Costa ratis laceræ. Nunc et de cespite vivo  
 Frange aliquid; largire inopi, ne pictus oberret  
 Cœrulea in tabula. Sed cœnam funeris hæres  
 Negliget iratus, quod rem curtaveris; urnæ  
 Offa inodora dabit; seu spirent cinnama furdum, 35  
 Seu ceraso peccent casia, nescire paratus.  
 Tune bona incolumis minuas? sed Bestius urget

Doctores Graios. Ita fit, postquam sapere urbi  
 Cum pipere et palmis, venit nostrum hoc maris experts,  
 Fœnifecæ crasso vitiarunt unguine pultes. 40  
 Hæc cinere ulterior metuas? at tu, meus hæres  
 Quisquis eris, paulum a turba seductior audi.  
 O bone, num ignoras? missa est a Cæsare laurus  
 Insignem ob cladem Germanæ pubis, et aris  
 Frigidus excutitur cinis, ac jam postibus arma, 45  
 Jam chlamydes regum, jam lutea gaufapa captis,  
 Effedaque, ingentesque locat Cæsonia Rhenos:  
 Dîs igitur genioque ducis centum paria, ob res  
 Egregie gestas, induco. Quis vetat? aude.  
 Væ, nisi connives. Oleum artocreasque popello 50  
 Largior; an prohibes? dic clare. Non adeo, inquis.  
 Exoffatus ager juxta est. Age, si mihi nulla  
 Jam reliqua ex amitis, patruelis nulla, proneptis  
 Nulla manet patrui, sterilis matertera vixit,  
 Deque avia nihilum superest: accedo Bovillas, 55  
 Clivumque ad Virbî: præsto est mihi Manius hæres,  
 Progenies terræ. Quære ex me, quis mihi quartus  
 Sit pater, haud prompte, dicam tamen, adde etiam unum,  
 Unum etiam, terræ est jam filius, et mihi ritu  
 Manius hic generis prope major avunculus exit. 60  
 Qui prior es, cur me in decursu lampada poscis?  
 Sum tibi Mercurius: venio Deus huc ego, ut ille

Pingitur. An renuis? vin' tu gaudere relictis?  
 Deest aliquid summæ. Minui mihi; sed tibi totum est,  
 Quicquid id est. Ubi sit, fuge quærere, quod mihi quon-  
 Legarat Tadius, neu dicta repone paterna. [dam  
 Fœnoris accedat merces; hinc exime sumptus.  
 Quid reliquum est? reliquum? nunc nunc impensius unge,  
 Unge, puer, caules. Mihi festa luce coquatur  
 Urtica, et fissâ fumosum sinciput aure, 70  
 Ut tuus iste nepos olim fatur anseris extis,  
 Cum morosa vago singultiet inguine vena,  
 Patriciæ immeiat vulvæ? mihi trama figuræ  
 Sit reliqua: ast illi tremat omento popa venter? 74  
 Vende animam lucro, mercare; atque excute solers  
 Omne latus mundi, ne sit præstantior alter  
 Cappadocas rigida pingues plaussisse catasta.  
 Rem duplica. Feci; jam triplex, jam mihi quarto,  
 Jam decies, reedit in rugam. Depinge ubi sistam,  
 Inventus, Chrysippe, tui finitor acervi. 80

*F I N I S.*

LECTIONES VARIANTES  
JUVENALIS.

SAT. ȳ.

- I. 10. Furtive devehat.  
57. Sternere naso.  
74. Esse aliquid.  
106. Purpura majus.  
155. Teda lucebit.  
157. Et latus mediam fulcus deducit arenam,  
*Edit. Paris 1446. et sic Lipsius, neque  
enim aliter intelligas.*  
168. —Tecum prius ergo voluta  
Hæc; animante tuba galeatum fero.
- II. 8. Frontis nulla fides.  
10. Inter Sotadicos.  
38. Ad quem subridens.  
80. Prurigine porci. *Turneb.*  
94. Oblita producit.  
116. Abrumpere carnem.  
146. Paullisque minoribus.  
147. Ipsum admoneas.
- III. 36. —Verso pollice vulgus, Quum libet. —  
82. Cœnabit.  
91. Illa sonat. *Conjectura.*

SAT. ⅄.

112. Aulam resupinat.  
 210. Frustra rogantem.  
 218. Phæcafianorum.  
 238. Somnos urfis.  
 300. Pugnīs contufus. *Conject.*  
 322. Auditor gelidos.

IV. 1. Crifpinus adefl. *Cod. MS.*

25. Hoc pretio ſquamæ?  
 33. Faria de merce. *Pithæus.*  
 34. Licet et confidere.  
 43. Torrentis ad oflia.  
 60. Utque lacus ſuberant.  
 96. Gladiis tam deflinata. *Ed. Par.*

V. 1. Sic te propofiti nondum pudet? *Lub.*

10. Quin poſcis? Ita *Lub. aliique*; ſed non fat  
     video ſenſum aut ſtructuram.  
 80. Longo diſtinguat.  
 91. Quod tutos, &c. hic verſus in *vetuſtiſs.*  
     *exemp.* deefl.  
 96. Nec patimur.  
 105. Torpente cloaca. *Rutgerſus.*  
 155. Hirſuto Capella.  
 169. Striçto pane jacetis.

VI. 78. Figantur pulpita, *Lub.*



## SAT. ȳ.

172. Et tu depone.  
 182. Inque die. *conject.* aliud enim in diem,  
 aliud in die.  
 187. Turpe minus. *Lub.*  
 204. Et sculpto. *Turneb.*  
 292. Ulciscimur orbem.  
 362. Recidivus pullulet. *Cod. MS.*  
 370. Raduntur medicis.  
 384. Nominis alti.  
 414. Exhortata solet.  
 429. Aut lata Falernum.  
 482. Transversa diei.  
 533. Derosor Anubis. *conject.* nam et alias *la-*  
*trator Anubis.*  
 537. Serpens illius lachrymis.  
 558. Formidandus Othoni.  
 584. Et inde *al.* Indus.  
 595. Et quæ homines.  
 652. At similis. *conject.*  
 657. Invisam et fatuam.
- VII. 20. Huc agite. *Lub.*  
 60. Contingere mæsta.  
 65. Pectora vestra.  
 96. Tunc utile.

SAT. 8.

99. Petitur plus temporis.  
 100. Nullo quippe modo. *Vet. MS.*  
 105. Quod tecto.  
 109. Acrior ille. *conject.*  
 120. Bulli. i. e. pisces. *Dinæi lib.*  
 129. Matho dejicit.  
 139. Fidimus eloquio? *al. ut redeant.*  
 142. Posita an fit sella. *conject.*  
 193. Et jocularior. *quid.*  
 214. Quem toties.

- VIII. 8. Famosos equitum.  
 33. Parvam extortamque.  
 43. Et te conciperet. *conject.*  
 61. Venit de germine.  
 67. Trito ducunt.  
 90. Exhausta medullis.  
 125. Non est sententia; verum est.  
 133. Promethea pingas.  
 157. Hipponam.  
 167. Lateranus ad illos.  
 190. Transcurria. *Scaliger.*  
 199. Et illud. *Cod. ant.*  
 204. Postquam librata.  
 207. Cedamus tunicæ.

SAT. *ŷ.*

225. Ad pulpita saltu.

239. In omni monte.

IX. 25. Celebrare solebas. *Grang.*

26. Quodque taceo, atque. *Lubin.*

53. Fœmineis tractat. *Grang.*

61. Matre, et caculis. *Par. fol.*

106. Taceant omnes.

138. Exornare corona.

139. Quando ego fiam aliquid? *conj.*

X. 7. Operantibus ipſis. i. e. ſacrificantibus. *vet.*  
*Cod.*

32. Unde ille, illi. *conject.*

70. Quibus indiciis.

73. Turba tremens.

81. Pana et Circenſes.

83. Fugit ocius. *conject.*

93. Anguſta Caprearum.

94. Certæ pila cohortis. *Cod. quid.*

150. Altosque elephantos.

154. Ultra perdere.

162. Libeat jugulare. *conj.*

171. Intraverit urnam. i. e. ſepulchrum. *Dorleans.*

291. Cur tamen hos tu. *Lub.*

300. Vultumque modeſtum.

SAT. ȳ.

320. Eruet omnem. *Cod. vet.*

365. Nullum numen abest.

XI. 6. Dumque ardens sanguine.

95. Mobile fulcrum. *Conjec. Dempsteri.*

106. Clypeo venientis.

116. Velatus Jupiter. *Cod. ant.*

193. Prædo caballorum.

XII. 18. Densis cælum abscondente tenebris.

23. Pontica surgit.

61. Accipe sumendas.

81. Tum stagnante sinu. *Lub.*

92. Operatur festa.

113. Victima sola.

XIII. 4. Fallacis urnam.

28. Nunc ætas agitur.

65. Miranti sub aratro.

86. Fortunæ jam lapsibus. *Cod. ant.*

140. Te nunc delicias.

142. Nos vilis populus. *quid.*

165. Madidos torquentem in cornua cirros.  
*Salmaf.*

220. Terroribus. *conj.*

226. Ut vindicet. *Lub.*

XIV. 2. Maculam hæsuram.

SAT. 5.

34. Queis mente benigna. *conj.*45. Procul hinc, procul ite. *conj.*

62. Hic lavet argentum.

67. Emundat servulus. *conj.*92. Agitat Centronius. *Lub.*97. Cæli lumen. *Lub.*122. Viam peragant. *Lub.*152. Quæ fœdæ, quam fœda est. *conj.*

176. Indomiti census.

208. Repentibus affiæ.

266. Rectum percurrere funem. *conj.* quid sit  
*rectum descendere*, nescio.289. Distinguitur una. *al. uda.*

293. Piperisque coemptor.

XV. 7. Illic eluros. i. e. feles. *Brodæi conj.*58. Ora genis. *conj.*75. Præstant instantibus Ombis. *quid.*

76. Tentyra Pampæ.

XVI. 21. Efficiunt curabilis.

24. Tot caligatos.

LECTIONES VARIANTES  
P E R S I I.

PROLOG. ŷ. 12. Refulgeat nummo.

SAT. ŷ.

I. 6. Appula, tantæ.

9. Ad canitiem, et nostrum.

28. Et pulcrum est. *conj.*

69. Afferre docemus.

84. Quin trepidum.

86. Doctas posuisse.

107. Rodere vero. *conj.*

111. Euge omnes, etenim. *Cod. MS.*

121. Vide hic, vidi ipse. *conj.*

128. Poscit dicere.

II. 13. Impello expungas. *conj.*

14. Conditur uxor.

17. Nimium est.

36. Tunc Licini. *conj.*

41. Poscit opem nervis. *conj.*

48. Vincere furto.

III. 12. Tum querimur.

23. Lutum est. *conj.*

38. Invideant. *Lub.*

44. Tangebam parvus. *al. tingebam.*

SAT. 8.

68. Metæ quam, et unde.  
 80. Figentes lumina terræ. *conj.*  
 89. Faucibus exfudat.  
 90. Quid dicit medicus. *conj.*  
 104. Litatus amomis.

IV. 9. Puta. *Priscian.*

19. En! specta. *Marcilius.*  
 33. Et fricas in cute. *conj.*  
 51. Respice quod non es,  
 52. Ut noris. *conj.*

V. 15. Ore teris, *MS.*

38. Ostendit regula.  
 40. Artificisque tuo. *Lub. et Caus.*  
 74. Scabrosum.  
 78. Momento temporis. *conj.*  
 124. Hoc sentis. *conj.*  
 140. Jam pter is. *conj.*  
 150. Pergant sudare.

VI. 2. Et tritæ.

3. Primordia vocum. *MS.*  
 77. Pavisse catasta.  
 79. Depunge ubi sistam.

## N O T Æ

A D

## JUVENALIS SATYRAS.

## A D S A T Y R A M I.

V ER. 4. *Ingens Telephus*. Prolixa de Telepho Trægædia.

6. *Scriptus et in tergo*. Quod præter solitum erat; cum in interiori tantum parte scriberentur libri.

7. *Lucus Martis*. *Flavius* legit *luctus Martis* ut per id exprimatur bellum Trojanum quod scripsit Nero.

14. *Exspectes eadem*. Fabularum deliria, easdem nugas. *Grang*.

21. *Et placidi rationem*. MSS. haud infimæ notæ habet *placiti*, i. e. propositi.

31. *Nova lætica*. Cum sale τὸ *nova*, ut qui antea pedes ambularet. *Grang*.

47. *Inani iudicio*. *Inane* iudicium appellat quod Provincialibus nihil profuerit, quum eis pecunia non sit restituta, sed in ærarium delata. *Britannicus*.

49. *Bibit et fruitur*. *Dīs iratis at &c.* sic interpungit *Grang*.

51. *Venu-*



51. *Venusina lucerna.* *Lucernam* dicit, quia satyrici ad omnium vitia, quasi lucernam admovent, et ut a-  
durant, et ut ostendant crimina: *Venusinam* autem  
ideo, quia hæc fuit civitas Horatii. *Vet. Schol.*

58. *Curam cohortis.* Militum tribunatum: *Vet. Schol. i. e. mil. 420 ait Lipsf.*

62. *Amicæ lacernatæ.* *Amicam lacernatam* genere  
fœminino Poeta appellavit, ac si diceret *amicæ mascu-*  
*læ*; hoc est, *amicæ* quæ omnino vir erat; nam *lacerna*  
vestis est virilis. *Britannicus.*

68. *Exiguis tabulis.* Hæres ex affe non adhibita  
multa scriptione.

78. *Prætextatus adulter. i. e.* puer adhuc, nam præ-  
texta vestis fuit puerorum.

95. *Nunc sportula primo.* Ergo non tempore Do-  
mitiani hæc Satyra scripta est; ille etenim cœnam  
rectam revocavit.

127. *Ipsè dies.* ironicos.

128. *Jurisque peritus Apollo.* Facete poeta *peritum*  
*juris* Apollinem nominavit, quasi qui assidue lites au-  
diendo juris peritus esset factus. *Britan.*

131. *Cujus ad effigiem &c.* Ad cujus imaginem non  
tantum licitum mejere, sed etiam oletum facere. Sic  
*Interpretes*: sed contra mentem Authoris, qui Ægyp-  
tii hujus statuam sanctam haberi dicit, ut ne quidem  
ad

ad eam *mejere* auderent, tanquam si fuisset statua Principis. *Grang.*

146. *Iratis amicis. i. e.* quia sit mortuus intestatus, nam supra, *intestata* senectus.

149. *Utere velis.* Hortatur seipsum Poeta ad scribendum.

154. *Quid refert &c.* Tutum fuit Lucilio libere loqui et scribere, ut parvi penderit irascereturne Mutius Scævola an non. *Pone Tigellinum:* verum modo, si volueris hominem gratum Imperatori notare, qualis fuit Tigellinus Neroni, non erit tutum, *Britan.*

#### A D S A T. II.

Ver. 3. *Et Bacchanalia vivunt. Bacchanalia vivere* Hellenismus est: qua ratione Tertull. dixit, qui cœca vivunt. *Grang.*

5. *Perfectissimus horum.* Existimat se perfectissimum, modo sibi emerit statuam, aut Aristotelis, aut alterius Philosophi ad bibliothecæ suæ exornationem. *Britan.*

9. *Tristibus obscænis.* Philosophis, qui tristitiam vultu profitentur, intus autem impudici sunt. *Grang.*

18. *Simplicitas miserabilis.* Digna lachrymis et commiseratione. Sic Virgilio *miserabilis Orpheus* dicitur. *Grang.*

20. *Verbis Herculis. i. e.* grandibus ac magnificis.

25. *Quis*

25. *Quis cælum terris non misceat?* Quis præ novitate attonitus non exclamet, ut Stafimus Plautinus.

*Mare, terra, cælum, dī vestram fidem!* Grang.

29. *Qualis erat nuper.* Satyra scripta sub Nerva aut Trajano, contra sententiam biographi.

30. *Leges amaras. i. e. contra adulteria.*

97. *Cærulea indutus scutulata.* Quæ *scutulata* vestis dicitur, posteriorum temporum criticis magnam dissectandi ansam præbuit: statim de vocis etymologia inquiritur. *Turnebus* eam a voce *scutum* educit; *Salmasius* Turnebum confutat, eo nixus argumento quod in voce *scutum* prima syllaba producitur, cum contra in voce *scutulata* prima fit brevis, quare mavult illam ex voce *σικτάλη* *virga* educere, existimatque illarum vestium texturam virgas expressisse.

98. *Et per Junonem.* De molli effœminatoque hic loquitur; ideo recte quod mulieri conveniebat, ei attribuit: non per *Jovem*, sed *Junonem* jurat.

109. *Mæsta Cleopatra.* Innuit Cleopatram sensu calamitatis et ancipitis fortunæ tactam fuisse, licet lasciva esset; at non ita Otho.

119. *Diētum FELICITER!* unde, apud Ter. e contra, quæ res illi *vortat male*, ubi de nuptiis in Phor.

120. — *ingens*

*Cæna sedet: gremio jacuit &c.*

*Pithæus*

*Pithæus* distinguendum sic esse putat. *Lipsius* longe aliter; sic scilicet

—*ingens*

*Cæna, sed et gremio* &c. admiratus quid esset *cænam sedere*, nisi si *cænam* pro convivis ipsis accepit. *Jacuit nupta*. Quamvis soliti fuissent viri discumbere, mulieres tamen ut plurimum sedebant, quia turpis visus est in muliere accubitus.

130. *Nec terram cuspide pulsas*. *Lips.* dicit se vidisse *MSS.* in quo, *nec tempora cuspide pulsas*, erat scriptum; moremque fuisse militarem hastis scuta galeamque concutiendi in ira. *Grang.*

134. *Quid quæris?* Quare id a me exigis quasi non intelligas per officii nomen, officium nuptiale. *Grang.*

147. *Ad podium spectantibus*. *Podium* muri pars projectior et prominentior ante speculorum gradum, ut bene *Lips.* lib. de Amphit. p. 11. Ad hoc podium spectare soliti primi e senatu, qui proprie ad podium spectare dicebantur. *Grang.*

### A D S A T. III.

Ver. 11. *Madidamque Capenam*. Ad portam *Capenam* Romæ juxta ædem Martis erat lapis dictus *Manalis*, unde *madidam Capenam*; etsi alii dicunt vocatam *madidam* ob fontes, qui ibi plurimi. *Gronov.*

15. Mer-

15. *Mercedem pendere.* Nam penso ære, et non numerato debita solvebant. *Britan.*

16. *Mendicat sylva &c. Sylva, i. e.* Judæi in unaquaque sylvæ arbore cum miserrima familia pernoctantes, mane in urbem eunt mendicatum. *Grang.*

19. *Numen aquæ.* Nullus enim fons sine divinitate.

61. *Græcam urbem.* Romam, in qua Græcis moribus vivitur. *Grang.*

64. *Gentilia tympana.* Quoniam inventa fuerunt in Syria. *Grang.*

67. *Sumit trechedipna.* Vestem endromidem, quæ a cursu et cæna nomen habet. *Grang.*

108. *Si trulla inverso &c.* Id est, si trullam vini ebibit, ita ut fundum everterit, et epoto toto vino labiis sugens crepuerit, et strepitum dederit. *Turneb.*

114. *Transi Gymnasia.* Notanda lectio; *i. e.* migra ad Gymnasia. *Lubin.*

116. *Stoicus occidit &c.* Non ipsemet, sed fuit causa falso suo testimonio cur occideretur. *Grang.*

139. *Servavit trepidam.* *Jac. Nichol. Loensis* legit *tepidam*; sed *trepidam* σατυριώτερον quiddam sapit. *Farnab.*

168. *Quod turpe negavit.* Corrige, *negabit*, error natus ex affinitate literæ V, et B, extremis reipublicæ temporibus, ut videre est in *Pandect. Florentinis.* Verus igitur

igitur sensus est: Romæ pudet cœnare fictilibus, qui si subito transferretur ad Marfos, aut Sabellos populos, neutiquam puderet. *Grang.*

177. *Æquales habitus illic.* In Italia extra Romam.

187. *Plena domus libis venalibus.* Neque tantum danda munera servis, sed et dominis, quæ illico vendunt. Ita interpretantur qui legunt *libis venalibus*. At mea sententia reponere *genialibus*; natali enim die solebant mittere munera iis qui natalem suum celebrant. *Grang.* Hanc lectionem recepit *Henninius*.

207. *Opici mures.* Per lusum dicit, quasi rudes et barbati, nec qui Latine sciant. *Britan.*

238. *Somnum Druso.* *Britannicus* ex conjectura legit *urfo* quod urfi somnolenti sint.

244. *Obstat unda prior.* Unda pro populo, ad modum undæ diffluens; nisi legendum potius *turba prior*. *Lubin.*

265. *Novitius horret.* Nescius inferni moris.

278. *Qui nullum forte cecidit.* Lego quia nullum, *i.e.* quia ille nocte neminem percussit, dormire non potest. *Lubin.*

281. *Ergo aliter non potuit dormire?* lego cum interrogatione: et puto esse Poetæ verba Umbrinium alloquentis, cui Umbrinius respondet, quosdam Romæ esse qui ex rixis somnum capiant. *Grang.*

## AD SAT. IV.

Ver. 16. *Æquantem sane*. Hoc friget: forte legendum *insane*, hoc est, infano pretio. Sic *insania mensarum* apud Plin. est infani sumptus, quos faciunt in citreis mensis emendis. *Græv.*

33. *Fraçta de merce*. Non integra, sed quos minutatim venderet more vilissimi cetarii. *Britan.*

36. *Profit dixisse puellas*. Quæ debent esse anus.

48. *Dispersi protinus algæ*. *Alga* pro litore poni Judæus Apella credat, non ego. Censeo scribendum *alni inquisitores*, hoc est navium naufragarum et dispersarum inquisitores, quales erant Palfurius et Armillatus. *Græv.*

57. *Quartanam sperantibus*. *Sperantibus* pro *timentibus* accipiunt omnes. Malletem autem exponere *sperantibus* propria verbi significatione. Scimus enim scriptum esse a *Celfo* quartanam neminem jugulare, et plerumque fieri, ut ægrotantes cupiant febrim, quam cotidie patiuntur, in quartanam commutari. Itaque autumali tempore *sperant*, quo fit febrim commutatio. *Ptolomæus Flavius.*

69. *Quid apertius? et tamen illi surgebant cristæ.*

Quid manifestius esse potest quam hunc piscem capi voluisse, ut a te comederetur? Et tamen illi rhombocristæ vel pinnæ in tergo insurgebant præ indignatione  
quod

quod captus effët, in iudicium quod capi noluerit, et a tanto tyranno et monstro absumi. Verum sequens explicatio concinnior : hac piscatoris turpi adulatione nihil potuisse esse apertius et manifestius ; et tamen Domitianus adeo stolidus erat, ut hac tam frigida adulatione elatus et superbus animum attolleret, falsaque laude intumesceret. *Lubin.*

103. *Barbato imponere regi.* Simplicibus moribus ; sic enim proverbio appellabant homines rusticanæ veritatis, et simplices, *barbatos.* *Grang.*

116. *A ponte satelles.* Positum more adjectivi quod pauci notarint. Observandum in primis eadem forma dicendi qua dicitur, *a secretis &c.*

122. *Ad velaria raptos.* Interpreteshic non audio qui *velaria* locum esse asserunt ubi vela reconduntur. Imo, aliam ego lucem do, et ita capio : quasi laudarit et stupeverit adulator ille, quod ludis gladiatoriiis, pueri e pegmate subito in altum, occulta quadam machina rapti sint, et ad *vela* ipsa. Sane recepti in Amphitheatris tales lusus, talesque raptus. *Vid. Admir. Rom. Tom. 2.*

149. *Anxia præcipiti &c.* Adversa, pennis epistolæ additis, sicut prospera aureis ramis significabantur, et nuntiabantur. *Dempst. Cælius Rodiginus ad celeritatem* refert. lib. 2. cap. 20. nam altius et citius in ani-

num



mum descendunt adverſa, quam felicia, acriusque ac vehementius torquent.

153. *Cerdonibus*. Videtur hac voce Chriſtianos tangere; neque enim diu perfecutioni quam in eos inceperat, ſupervixit. *Henninnius*.

## A D S A T. V.

Ver. 2. *Aliena quadra*. Quare autem *quadra* pro impenſa *Scalig.* ad Moretum late explicat. *Quadra* enim pro pane qui in *quadræ* diſpertiri ſolebat: unde Romanis dicti *panes quadrati* ut notat *Athenæus*.

3. *Iniquas ad menſas*. *Iniquæ menſæ* ſunt, in quibus non eædem epulæ domino et convivis apponuntur, nec idem vinum datur. *Brodæi Miſcell.*

10. *Tam jejuna fames* &c. His verbis nullam ſubefſe ſententiam facile videbunt, qui animum advertent, idque librariorum culpa. Juvenalis manus fuit, *tam jejuna fames?* quin poſcis, *honestius illic et tremere*. Fameſne tanta eſt ut illas patiaris contumelias? *Quin mendicas in ponte aut crepidine: honestius eſt illic frigus pati, et ſordido pane veſci, quam in menſa divitum tam indigna pati. Quin legendum eſſe viderunt alii quoque. Græv.*

89. *Canna Micipſarum*. Duos verſus qui proxime ſequuntur, hoc ordine ſcripſerat Juvenalis:

O

*Quod*

*Quod tutos etiam facit a serpentibus Afros,*

*Propter quod Romæ cum Boccare nemo lavatur. Rigaltius*

112. *Ut cænes civiliter. Cænare civiliter est, cum idem omnes cœnant. Grang.*

120. *Structorem interea.* Structor est ille, ut narrat *Petronius*, qui fercula mensis commode disponit et collocat.

122. *Dictata magistri.* Ejus qui modum secandi cibos edocebat.

127. *Tanquam habens tria nomina.* Tanquam et tu sis nobilis. *Vet. Schol.*

153. *Tu scabie frueris mali.* Pomum tibi dabitur scabiosum quale comedit miles in aggere, deficiente copia commeatus.

154. *Qui tegitur parma.* Periphrasis est *peditis*, cujus arma sunt *parma* et *galea*.

155. *Ab hirsuta capella.* Hunc locum variis exponi modis non ignoro. Alii aliud: ego vero expono *ab hirsuta capella* ab hirsuto Centurione, quem ideo *capellam* appellat, quod Centuriones, ut homines robusti toto fere corpore hirsuti sint, odorem hircinum oleant. *Britan.*

170. *Omnia ferre si potes, et debes.* Copula hic locum non habet: sententia postulat ut scribas, *omnia ferre si potes, ut debes. Græv.*

171. *Pulsandum vertice raso.* Manumittendi radi-  
folebant. T. Liv. 4. Decad. lib. 4. *Præbuerunt spe-*  
*ciem triumpho, capitibus rasis, qui servituti exempti fue-*  
*rant.*

## A D S A T. VI.

Ver. 30. *Salvis tot restibus.* Cum tot ad mortem  
pateant aditus; quasi diceret, fatius esse mori, quam  
uxorem ducere. *Grang.*

45. *Antiquis uxor de moribus.* Lego, *uxorcula mori-*  
*bis*, nam *uxor de moribus antiquis* non placet.

86. *Nil patriæ indulgit.* Nullum habuit patriæ res-  
pectum, quo minus id ageret, debuit enim ratione  
patriæ tanto scelere abstinere. *Britan.*

136. *Tanti vocat ille pudicam.* Ob illam dotem,  
uxorem suam probat, et honestam pudicamque vocat.  
*Britan.*

146. *Ut sæpe emungeris!* Ita contra scriptos editos-  
que quot video codices, est reponendum. *Heinsf.*

204. *Scripto radiat auro.* Versum Juvenalis suspicor  
parum esse sanum; quid enim est *scriptum aurum*?  
In MS. codice legebatur, *sculpto*; pro quo rescriben-  
dum censerem *scutilo radiat*; *scutillum* enim idem est,  
ac si variegatam arenæ telam dicas. *Dempst.*

298. *Fregerunt sæcula.* Corruerunt, enervarunt. Sic apud Liv. Capua dicitur *fregisse* Hannibalem.

441. *Nemo tubas, nemo æra fatiget.* In defectu lunæ solebant æra quaterere, queis ipsi auxiliari se putabant. *Grang.*

543. *Sacerdos arboris.* Judæi alligabant *arboribus* urbi proximis jumentum, ibique tota nocte una cum familia dormiebant, ex qua mane surgebant, ut in urbe vaticinatum venirent; unde facete Judæa materfam. *arboris sacerdos. Grang.*

Sed memini virum magnum hoc intelligere de arborea aurea, viti nimirum ista appensa ad valvas Templi Hierosolymitani, de qua uterque Josephus et alii quam plurimi. Ingeniosa sane conjectura, quæ specie quadam oculos perstringit, sed cui tamen fidem meam non possum accommodare. Vid. *Epist. ad Gronov.*

575. *Thrasylli.* Thrasyllus pro quocunque mathematico; fuit enim Astrologus Tiberii.

589. *Consulit ante phalas.* Hic locus explicandus ex historia Dionis, lib 49. circa finem, qui tradit M. Agrippam, cum in Hippodromo, *i. e.* Circo, qui locus Romæ exercendis Circensibus ludis institutus erat, videret plerunque errantes in numero, dum duorum stadiorum circuitionem cursumque minus recte observarent, jussisse delphines quosdam fabricari et machinas

nas seu *phalas* in ovi formam, quibus viarum circuitus certius demonstrarentur. *Alciat. Parerg. Jur.* lib. 4. cap. 27.

## A D S A T. VII.

Ver. 8. *Quadrans nullus in umbra.* Melius autem *arca*, hoc est si componis, ut ait ille, carmina *nullos referentia nummos.* *Grang.*

10. *Auctio vendit.* Novo dicendi genere, pro *quod venit in auctione.*

44. *Ordinis.* Subfelliorum.

46. *Anabathra.* Gradus vel scalæ ad pulpita ascendenda.

47. *Orchestra.* Locus erat in theatro, ubi honoratiores sedebant. *Lub.*

47. *Cathedris reportandis.* Quia sedilia illic non erant perpetua, sicut in theatro, sed temporaria, quæ a poeta recitatis carminibus solvebantur, ad dominosque reportabantur. *Britan.*

52. *Ægro in corde.* Nullus dubitem scribendum esse *ægre.* Scribendi cacoethes *ægre*, hoc est, difficulter fenescit in pectore. Magna cum difficultate, vix unquam scribendi carmina cupiditas expellitur. *Græv.*

54. *Nihil expositum.* Nil vulgare et commune; nam quæ *exponuntur*, communia sunt.

73. *Alveolos pignorat Atreus.* Ipse *Atreus, i. e.* ipsa Tragœdia fuit in culpa, ut alveolos pignoraret.

79. *Contentus fama Lucanus.* Quia sat divitiarum habet.

86. *Fregit subsellia.* Dictum accipio pro vehementissime placuisse; sic ut plausu acclamantium quasi frangerentur subsellia. *Casaubonus.* At dicit Suidas Æschylum in Siciliam demigrasse, quod dum fabulam exhibuerit ruerent subsellia διὰ τὸ πεσεῖν τὰ ἰκρία ἐπιδεικνυμένα αὐτῷ: subsellia ergo frangere dicebatur, qui, ut Comici loquuntur, non stetit, sed excidit, hoc est, non placuit, sicut a Scaligero monitum est.

17. *Intactam Agaven.* Quam adhuc non recitaverat.

89. *Semestri auro.* Tribunatus honos semestris; et hic *semestre aurum*, quia annulo etiam aureo Tribuni utebantur.

109. *Tetigit latus.* Tunc temporis clientes humeros patronorum tangebant; hinc jocose esse illis partem tenerrimam dicimus, quod eo signo dato quam celerime sese vertere soleant. *Grang.*

110. *Ad dubium nomen. i. e.* ambiguum debitum re-fellendum. *Britan.*

114. *Russati lacertæ.* At legas *rus Sati.* Quasi dicat, non conferas omnes villas, sed unum tantum  
rus,

rus, atque id breve; nam *lacerta* est brevis mensura terræ. Ante,

*unius dominum fecisse lacertæ.*

*Sati. i. e. Attici Sati* equitis Romani, qui eloquentiam nunquam exercuit in foro. *Calderinus.*

121. *Quinque lagenæ.* Cum distinctione legendum: quasi dicat, non jam multum vinum dabitur, sed *quinque duntaxat lagenæ.* *Britan.*

129. *Sic Peditur conturbat.* *Sic. i. e.* per exiguam mercedem.

134. *Stlataria purpura.* Purpurea vestis velut piratica et latrocinans, cujus splendore spoliantur et falluntur venditores, divitem censentes qui eam gestet. *Grang.*

160. *Arcadico juveni.* Apposite. Afini enim et muli in *Arcadia* maximi. *Lubin.*

165. *Quantum vis &c.* Sane videtur hæere connexio.

193. *Et jaculator.* Argumentator.

199. *Quid Tullius?* Servius. Cave autem de Cicerone intelligas, nam sequentia pugnant. *Grang.*

211. *Et cui non tunc eliceret risum?* cum puncto interrogationis. Sensus autem hoc modo integer esse possit. Achilles jam grandis citharæ artem didicit, et præceptorem more discipulorum in honore habuit et timuit; et *tunc* senem Centaurum non risu contempisset.

tempiffet. Noſtro autem tempore, pueri ſuos præceptores cædunt et verberant, tantum abeſt, ut, ſi grandiores, eos colant. *Britan.*

## A D S A T. VIII.

Ver. 3. *Æmilianos.* Cave de *Pæullo Æmilio* intelligas, ſed de P. Cornelio Scipione. *Æmilianus* enim nomen adoptionis, non gentis. *Grang.*

25. *Mereris?* Legunt cum interrogatione contra fidem omnium MSS. Legendum enim ſimpliciter *mereris*, et ſubintelligitur particula *ſi*, ut in eo verſu: — *in cælum jufferis, ibit, hoc eſt, ſi jufferis.* *Grang.*

96. *Præconem tuis circumſpice pannis.* Prævide pro tributis ſolvendis aliquando frivolorum tuorum auctionem fieri, cum nihil, unde ſolvas, jam tibi ſuperet. *Grang.*

110. *Ipſi deinde lares: ipſi;* quaſi qui minime ſint violandi.

118. *Qui ſaturant urbem.* Legendum cenſeo qui *ſaturant turbam*, i. e. populum Romanum; nam per *urbem*, cum plebe comprehendas etiam primores civitatis. At Juvenalis intelligit tantum de plebe, quæ Circo et ſcenæ dedita nil aliud curat. *Dorleans.*

169. *Maturus bello,* ſic interpungo, non, ut alii, *bello Armeniæ*, eo ſenſu ſcilicet quo prius, *hic petit Euphratem &c.* *Grang.*



171. *Mitte Ostia, Cæsar.* Locus hic duobus modis potest explicari, ut sit sensus: O Cæsar, si Damasippum ad bella gerenda es missurus, *mitte ostia ejus*, i. e. noli quærere Damasippum in sua domo, quia illic non invenies, sed quære illum in popinis, ubi quotidie versatur. Et sic: O Cæsar, Damasippum potes mittere ad Ostia Istri et Rheni, quia jam ætate est gravi; sed si vis eum invenire, accede ad popinas, nam ibi est frequens, ut sit manifesta irrisio nobilitatis. *Britan.*

267. *Matronis llegendus.* Quem mortuum, tanquam nobilem, annum matronæ lugebant. Male *vet. interp.* qui aliter. *Grang.*

203. *Nec galea frontem abscondit.* Eo impudentiæ devenisse nobiles ait Poeta ut omnia facie aperta peragant. Gaudent cognosci. *Britan.*

## A D S A T. IX.

Ver. 53. *Fæmineis Calendis. i. e.* Martiis.

56. *Trifolinus ager.* Campanus, a Juvenale ita dictus, quod vina ferret *trifolina*, hoc est, quæ tertio foliorum exortu, nempe tertio anno ad bibendum tempeſtiva forent, quorum meminit Plin. lib. 14. cap. 6. *Grang.*

88. *Et dulce caducum.* Hunc locum, quia a paucis intellectum explicabo. Filium ex uxore sublatum tuum fecisti, cujus uxoris beneficio civis Romani frueris

eris privilegiis, ut etiam ad caducarum hæreditatum admittaris successione. *Dempst.* Bona *caduca* sunt quibus nemo succedat hæres.

117. *Pro populo faciens.* Sacrificans.

#### A D S A T. X.

Ver. 20. *Defossa in loculis.* Velut in terra, quasi nunquam exinde egressura sit. Satyrice in avaros. *Grang.*

145. *Mala robora.* Sunt enim steriles ficus, et nulla in re profunt: scindunt autem validissimos muros et saxa, in quibus nascuntur. *Lub.*

192. *Pro cute pellem.* Sic enim *pellem* a *cute* distinguunt, ut *cutis* hæreat vivis, *pellis* mortuis, quamvis sæpissime confundantur. *Grang.*

#### A D S A T. XI.

Ver. 6. *Dumque ardent sanguine.* Antea, legebatur, *dumque ardens sanguine*, nullo sensu. *Rigaltius.*

20. *Sic veniunt ad miscellanea ludi.* Hoc modo ludii fiunt absumptis per gulam opibus, et sic *ad miscellanea veniunt*, hoc est, ad ludos et artes ludicras. *Grang.*

34. *An Curtius et Matho buccæ.* Sic lego et interpungo. Curtius et Matho non oratores, sed *buccæ*: *i. e.* fastuosi et ventosi caufidici. Sic et August. libris

Confess.

Confess. *buccis typho crepantibus*. Hinc et *buccæ* inter proverbia. *Grang.*

42. *Novissimus exit annulus*. Annuli oppignoratio fuit indicium deploratæ egestatis. *Gronov.*

97. *Vile coronati &c.* Mihi videtur omnino esse legendum *vite*, ob rationem quam attulit in Variis *Ferrar.* Et quis nescit in pompa Bacchi asinos? *Henninius.*

114. *His monuit nos*. Non video quid vult *his monuit*. Lego, *admonuit nos*.

148. *Quisquam erit et magno*. Pretio sc. aut revera ita legi potest:

——— *non a mangone petitus*

*Quisquis erit magno*. ———

Quicumque puer erit, non erit acceptus et emptus a mangone divite, et magnum numerum fervorum habente. *Britan.*

173. *Lacedæmonium pytismate lubricat orbem*.

Non ignoro a Commentatoribus hunc locum diversis modis expositum; ut alii dixerint per *orbem Lacedæmonium* designari annulum, cujus usus manaverit a Lacedæmoniis, ac per hoc *annulatos senatores et equites Romanos*, qui annulum *pytismate*, hoc est levi irrotatione sputi lubricum faciant. Alii vero legendum contenderunt *pytilismate*, non *pytismate*, idque esse ge-

nus

nus exercitationis, cum quispiam fummis pedibus ingrediens, manus protendit ociffimeque movet, alteram retrorsum scilicet, alteram prorsum &c. Alii item *trochum* intelligi de arbore pinu fabricatam, quod *pytis* dicatur *pinus*, unde fit *pytisma*. Ego autem ex sententia Luciani contendo intelligi *saltationem Lacedæmoniam*, legendumque esse *pedemate*, i. e. saltu et non *pytismate*, neque *pytilismate*. De omnibus his opinetur, ut cuique libitum erit. *Britan.*

191. *Speſtacula mappæ*. Mappa fuit aurigationis signum; hic tamen pro ipsis ludis. Nomen autem *mappa* non Latinum, sed Punicum.

193. *Prædo caballorum*. *Lipſius* putavit legendum *præda caballorum*; quia magna scilicet pecuniæ vis effundenda prætori in aurigas et equos, iisque ipse, ut *præda*.

205. *Hora superſit ad ſextam*. Legitima balnei hora hieme, nona; æſtate, octava. *Farn.* Tamen hic aliter ſtatueri videtur *Juvenalis*; nempe ut *hora ſexta* balnea introirent.

#### A D S A T. XII.

Ver. 55. *Explicet anguſtum*. Ita enim hic locus legend. ſuadet, i. e. ut ſe arctum, impeditum, et in anguſtias redactum propter malum, expeditiorem faciat, impedimentum mali removens. *Lub.*

88. *Accipiunt fragili.* Sine dubio legendum *facili.*  
i. e. flexili, molli.

115. *Vovebit de grege fervorum.* Opinio veterum fuit mortem morte posse redimi: unde ægrotos posse eripi periculo putabant, si vitam aliquorum, ægrotorum loco projecissent. *Grang.*

127. *Fugulata Mycenis.* Errat Juvenalis neque enim Mycenis Iphigenia periit, sed in portu Aulidis. Forte vero interpretes fugit, quod est nominativus vocis patronymicæ.

## A D S A T. XIII.

Ver. 1. *Exemplo quodcunque malo.* Multo elegantior est illa lectio, quam *MS. codex* Reverendi Hammondi præ se fert, teste Editione Anglicana quæ ita habet,

*Exemplo quodcunque malum &c.*

magis hæc referunt acumen Juvenalis. *Hennin.*

5. *Recenti de scelere. Retenti; i. e.* depositi abnegati et non redditi legendum autumat *Rutgerfus.*

28. *Nona ætas agitur.* Ostendit tam multiplicata esse humani generis scelera, ut jam tempora duplo pejora sint, quam fuerint ferrea; et ita pejora, ut eorum sceleribus nomen non inveniretur a metallis, et sic est rei exaggeratio. Hoc magis placet, quam ut numeres ætates octo a metallis; non enim nomi-  
natur

natur ætas electri, aut stanni, aut plumbi, sicut ætas auri, argenti, æris, et ferri. *Britan.*

70. *Gurgitibus miris.* Ni fallor, scripsit Juvenalis *nigris*, unde de industria additum est ex antitheto, *et lactis vortice.*

116. *Charta soluta.* Intelligo de ea charta, in qua vota obsignata fuerant, ut sit sensus: quare lacerata ac soluta ea charta quæ vota nostra continebat, eorum damnati thura, quæ voveramus, vobis reddimus? *Rutgersius.*

#### A D S A T. XIV.

Ver. 90. *Vincens Fortunæ aut Herculis ædem.* Censeo Herculem cum Fortuna simul cultum, ut fortitudo casibus fortuitis conjuncta cernatur. *Dempst.*

129. *Servare minutal.* Sic dictum, quod variis esculentis *minutatim* concisis fieret. *Gronov.*

186. *Per glaciem perone tegi.* *Perones*, sive puri calcei, ex puro corio sine lunulis facti erant. *Rosin. Ant. Rom.*

216. *Nativæ mala nequitie.* Vulgo in MSS. erat *naturæ*, ex quo fecerunt *nativæ*; sed vero sensus demonstrat legendum *maturæ*. *Hennin.*

229. *Et qui per fraudes.* Aliqui putant hoc carmen non esse Juven. nec omnino inferendum.

305. *Dispositis prædives hamis.* Vasis aqua plenis  
ad

ad arcendum ignem. Cave intelligas de *hamis* piscium syllaba repugnante. *Grang.*

A D S A T. XV.

Ver. 7. *Illic cæruleos.* Brodæus correxit *æluros i. e. feles*, quos ab Ægyptiis pro Diis cultos testatur Herodotus in Euterpe. At *Turnebus* retinet veram lectionem *cæruleos*, hoc est pisces marinos. *Grang.*

46. *Barbara turba.* Alii codices habent *barbara ripa, i. e.* immitis et aspera.

93. *Vascones, ut fama est.* Omnes codices quos viderim, habent, *ut fama est*, sed τὸ *ut* tollendum est, versus enim aliter non staret. *Britan.*

133. *Hæc nostri pars optima sensus.* Alii sunt qui *pars optima* legunt, alii *pars ultima*. Ego autem legendum esse puto,

— *hæc nostri pars intima sensus:*

id est, ipsæ lachrymæ sunt, quæ interiorem partem nostri sensus patefaciunt: nam per lachrymas interiorem pietatem ostendimus. Ergo, inquit, natura nobis dedit pietatem, quæ per lachrymas cognoscitur; jubet enim nos aliena incommoda plorare. *Britan.*

134. *Caussam lugentis.* Lego *casum*; ut illud Virgilio,

*Et casum infantis mecum indignabar amici.* *Britan.*

735. *Squalorem rei. Rei squalidi, ut habitu suffragatores sibi conciliarent, et inimicos permulcerent. Grang.*

## A D S A T. XVI.

Ver. 1. *Quis numerare queat &c.* sensus hic videtur esse, ut τὸ *felicis* referat ad rationem, τὸ *prospera* ad casum. At ita fit; quamvis innumera sint *felicis*, et cum ratione factæ expeditionis præmia; si tamen casus et vis major castra *prospera* præstaret, mallem fortunata temeritate eadem castra subire, quam in toga desidere. *Hennin.*

60. *Ut læti phaleris omnes, et torquibus omnes.*

Semper mihi nescio quomodo displicuit insolita meo Poetæ ταυτολογία τῶ *omnes*, quod sane valde insipide bis comparat hoc versu. Putabam ergo Juvenalem scripsisse, pro *omnes et* quod hodie legitur, olim *armillis*. Mecum faciet, qui cogitabit facile ex τὸ *armillis*, temporum descriptorum emendatorumque lapsu degenerasse *omnes et*. *Armillas* vero inter virtutis militaris præmia fuisse, præter ipsius vocis etymon ab armis desumptum, testante *Isidor. Orig. 19 — 31.* docent sexcentæ historiæ. *Hennin.*



## N O T Æ

A D

## P E R S I I S A T Y R A S.

A D S A T. I.

SAT. I. v. 5. — *Non, si quid turbida Roma  
Elevet, accedas.*

Si populus Romanus non sincero iudicio aliquid *condemnet* aut *postponat*, non tu statim illi iudicio, sententiæ, et opinioni accedere debes. *Lub.* Sic et Cicero de Orat. *Movere risum oratoris est quod frangit, quod impedit, quod elevat.*

9. *Tunc cum ad canitiem nostrum istud vivere triste  
Aspexi, et nucibus facimus quæcunque relictis  
Cum sapimus patruos, tunc, tunc ignoscite.*

Sic lego et interpungo: ordo autem constructionis et verborum sensus erit hic;

Tunc cum *aspexi nostrum istud vivere triste* (sive vitam severe actam) usque ad canitiem; et cum *aspexi quæcunque facimus nucibus relictis* (sive a pueritia) ad provectiorem ætatem quando *sapimus patruos, tunc, tunc* &c. *Nostrum istud vivere* dicitur non secus ac *hoc meum ridere* ver. 122. ubi infinitivus ponitur pro nomine substantivo.

P

13. Scri-

13. *Scribimus inclusi, numeros ille, hic pede liber.*

*Inclusi* &c. secundum interpretes significat, in musæo nostro clausi scribimus numeros. Præterquam quod *scribere numeros* nusquam legitur, num vero, an hic *pede liber* etiam scribit numeros? Pudet talium interpretum; nec Persii verba hæc esse possint, sed exscriptoris. Libenter reponerem,

*Scribimus, inclusus numeris ille, hic pede liber.*

49. — *Nam belle hoc excute totum;*

*Quid non intus habet?*

At sic legendum et interpungendum censeo.

— *Nam belle hoc excute totum*

*Quod non intus habet.*

Ordo constructionis est; nam excute totum quod non intus habet *hoc belle*.

58. *Ciconia pinsit.* Digitis sc. omnibus collectis in unum, et ad ciconini colli similitudinem curvatis, in eumque directis qui irridebatur.

86. *Doctus posuisse figuras.* Quod rectius quam *doctas*; ut Sat. 5. ver. 15. *radere mores doctus.*

113. *Pinge duos angues.* Veteres Gentiles serpentes appinxere ad conciliandam loco reverentiam.

133. *Petulans Nonaria.* Hora decumbendi *nona* esse putabatur, qua plerumque scorta ad amafios accedebant; ideo dicta mulier *Nonaria*, impudica. Gronov.

## A D S A T. II.

Ver. 10. *O si cbullit patrui præclarum funus.* Solebant cum primis reges et principes urbium antiquitus, quod et nostris temporibus fieri vidimus Pontificibus maximis, tumulari condique cum gemmis aliisque opibus, unde exit illud Satyrici; *O si cbullit patrui præclarum funus!* tametsi passim alio modo exponi a Grammaticis soleat. *Boissardi* Typog. Rom.

15. *Tyberino in flumine mergis caput.* Concepturi olim vota Quirites caput unda Tyberina lustrabant.

26. *An quia non, fibris ovium Ergannaque jubente.* Sic interpungend. sc. Erganna et fibris ovium jubentibus.

33. *Lustralibus ante salivis expiat.* Salivæ mirifica quædam virtus cum ad alia tum præsertim adversus fascinum inesse putabatur. Sic et *Plin. Nat. Hist. Despuimus comitiales morbos, hoc est, contagia regerimus. Simili modo et fascinationes repercutimus.*

## A D S A T. III.

Ver. 48. *Quid dexter senio ferret.* Talis jactatis, ut quisque CANEM aut SENIONEM miserat, in singulos talos singulos denarios in medium conferebat. *Suetonius* Augusto.

64. — *venienti occurrite morbo,*  
*Et quid opus Cratero magnos promittere montes? Censeo*  
*legendum,*

— *venienti occurrite morbo,*  
*Ne quid opus Cratero montes promittere magnos.*

68. *Metæ qua mollis flexus et unde; alii, metæ quam;*  
 sensus vero est, disce qua ratione quove modo facilis  
 fiat vitæ decursus.

89. *Faucibus expirat gravis halitus. Sic Marcilius.*

103. *Hinc tuba, candelæ:* Apud Romanos cum ali-  
 quis deceffit, *tibicines* cantant et amici convocantur,  
 testandi gratia eum neque veneno, neque ferro interi-  
 isse. *Gronov.*

#### A D S A T. IV.

Ver. 20. *Dinomaches ego sum suffla, sum &c.*

Sic interpungo. Frigidum dat sensum illa distinc-  
 tio, — *I nunc*

*Dinomaches ego sum. Suffla sum candidus.*

#### A D S A T. V.

Ver. 33. *Jam candidus umbo. Umbo* a Persio voca-  
 tur toga, quod sit umbonis instar contra reprehensio-  
 nes præceptorum. *Cælius Rhodiginus.*

87. *Hoc reliquum accipio, licet, ut volo vivere, tollo.*

Ita forsân est refigendus hic versus.

119. *Nil tibi concessit ratio: digitum exere, peccas,*  
*Mallet legere,*  
*Ni tibi concessit ratio digitum exere, peccas,*  
*Et quid tam parvum est?*

188. *Caput gustaveris allii. Alliorum capita ad mul-*  
*tarum noxarum depulsionem valere animis vetustas im-*  
*biberat. Gronov.*

## A D S A T. VI.

Ver. 21. *Sacrum piper. Ideo sacrum, quod parcius*  
*utitur avarus.*

61. *Cur me in decursu lampada posscis?*

*Quid hoc vult dilucidat Pausanias;*

Ἐν Ἀκαδημία δέ ἐστι Προμηθεὺς βωμός, καὶ θεῶσιν ἀπ' αὐτῆ πρὸς τὴν πόλιν ἔχουσαι καιόμενας λαμπαδάς· τὸ δὲ ἀγώνισμα ὁμῶ τῷ δρόμῳ φυλάξαι τὴν δᾶδα ἔτι καιομένην ἐστίν, ἀποσβεσθεΐσης δὲ, ἔθδεν ἔτε τῆς νίκης τῷ πρώτῳ, δευτέρῳ δὲ αὐτ' αὐτῆ μέτεσιν· εἰ δὲ μηδὲ τάτῳ καιοίτο, ὁ τρίτος ἐστίν ὁ κρατῶν· εἰ δὲ καὶ πᾶσιν ἀποσβεσθεΐη, ἔθδεις ἐστίν ὅτῳ καταλείπεται ἡ νίκη.

## F I N I S.

CANTABRIGIÆ,  
 TYPIS ACADEMICIS EXCUDEBAT  
 JOSEPHUS BENTHAM.













46

PLEASE DO NOT REMOVE  
CARDS OR SLIPS FROM THIS POCKET

---

UNIVERSITY OF TORONTO LIBRARY

---

LL  
J9748

Juvenal

D. Junii Jurenalis et Auli  
Persii Flacci Satyrae; ed. by  
G. Standbyl.

